

Uraata Kizin Ngonjana Ki Yesu

1-3 O Tiopilus, sua mi uraata mataana kan boozomen ta munju Yesu ikam, ta anbeede se ro tio mataana kana. *

4 Aigule ta na, ni ziyan timbotmbot mi tikanan kini, mi ni iur sua pizin ma iso: “Kozo kezem Yerusalem loja pepe. Kombot mi kazza. Pa koron ta Tamanj imbuksua pa, ta ingi be iur ηonoono i. Ka sua ta nio anjo ma kelej kek. **5** Yoan, ni ikam yok men pizin tomtom. Mi niom na, molo som to Anutu ikam Bubunjana Potomjana ma isalakaala yom.”*****

*Yesu isala pa saamba
(Mk 16:19-20; Lu 24:50-53)*

6 Tana zin wal ta ziyan Yesu timbotmbot na, tiwi i. Tiso: “Biibi, parei? Ingi nol tabe pamender yam Israel mini be amkam peeze pa toono i?”*****

7 To Yesu ipekel kwon ma iso: “O, uraata tina ka nol, ina imbot la Tamanj itunu leleene. Pa ni

* **1:1-3:** Ro mataana kana tana, ina uruunu ambainjana ta Lukas ibeede.’ Sua mi uraata kini tana imar imar ma Anutu ikami ma isala pa saamba mini. Mi ingi be aŋseenje sua tio pa sua mi uraata kini pakan. Indeenej tau Yesu imeete mi imanja mini, mi aigule tomtooru ta iparto i tana na, ni ila iwedet kizin ηgonjana kini ta itunu ipekat zin na. Mi izzwe itunu pizin pa zaala boozo. Pa isombe zin tire kat. Naso tiute kat tau ni imanja kek. Mi izzo zin pa peeze ki Anutu, mi ikam ma Bubunjana Potomjana iso zin pa uraata pakan tommini. **1:1-3:** Lu 1:1+, 9:51, 24:13+; Yo 20:19+; 1Kor 15:5+

4: Lu 24:49; Yo 14:16+; Njo 2:33 **5:** Lu 3:16 **6:** Mika 4:8; Lu 24:21

ta imboro. Mi ina niom koroŋ tiom be kuute na som.⁸ ⁸ Mi kelenj. Bubunjana Potomnjana isombe imar ma isalakaala yom, toinabe kakam mburaana, mi kamaŋga mi kosoyaara uruŋ pizin tomtom be kopombol sua tio. Ko kakam isu Ŷerusalem munju, mana kapa pa Yudea, to kala pa Samaria, mi kala karao lele pakaana ta boozomen.”⁹

⁹ Yesu iposop sua tana, to tizem ruumu mi tisala pa lele mbukuunu Olib. Tirre i, mi miiri tieene izukkaali, mi Anutu ikami ma isala pa saamba.¹⁰ ¹⁰ Matan izalla be tirre kinkiini i, mi molo som na, wal ru tipet kizin ma ziŋan timendernder. Mburu kizin kokouŋjan men. Timanya na tiso:¹¹ ¹¹ “O niom tomtom ki Galilea, parei ta kemendernder mi motoyom izalla pa saamba? Keleŋ. Yesu ta Anutu ikami ma izem yom mi isala pa saamba a, kaimer ni kola imiili mini ma isu ta kembena.”¹²

Matias ikel Yudas

¹² To tizem abal Olib, mi timiili mini ma tisala pa Yerusalem. (Lele mbukuunu tana imbot kolouŋjana pa Yerusalem. Sombe tasala, na irao aigule potomnjana ka pai.)¹³⁻¹⁴ ¹³⁻¹⁴ Tipet kar na, tisala ruumu leleene kor kana ta tiluplup zin pa i. Zin ta tingi: Petrus ziru Yoan, mi Yems, Andreas, Pilip, Tomas, Patolomai, Matai, Yems toro ta Alpai lutuunu i, Simon (ni igabgaaba zin wal ta tisombe tikam malmal pa Rom mi tiziiri zin pa Israel na), mi Yudas ta Yems lutuunu na. Ziŋan Maria ta Yesu naana i, mi moori pakan, mi Yesu tiziini

⁸ **1:7:** Mk 13:32+; 1Tes 5:1+ ⁹ **1:8:** Lu 24:47+; Ngo 2:1+ ¹⁰ **1:9:** Mk 16:19; Lu 24:50+ ¹¹ **1:10:** Lu 24:4 ¹² **1:11:** Mt 26:64; 1Tes 4:16; Tur 1:7 ¹³ **1:12:** Lu 24:52

bizin tomini. Zin tana koron to tiparluplup zin mi tizunjuŋ.

¹⁵ Indeeŋe mazwaana tana na, aigule ta, zin wal ta titoto Yesu i tilup zin. Zin ko kembei tomtolamata tomoota (120). To Petrus imanja mi iso ta kembei. ¹⁶⁻¹⁹ Iso: “O niom tonmatiziŋ tio, kere. Muŋgu, Yesu ipeikat Yudas mi itinjan tawwa mi takamam uraata ki Merere tingi. Tamen ni isu mi iwe zaala pa Yesu ka koi bixin, ta tikami. To ikam mbulu kini sanannjana tana ka pat, mi isu ingiimi toono pakaana pa. To ila itop su toono, mi ipetepaala kopoono ma koponkopon ipet. Mi zin Ŷerusalem kan ta munŋaana men tileŋ, tabe tipaata toono tana la zitun kalŋan ma tiso Akeldama. (Zaana tana ka uunu ta kembei ‘Toono ki siŋ.’) Mbulu tana ka sua, muŋgu Bubunjana Potomnjana iswe la ki Dabit.²⁰ Pa mboe sunŋana kana ta ki Dabit iso ta kembei:

Muriini ta ni imbotmbot pa na, ko bilim.

Tomtom sa ko imbotmbot pa som.²¹

Mi sua lwoono toro iso ta kembei. Iso: “Kozo tomtom toro ikam muriini mi ikeli pa uraata.”²² Sua tana iur ḥonoono kek. Pa Merere sua kini ta boozomen bela iur ḥonoono. ²¹⁻²² Tana tomtom sa bela imar mi ingal yam ma munŋoyam mini. Naso amap ma ampombol sua pa manŋajana ki Yesu. Tana tere tomtom kiti sa tau igabgaaba iti, mi itinjan Yesu tawwa. Indeeŋe tau uraata ki Yoan pa yok kamŋana, mi imar imar ma aigule ta Anutu ikami ma izem ti, mi isala pa saamba mini.”²³

²⁰ **1:16-19:** Mbo 41:9; Mt 27:3+; Yo 6:70+ ²¹ **1:20:** Mbo 69:25

²¹ **1:20:** Mbo 109:8 ²² **1:21-22:** Lu 24:48+

²³ Petrus iso sua tana, to tiur wal ru: Yosep Barsabas ta zaana toro Yastus na, mi Matias. ²⁴ Tipamender ziru zan makin to, tisuŋ. Tiso: “O Merere, nu ute leleyam lup kek. Tana wal ru ti, so yam pa tomtom iŋgoi ta itum roogi²⁵ be ikam Yudas muriini, mi iwe ḥgoṇjana ku mi ikam uraata pu. Pa Yudas ta ipizil ndemeene pa uraata ku, mi imeete ma ila lene pa muriini tau nu ur pini pataanja kek na.” ²⁶ To tikam ma Matias zaana ipet. Tabe Matias ikam Yudas muriini, mi iwe ḥgoṇjana ki Yesu, mi iŋgal zin laamuru mi ta ma ila imun mini.

2

Bubuŋjana Potomŋjana isu

¹ Indeenje aigule ki Pentekos * na, zin urlaŋjana kan timap ma tilup zin ma timbotmbot.² Mi molo som na, tileŋ koron kembei ta miiri biibi i. Imbul ki saamba, mi isu ma izeebe ruumu leleene ta timbotmbot pa i.³ To tire koron kembei ta you miaana ipet, mi imureege ma isala tomtom tataŋa uten ma ikot zin.⁴ Tana Bubuŋjana Potomŋjana izeebe zin wal tana lup, mi iparaurau kwon ma tiso sua ila karkari kalŋjan.⁵

⁵ Indeenje tana, zin Yuda boozo ta timbotmbot lenjaleŋa irao lele pakaana ta boozomen na, zin tila timbotmbot Yerusalem tomini. Zin wal ki titoto mbulu ki Anutu. ⁶ Timbotmbot mi tileŋ la pa,

* **1:24:** Yo 2:25; Tur 2:23 * **2:1:** Pentekos, ina sunŋjana biibi ta kizin Yuda. Zin tilup zin pa Pasoba, mi aigule tomooru laamuru ilae, to Pentekos ipet. * **2:1:** Kam 23:16 * **2:2:** Ezek 37:9+; Yo 3:8 * **2:3:** Kam 3:2; Mt 3:11 * **2:4:** Mk 16:17; Yo 7:37+, 14:16; Ngō 4:31, 10:44+, 19:6

to timokor la pataanja. Mi zin wal ta Bubuñana Potomjana izeebe zin na, sua kizin ikam ma iwal biibi tau ñgar kizin imap. Pa tileñlenj kat la pa zitun kalñjan tau. ⁷ Tabe kwon itaanda mi tikamam ñgar boozo. Tiso: “Wai, a niom, wal tiñgi tikam parei kembei? Zin ingi sa Galilea kan men. ⁸ Mi parei ta iti tomtom tataña telenjlenj zin tizzo sua lala itundu kalñjanda kat kembei? ⁹ Iti tamar pa lele pakaana ki Partia, Midia, mi Elam, mi Mesopotamia, Yudea mi Kapadosia, mi Pontus ma Asia, ¹⁰⁻¹¹ mi Pirigia ma Pampilia, mi Aikuptu, mi lele pakaana ki Libia ta kolounjana pa Kairini na, mi Krit mi Arabia. Mi tomtom kiti pakan timar pa Rom tomini. Mi zin Rom kan na, pakan zin Yuda ñonoono. Mi pakan na, zin wal ta titoro zin ma tiwe Yuda i. Tamen sua ta wal taiñgi tikamam pa Anutu uraata kini bibip, ta iti tamap telenjlenj la itundu kalñjanda.” ¹² Tana zin iwal tana kwon taanda lup. Pa tikankaana pa mbulu tiñgi. Mi tiparwwi zin ma tiso: “Wai, ingi parei?” ¹³ Mi pakan na, tikam señge pizin ma tiso: “Ou, niom iwal, ingi sa tiwin na.”

Mos ta Petrus ikam pizin iwal biibi

¹⁴ Petrus ziñjan zin ñgonjana laamuru mi ta timbotmbot, mi imanga na iso ma kalñjanaa biibi. Iso: “Niom Yuda mi niom wal boozomen ta kombotmbot Yerusalem i, kuñgun talñoyom pio, mi nio ko añso yom pa mbulu tiñgi ka uunu. ¹⁵ Niom koso zin wal tiñgi tiwin. Mi ingi zoñ ise zen. Lak, winñjana sa, tiwinin pa mazwaana ta kembei? Som. ¹⁶ Keleñ. Mbulu ti ka sua, ta Anutu kwoono

[◊] **2:14:** Mt 16:19 [◊] **2:15:** 1Tes 5:7

Yoel iso ta muŋgu kek. Mi inŋgi buri iur ŋonoono i.
Sua ta kembei:

17 Anutu iso: Indeeŋe mazwaana kaimer kana ma
uraata tio iso ipet kat mat,[†]
na nio kola aŋkam Bubuŋoŋ ma isalakaala tomtom
ta munŋaana men.

To lutuyom bizin ma lutuyom moori bizin ko tiwe
nio kwoŋ mi tiso kalŋoŋ pizin tomtom.

Mi zin naŋgaŋ kaibiim ko tikeenetondo.

Mi Anutu ko iswe koron pakan pizin kolman ila
miuŋana.[☆]

18 Mi zin mbesooŋo mi mbesooŋo moori tio ta
kembena.

Indeeŋe mazwaana tana na, nio ko aŋkam
Bubuŋoŋ ma isalakaala zin.[☆]

19 Mi nio ko aŋkam uraata bibip ma ipet sala
maŋaanaŋana,

mi aŋkam mos mburanŋan isu toono tomini.

Ko kembei ta siŋ, you, mi you kakoi ta buk ma ise
i.

20 Pa zoŋ kola iyaara mini som, mi lele zugut. Mi
puulu mataana ko isiŋsiŋ.

Uraata tana kola ipet muŋgu, mana nol biibi
ki Merere be iswe mburaana ma ipet kat
mat.[☆]

21 Mi wal boozomen ta so titajroro Merere be iuulu
zin, na ni ko ikamke zin ma timbot ambai.[☆]

[†] **2:17:** Mazwaana kaimer kana imanja pa meetenjana mi
maŋgaŋana ki Yesu. Mi ko ila ila ma toono swoono. Mi ka kilalan
biibi na uraata ki Bubuŋana Potomŋana. [☆] **2:17:** Yesa 44:3; Ezek
39:29; Yo 7:37+ [☆] **2:18:** Ngo 21:9 [☆] **2:20:** Mt 24:29+, 27:45
[☆] **2:21:** Yoel 2:28+; Ngo 4:12; Ro 10:13

22 “Tana niom tomtom ki Israel, keleŋ sua tingi. Uraata mburanjan mi mos bibip ta Yesu ki Nasaret ikam la mazwoyom na, niom kuute lup kek. Uraata ta Anutu ipomboli ma ikam, ina iswe i kembei: Ni Anutu ingo i. ²³ Anutu, ni itunu ḥgar kini mi iur Yesu pataanja kek be ima nomoyom. Tanata niomjan zin Rom kan tau titoto tutu som na, kupuni ma imeete sala ke pambaaraajan. ²⁴ Tamen meetejana irao ikisi na som. Pa Anutu itatke i pa meetejana mburaana, mi iwhi ma burup ma imanja pa naala. ²⁵ Ka sua, Dabit iso ta muŋgu kek. Pa iso:

Nio aŋre Merere imbotmbot kereŋ uunu totomen.

Ni imbotmbot raama yo mi ikiskis yo. Tana kosa sa ko irao ikam yo ma aŋtop na som.

26 Ingi tabe ikam yo ma leleŋ ambai kat,
mi aŋso sua raama menmeen yo.

Nonoono, nio ko aŋmeete. Pa nio tomtom toono konj.

Tamen kopoj rru som. Ingi aŋmbotmbot mi aŋjurur motoŋ pu men tau.

27 Pa nu irao zem yo ma aŋmeete mi aŋsula Andewa be aŋbot na som.

Nu irao zem mbesoojo ku potomjanma ibuuzu na som.

28 Nu patoojo yo pa zaala ki mbotjanma mata yaryaaraajan.

Mi nu ko kam yo ma aŋbot su kerem uunu, mi kam ma leleŋ ndabok men. ²⁹

²² **2:22:** Yo 5:36 ²³ **2:23:** Yesa 53:10; ኃጋ 4:28 ²⁴ **2:24:** Lu 24:5; ኃጋ 3:15 ²⁸ **2:28:** Mbo 16:8+

²⁹ “O atonjan mi tiziñan. Nio lelen be aŋso kat yom pa tumbundu Dabit. Ni imeete ma titwi i ta muŋgu kek. Ma naala kini ta imbotmbot men kar ti.[☆]

³⁰ Tamen Dabit, ni Anutu kwoono. Mi ni iute tau Anutu imbuksua mboljana pini be kaimer to iur popoŋjana kini sa ma iwe king kembei ni itunu.[☆]

³¹ Ni ire mbulu tabe ipet pa kaimer i. Tanata iso pa manjaŋana ki Mesia, mi iso Anutu ko irao izemi ma imeete mi isula Andewa be imbot na som. Mi irao izemi ma ibuuzu na som.[☆]

³² “Mi Yesu ta amzzo yom pini i, ta Anutu iwiti ma burup ma imaŋga mini pa naala. Niam ta boozomen ti amre kat pa motoyam, tanata ampombolmbol ka sua. ³³ Ni, Anutu ipakuri, mi iuri ma imbot la namaana woono. Mi Tamaana ikam Bubuŋjana Potomjana pini kek. Ito itunu sua kini mbukjana tau. Bubuŋjana tana, ta Yesu kadoono ikam ma isalakaala yam, mi iŋgi kere mi kelen i.[☆]

³⁴ Mi Dabit itunu na, isala saamba som. Tamen ni iso ta kembei. Iso:

Merere iso pa Biibi tio ta kembei:
Mar mbulem su ta nomoj woono i

³⁵ ma irao ankoto kom koi bizin ma mburan imap
kat,
mi kumbum ise ŋiguren.”[☆]

³⁶ “Tana niom Israel ta munjaana men, kelen kat. Yesu ta kupuni ma imeete sala ke pambaařjana, ta Anutu iuri ma iwe Merere mi Mesia.”

Wal boozomen tiurla

[☆] **2:29:** 1Kin 2:10; Ngo 13:35+ [☆] **2:30:** 2Sam 7:12+; Mbo 89:3+, 132:11 [☆] **2:31:** Mbo 16:10 [☆] **2:33:** Yo 14:26; Pil 2:9 [☆] **2:35:** Mbo 110:1

³⁷ Tomtom tileñ la pa sua tana ma ambai som. Pa sua ingal zin. To tisu na tiso pa Petrus bizin. Tiso: “Wai toyamjan, kenako amkam parei?”[☆]

³⁸ Petrus ipekel kwon ma iso: “Kozo kamap kotooro leleyom, mi kakam yok pa Yesu Krisi zaana. Naso sanaana tiom ila ne, mi ni ipomoozo yom ma ikam Bubuñjana Potomjan piom.”[☆] ³⁹ Pa sua mbukñjana ti, ingi ima pa niom Israel niomjan lutuyom bizin, mi zin iwal karkari ta timbot lele molo na tomini. Pa wal boozomen ta sombe Merere Anutu kiti iboobo zin na, sua mbukñjana tingi imar pizin.”[☆]

⁴⁰ Petrus iso sua tingi men som. Kwoono imbol pizin pa sua boozomen. Pa isombe ikam zin ma tiurla ki Krisi. Tana iso pizin ma iso: “Motoyom ingal mi kuru zaala pa ituyom be kombot ambai. Pa ingi kombot la wal sananjan lelen. Kokena niomjan kala leyom.”[☆] ⁴¹ Aigule tana na, zin tau tiurla Petrus kaljaana, mi tikam yok mi tila tigaaba zin wal urlanjana kan na, zin ko kembei munjaana tel (3,000) ma ingi. ⁴² Mi zin tiurur kat lelen pa sua kizin ḡonjana ki Yesu, mi tiluplup zin pa sunjana mi kini kanjana.

Mbulu kizin wal mataana kan ki Krisi

⁴³ Zin ḡonjana ki Yesu tikamam uraata bibip mi titortoro mos boozo. Tabe tomtom ta boozomen tire mi timoto kan. Pa tire kat Anutu mburaana tau.[☆] ⁴⁴ Mi zin urlanjana kan tiluplup zin, mi tiparkamam zin ma ambai. Tomtom sa irao kwoono imbol pa koronj kini sa be iwe itutamen

[☆] **2:37:** Ibr 4:12 [☆] **2:38:** Mk 16:16; Lu 24:47; ḡo 3:19 [☆] **2:39:** Yesa 57:19; Yo 10:16; ḡo 14:27; Ep 2:13+ [☆] **2:40:** Ga 1:4; Pil 2:15
[☆] **2:43:** ḡo 5:12; 2Kor 12:12

lene i na som. Koronj kizin ta munjaana men, ta tiparrai pizin men.⁴⁵ ⁴⁵ Pa tikamam mburooŋo pa koronj kizin, mi tiparrai pizin pakan ta len som i. Tabe zin ta boozomen len koronj irao.⁴⁶⁻⁴⁷ ⁴⁶⁻⁴⁷ Mi aigule ta boozomen tilala ma tiluplup zin su Urum Merere kwoono. Mi tiparluplup zin la ruumu kizin kizin pa sunjana mi kini kanjana. Mi tikanan kini raama lelen ambai men, mi tiwidit Anutu zaana. Paso, tiur kat lelen pini. Tana tomtom timap ma lelen pizin. Mi zin wal ta Merere ikamam uraata pizin be ikamke zin na, ni ipaŋgutŋguutu zin ikot aigule ta boozomen, ma tilala tigabgaaba zin wal urlaŋjana kan.

3

Petrus iurpe tomtom kumbu kaamaŋjana ta

¹ Aigule ta, zoŋ mataana ikam tel na, Petrus ziru Yoan tisala pa Urum Merere. Pa sunjana rou kana be imanja. ² Ziru tiwwa ma tisala na, tomtom kaamaŋjana ta, tikami ma tiuri su urum kwoono ta tipaata be Kataama Kwoono ta Ambainjana Kat na. Tomtom tana, naana ipeebi na, ni ta kembeaŋjana. Tana aigule ta boozomen tiziŋziŋi ma timar, mi tiuri mi imbotmbot. Beso tomtom timar be tiloondo pa urum na, izarra namaana pizin pa le koronj. ³ Ikamam ta kembea, mi ire Petrus ziru Yoan tila mabe tilela. To isun ziru pa le pat. ⁴ Ziru tigeede su pini, mi Petrus iso: “Motom mar!” ⁵ Tana tomtom imbot mi iur mataana pizin. Pa indemeere iso ko tikam le koronj sa.

⁴⁵ **2:44:** Lu 12:33, 18:22; Ngo 4:32+ ⁴⁶ **2:45:** 2Kor 8:13

6 Tamen Petrus iso pini. Iso: “A barau, pat silba mi gol na, leŋ sa som. Mi koron ta, ta imbotmbot i. Ingi be aŋkam pu. Nio aŋso pu pa Yesu Krisi ki Nasaret zaana: Manŋa mi pa!”[☆]

7-8 To iteege su pa namaana woono mi iwiti. Beso burup na iman̄gaŋga to, sinj iloondo pa kumbuunu uranuran, mi iyamaana kembei kuliini ikam pirik. Ipa ma ila ri, to ilulu i raama menmeeni biibi, mi ipakurkur Anutu zaana, mi ziŋan tilela pa urum.[☆] **9** Wal matan la na, tire ni iwwa mi ipakurkur Anutu ma ikamam. **10** Mi tikilaali kembei ni ta munju imbotmbot Kataama Kwoono ta Ambainjana Kat, mi izarra namaana pa le pat. Tabe timurur pa mbulu ta ipet pini na, mi kwon itaanda. Tikam njgar pini ma tirao som.

Mos ta Petrus ikam su Urum Merere kwoono

11 Tomtom tana isou kiskis Petrus ziru Yoan ma ziŋan timbotmbot, mi iwal biibi tilonloondo ma tila kizin ta Pootho ki Salomo a. Pa timurur pa mos ta ipet na. **12** Petrus ire zin, to iso pizin. Iso: “O niom Israel, parei ta kumurur pa uraata tingi mi kegeede yam? Tomtom ti, niam amkami ma ipa pa ituyam mburoyam, som mbulu tiam sa ta ndaboknjana i na som. **13** Keleŋ kat. Anutu ki tumbundu bixin, Anutu ki Abaraam, Isak mi Yakop, ina ni ikam mbesooŋo kini Yesu ma isala saamba kek be ikam zaana biibi. Mi Yesu tana, ta ikam mbulu tingi. Ni ta kakami ma ila be tipuni na. Pilatus ire i ma iso izemi. Mi niom koso: ‘E-e. Niam leleyam pini som. Puni ma imeete.’[☆] **14** Kere. Tomtom potomnjana mi ndeerŋejana, ta niom leleyom

[☆] **3:6:** Ngo 14:10 [☆] **3:7-8:** Ngo 5:15+, 9:34+, 14:8+; Yems 5:14+

[☆] **3:13:** Kam 3:6; Lu 23:18+

pini som. Mi tomtom sananjana ta ipunun zin tomtom, ta koso pizin ma tiputke i mi ima tiom na.¹⁵ Tana ni ta mbotjana mata yaryaarañana katuunu i, ta niom kupuni ma imeete. Tamen ni, Anutu ipei i ma burup ma imañga mini pa naala. Niam tiñgi amre kat ki motoyam. Tanata ampombolmbol ka sua i.¹⁶ Mi kosa sa som. Yesu zaana tau. Waende ti, niom kuute patañana kini kek. Mi ni iurla mi ipase pa Yesu zaana, tanata ikami ma niom ta boozomen kere ni niini ndabok.¹⁷

¹⁷ “O atoñan ma tiziñan, nio ajute. Ina niomjan zin bibip tiom kikilaala Yesu som, tanata kakam mbulu tana pini.¹⁸ Mi ina zaala ki Anutu tau. Ni itunu ipazal, bekena sua kini boozomen ta muñgu iso la ki kwoono bizin na iur ñonoono. Sua tana iso ta kembei: Mesia kini ko ire yoyouñana biibi.¹⁹ Tana niom kere be kipizil ndemeyom pa mbulu tiom sananjana, mi kotooro yom, mi kimiili ma kala ki Anutu. Naso ni imus sanaana tiom mi ila ne. Mi niom so kakam ta kembei, inako Merere ipayaryaara yom,²⁰ mi iñgo Mesia ta ni itunu iuri piom na ma imiili mini.²¹ Pa ni bela imbotmbot men ta saamba a ma irao mazwañaña tabe Anutu iurpe koron ta boozomen ma ambai mini. Ito sua kini mbukjana ta iso la ki kwoono bizin ta muñgu kek na.²² Pa Mose iso ta kembei. Iso: Merere Anutu tiom ko ipamender tomtom tiom sa ma iwe kwoono kembei ta nio i. Mi niom kozo keleñ la kalñaana pa koron ta

¹⁵ **3:14:** Lu 23:18+ ¹⁶ **3:15:** Lu 24:48; Ngo 1:8, 2:24,32+ ¹⁷ **3:16:** Lu 17:19; Ngo 4:10 ¹⁸ **3:17:** Lu 23:34; Ngo 13:27; 1Kor 2:8; 1Tim 1:13 ¹⁹ **3:18:** Mbo 22; Yesa 53:5+; Lu 24:26,44; Ngo 2:23; 1Pe 1:10+
²⁰ **3:19:** Ngo 2:38 ²¹ **3:20:** Ngo 1:11; 1Tes 4:16 ²² **3:21:** Mt 19:28; Ro 8:19+; 2Pe 3:13

munjaana men. ²³ Mi sombe tomtom sa ilenji som, nako Anutu ipambiriizi i ma ila lene kat. Kokena igaaba wal kini.◊

²⁴ “Tana kere. Pa munju ta Anutu kwoono Samuel mi imar na, Anutu kwoono bizin tiso sua pa mazwaana ta tingi.◊ ²⁵ Ingi matamur ki Anutu kwoono bizin, ta imar kiti tomtom ta popoŋana kizin i. Pa sua mbukŋana kini ta ni ikam la ki tum-bundu bizin, ta ingi iur ŋonoono piti i. Motoyom ingal sua ta munju iso pa Abaraam na. Isombe Popoŋana ku ko iwe zaala be kampeŋana biibi ise kizin wal boozomen ta timbotmbot su toono na.◊

²⁶ “Tana kere. Anutu ipei mbesoonjo kini Yesu ma burup ma imanja mini pa naala kek. Mi ni isombe ipumuŋgu kampeŋana kini piom. Tanata ingi ikam Yesu uruunu ma imar piom munju, bokena ikam yom ma kipizil ndemeyom pa mbulu tiom sananŋana.◊

4

Tipamender Petrus ziru Yoan

¹ Petrus ziru Yoan tizzo sua pizin tomtom, mi zin patoronŋana kan pakan ziŋjan biibi kizin menderŋan ta timborro Ūrum Merere i, mi zin sadusi pakan timar. ² Timar raama keten malmal kat pa Petrus ziru Yoan. Pa ziru tikamam sua pizin tomtom mi tizzo ta kembei: Wal ta so tisekap la ki

◊ **3:23:** Lo 18:15+; Ngo 7:37 ◊ **3:24:** Lu 24:27 ◊ **3:25:** Un 12:3, 18:18, 22:18; Ga 3:8 ◊ **3:26:** Ngo 13:46, 22:21; Ro 1:16

Yesu, nako timanja mini pa naala.^{◊ 3} Mi rorou kek. Tana tila ma tikiskis zin, mi tiur zin lela ruumu sanaana pataanja be tinaama sua. Ziru be timbot tana, mi tikeene ma aigule toro. ⁴ Mi zin tomtom tau tileŋ sua kizin na, boozomen tiurla. Tabe tila tigaaba zin ta muŋguŋan na, to zan isala kat. Zin tomtom tiraо kembei munjaana lamata (5,000).

⁵ Aigule toro na, zin peeze kan kizin Yuda, zinjan zin mboronjan mi zin ŋgarŋan ki tutu tilup zin su Yerusalem. ⁶ Mi bibip kizin wal patoronjana kan ta Anas, Kaipas, Yoan, mi Alisande na, mi wal kizin pakan, zinjan tau. ⁷ Timbotmbot, mi tikam Petrus ziru Yoan ma timar na, tipamender ziru ila kereng uunu. To tiwi zin ma tiso: “Ai, niomru kakam uraata ti pa asin zaana mi mburaana?”[◊]

⁸ To Bubuŋana Potomjana izeebe Petrus, mi imanja to iso pizin. Iso: “Niom peeze koyom mi niom mboronjan. ⁹ Parei? Koozi niom koscombe kiwi yam pa mbulu ambaŋana tau ipet pa tomtom kaamaŋana ti, mi zaala tau ni niini ambai, ta ko-boobo yam i? ¹⁰ Nakena niom ta boozomen keleŋ kat. Mi niom men som. Zin Israel ta munjaana men. Ingi kosa sa som. Mi Yesu Krisi ki Nasaret ta kupuni ma imeete sala ke pambaaranjana, mi Anutu ipei i ma burup ma imanja pa naala na. Ina ni zaana mi mburaana, ta ikam ma niom kere tomtom kaamaŋana taingi niini ambai mi imendernder la motoyom i.[◊] ¹¹ Yesu ta muŋgu tibeede ka sua ta kembei:

Pat ta niom wal tau kowwo ruumu na, motoyom repili mi kipiri lae lene na, pat tamen tana,

^{◊ 4:2:} Mt 22:23; Ngo 17:18 ^{◊ 4:7:} Mt 21:23 ^{◊ 4:10:} Ngo 3:13+

ta ko tipamender ruumu sala ma imbol.◊

12 “Ni itutamen ta ulaanja kit. Sombe turu ulaanja la ki tomtom toro sa, ina tarao tendeeje som. Pa tomtom ta tirao toono ti, na sa zaana irao iuulu kat iti ma tombot ndabok na som. Pa Anutu iur ni itutamen.”◊

13 Timbotmbot mi tire Petrus ziru Yoan timoto som mi tizzo katkat sua, to timurur pizin. Pa tiute zin tomtom kar kan men. Tila skul biibi som. Tana tikilaala zin kembei ziyan Yesu tiwwa tau. **14** Mi tire tomtom ta tiurpe i ma niini ambai i, ziyan timender ma timbotmbot, tabe len sua sa som mi timaane men. **15** To tiser Petrus ziru Yoan pa lupjana kizin ma tipera mat, mi zin be tiso kan sua. **16** Mi timanja na tiparwi zin. Tiso: “Lak, ingi kozo ko takam parei pizin? Pa mos biibi ta ziru tikam na, ina ipet kat mat, mi iwal biibi ta timbot Yerusalem i tiute lup kek. Tana iti toscombe takam be tawatkaala, nako takam ma tarao som.”◊ **17** Mi bela tupunmeete sua tingi ma imborene kat. Kokena irak ma wal pakan tileñ mi tiurla. Kozo takam sua pamotonjana pizin mi tepeteke zin be tiso sua pa tomtom sa pa Yesu zaana mini pepe.”

18 Tiso makin, to tiboobo Petrus ziru Yoan ma tile mini na, kwon imbol pizin be tikam sua sa pizin tomtom pa Yesu zaana mini pepe.◊ **19** Tamen ziru tipekel ma tiso: “Wai, kena niom ituyom kitiiri. Ko parei? Amlen la niom kaljoyom, som Anutu kaljaana? Mbulu ingoi ta indeeje pa Anutu mataana?”◊ **20** Pa koron biibi ta niam amre mi

◊ **4:11:** Mbo 118:22; Mt 21:42 ◊ **4:12:** Mt 1:21; Yo 14:6; Ngo 10:43; Ro 10:13 ◊ **4:16:** Yo 11:47 ◊ **4:18:** Ngo 5:28,40 ◊ **4:19:** Ngo 5:29

amleŋ kek. Tana ingi irao amaane na som. Ko amzzo men ta kembei.”

²¹ Tiso ta kembei, tabe zin bibip tisu ma tise pizin, mi tikam sua pamotoŋjana pizin mini. Mana tizem zin ma tila. Tana zin bibip tana tiru zaala be tiseeze matan ma som. Pa iwal timap tire uraata tana ma lelen ambai mi tipakur Anutu pa. ²² Pa tomtom kaamaŋjana ta mos tana ipet pini ma niini ndabok na, ndaama kini ilip pa tomtooru kek.

Suŋjana kizin wal urlaŋjana kan

²³ Petrus ziru Yoan tiyoota na, kaŋkaŋ ma tila ki waen bizin, mi tiso zin pa sua ta zin bibip kizin patoronnjana kan mi zin mboronŋan tikam pizin na.

²⁴ To waen bizin tileŋ na, tilup lelen mi tikam suŋjana ila ki Anutu ta kembei. Tiso: “O Merere, nu ta mburom keskeezenjom mi koronŋimap katunu. Nu ur saamba mi toono, mi tai raama koronŋ boozomen men ta timbot pa. ²⁵ Itum Bubuŋom Potomŋjana ta ikam peeze pa tumbuyam Dabit ta mbesooŋo ku na, ma iso ta kembei:

Parei ta zin karkari keten malmal mi kalŋjan izalla?

Wal matan munŋjan timburmbuuru sorok paso?

²⁶ Zin king ki toono ziŋjan zin peeze kan tilup zin, mi tikam kumbun be ziŋjan Merere mi Mesia kini tiporou. ²⁷

“Mi ingi sua tingi iur ŋonoono kek. Pa nu itum roogo mbesooŋo ku potomŋjana Yesu, mi uri ma iwe Mesia. Tamen Erot ziru Pilatus ziŋjan zin wal ta Yuda somŋjan i mi zin Israel, ta tilup zin su kar biibi ti mi tipuni ma imeete. ²⁸ Mi timaŋga ma

[⊗] **4:24:** Kam 20:11 [⊗] **4:26:** Mbo 2:1+ [⊗] **4:27:** Lu 23:7+

tikam mbulu ti na, ito top la zaala tau nu itum lelem iur pa pataaŋa kek be ipet ta kembena.[☆]
²⁹ Merere, sua pamotoŋana ta tikamam piam i, nu leŋ kek. Tana pombol niam mbesoŋo ku be amoto pepe, mibe amender mbolŋana pa sua ku kamŋana.[☆] ³⁰ Swe mburom mi urpe zin metenjan mi kam mos bibip pakan ma ipet pa mbesoŋo ku potomŋana Yesu zaana.”

³¹ Tisuŋ makin, to kembei ta yenyeenje itok pa lele tau tilup zin pa i, mi Bubuŋana Potomŋana izeebe zin ta boozomen. Tana timoto som, mi timender mbolŋana pa Anutu sua kini soy-aaraŋana.[☆]

Zin urlaŋana kan tiparlup lelen

³² Zin urlaŋana kan ta munŋaana men lelen mi ŋgar kizin iwe tamen. Mi tomtom sa irao kwoono mbol pa koron kini sa be iwe itutamen lene i som. Koron kizin ta munŋaana men, ta tiparrai pizin men.[☆] ³³ Mi uraata kizin ŋgonjana ta tipombolmbol sua pa maŋgaŋana ki Merere Yesu na, mburaana biibi. Mi kampeŋana biibi imbotmbot raama zin urlaŋana kan ta boozomen. ³⁴ Mi tomtom kizin sa imbot ŋoobo som. Pa zin ta len toono mi ruumu na, tiurur ŋgomo pa. Beso tikam ka pat, ³⁵ to tikam ma tiur la kizin ŋgonjana. Toinabe zin tirai pizin wal tau len koron som mi timbot ŋoobo i.[☆]

³⁶⁻³⁷ Tikamam ta kembei, tana tomtom ta ki mutu Saiprus, zaana Yosep, ni tomini iur ŋgomo pa toono kini. To tiŋgiimi, mi ikam ka pat ma ila

^{☆ 4:28:} Ngo 2:23 ^{☆ 4:29:} Ngo 3:13, 13:46; Ep 6:19+; Pil 1:14

^{☆ 4:31:} Ngo 2:2+ ^{☆ 4:32:} Lu 12:33, 14:33; Lu 18:22; Ngo 2:44+

^{☆ 4:35:} 2Kor 8:13+

iur la kizin ḥgonjana. Yosep tana, ni uunu ipet la ki Lebi. Mi zin ḥgonjana tileele zaana be Panabas. (Pisis Panabas ka uunu ta kembei: ‘Tomtom ki ipombolmbol zin tomtom’.)[☆]

5

Mbulu pakaamjana ki Ananias ziru kusiini Sapira

¹ Tomtom toro, ni zaana Ananias. Mi kusiini zaana Sapira. Ni ziru tomini tiur ḥgomu pa toono kizin pakaana, mi wal tinggaimi. ² Tamen ziru tisu mi tikam pakaamjana. Pa pat ta tisombe tiur ma iwe Anutu lene na, tiruutu pakaana ma imbot pizin. Mi pakaana men, Ananias ikam ma iur la kizin ḥgonjana, mi iso: “Is. Ingi pat munjaana ta ti.”
☆

³ Tamen Petrus ileŋ na, iso pini. Iso: “Wai, Ananias. Parei ta nu zem Tomtom Sanaana ma izeebu, mi ruutu pat pakan? Parei? Nu so kam be pakaam Bubunjana Potomjana? ⁴ Indeenje ta nu kam ḥgomu pa toono ku tana zen, ina nu koron ku. Mi kaimer ma tomtom tinggaimi mi kam ka pat, ina tomini koron ku men. Nu itum ta mboron. Mi sokorei ikamu ta lelem iur pa mbulu ta kembena? Ina nu kam pakaamjana piām tomtom som. Ina nu kam pa Anutu tau.” ⁵

⁵ Ananias ileŋ men sua tingga mi imalaala. Itop su ma kup. Beso tomtom tilen uruunu na, motojana biibi ikam zin lup. ⁶ To naŋgaŋ timar ma tizuki pa kawaala, mi tisinji ma tila titwi i.

[☆] **4:36-37:** ḅgo 9:27, 11:22,30, 13:2 [☆] **5:2:** Yos 7:1-26 [☆] **5:3:** Lo 23:21+; Lu 22:3 [☆] **5:4:** Mt 23:27+

⁷ Timbot ma moloŋana ri, mana Ananias kusiini ile. Mi mbulu ta ipet pa Ananias na, ni iute som.

⁸ Ile na, Petrus imanja mi iwi i. Iso: “Ai, nu so lak. Nu niomru kusim Ananias, toono ka ḡgomu munjaana men ta ti?” Moori ipekel ma iso: “E, ḡgomu ta tina.”

⁹ To Petrus iso pini. Iso: “Lak, parei ta niomru kulup leleyom mi koso kotoombo Merere Bubuŋana? Leŋ. Wal ta titwi kusim ta timbotmbot kataama ndemeene i. Mi nu ko tisiňu ma pera tommini.”

¹⁰ Lak molo? Moori imalaala ma ila ituti su Petrus kumbuunu uunu ma kup. Naŋgaŋ tile ma tire i kup su ma imbotmbot, to tironrooŋgi ma tiyooto, mi tila titwi sula waene zilŋaana uunu.

¹¹ Uraata ti ipet ma lupŋana ki Krisi ziŋan zin wal pakan tileŋ, to motoŋana biibi ikam zin lup.

Zin ḡgonjana titooro mos bibip pakan

¹² Yesu ḡgonjana kini timbotmbot mi titortooro mos mi uraata bibip boozomen pizin tomtom. Mi zin urlaŋana kan na, tiluplup zin se poothi Salumo ta imbot Urum Merere zilŋaana na. [☆] ¹³ Mi tomtom tila ma tigabgaaba zin sorok na som. Pa timoto. Tamen iwal biibi na, matan ise kizin mi tiwidit urun. ¹⁴ Tabé moori ma tomooto na, iwal ma iwal kat ta tiurla ki Merere, mi tila tigabgaaba zin ma tiwe boozo. ¹⁵ Mi uraata boozomen ta iwedet. Tabé tomtom tikamam zin meteŋjan kizin izze ke poŋana ma mi kizin, mi tikamam zin ma tilala zaala. Pa tikam ḡgar ta kembei: Sombe Petrus ipa ma ila igarau zin, mi so kunuunu men isalakaala zin, toinabe mburaana iyooto pini, mi

[☆] **5:12:** ḡgo 2:43; 2Kor 12:12

iuulu zin ma nin ndabok. [◊] **16** Mi kar ta timbot koloujana pa Yerusalem na, ta kembena. Tikamam zin metejan kizin ma wal kizin pakan ta bubuñana sanannjan tipasansaana zin na, mi tilala Yerusalem. To timokor men la kizin ngonjana, mi zin tiurpe zin ma nin ambai lup. [◊]

Zin bibip kizin Yuda tiseeze zin ngonjana matan

17 Zin ngonjana tikamam ta kembena, tabe biibi kizin wal patoronjana kan, ziñan gaabanjana kini boozomen ta zin sadusi na, ñgar sanannjana izeebe zin ma matan mburmbur mi keten malmal kat pizin ngonjana. Paso, tire uraata kizin ilonloondo raama mburaana. **18** Tabe timanga, to karau lae pizin, mi tizeebe zin lela ruumu sanaana. [◊]

19 Mi mbenj na, anjela ki Merere ta ila, to isol ruumu sanaana ka kataama pizin, mi ikam zin ma tiyoto ma tipera mat. [◊] **20** To iso pizin. Iso: “Kala ta Urum Merere kwoono, mi koso kat zin tomtom pa mbotnjana poponjana ti ka zaala.”

21 Tana berek su na, tiloondo pa Urum Merere, mi timanga ma tikam sua pizin tomtom. Tito sua ta tileñ kek na. Tikamam mi, biibi kizin patoronjana kan ziñan zin gaabanjana kini, tiboobo zin peeze kan kizin Israel ziñan zin mborojan ta boozomen ma timar be tilup zin. Tilup zin ma timbotmbot, mi tingó menderñan pakan ma tila ruumu sanaana be tikam zin ngonjana. **22** Beso tiwwa ma tilela ruumu sanaana na, matan ru zin ma som. Tana timili ma tila lupñana, to tisotaara zin. **23** Tiso: “Wai, niam amla ruumu

[◊] **5:15:** Mt 9:21, 14:36; Ngo 19:12 [◊] **5:16:** Mt 8:16 [◊] **5:18:**
Ngo 4:3 [◊] **5:19:** Mbo 34:7, 146:7; Ngo 12:7+, 16:26

sanaana na, ka kataama kotkaalañana, mi zin ta timborro kataamañan i, timendernder. Tamen amkaaga kataama ma amlela na som. Tomtom som.” ²⁴ Biibi kizin menderñan ta timborro Urum Merere i ziñan bibip kizin patoronnjana kan tileñ sua sotaaranjana tingi na, tikam ñgar boozo. Tiso: “Wai, ingi kozo ko parei?”

²⁵ Be molo som na, tomtom ta imar mi isotaara zin. Iso: “A, niom na kombotmbot? Mi zin wal ta kezeebe zin lela ruumu sanaana, ta tikamam sua pizin tomtom ta Urum Merere kwoono a.” ²⁶ Biibi kizin menderñan ileñ sua tana na, imanja mi iyo zin tomtom kini, to pai. Kanjan pataanja ma tila be tikam zin. Tamen rungun kembei malmal mi tila tikam zin som. Pa timoto kan. Kokena zin iwal biibi timanja pizin, mi tipun zin pa pat.

²⁷⁻²⁸ Tila tikam zin ñgonjana makiñ, to timili ma tila mi tipamender zin la zin bibip matan. Mi biibi kizin patoronnjana kan iyaamba zin. Iso: “Kapaata to tana zaana ndabok! Niom talñoyom som? Niam kwoyam imbol piom kek. Irao koso zin tomtom pa tomtom tana pepe. Mi ingi kosoyaara uruunu ma irao Yerusalem kek. Parei? Niom koso kakam be kuur siñ kini ka kadoono ise tiam?” *

²⁹ Petrus ziñan ñgonjana pakan tipekel kwon ma tiso: “Niam ti amrao amto sorok sua ki tomtom sa na som. Bela indeeñe Anutu ñgar kini to amto.

* ³⁰ Kelen. Yesu ta niom kupuni ma imeete sala ke pambaaranjana, ta Anutu ki tumbundu bizin ipei i ma imanja mini kek. * ³¹ Mi ipakuri mi iuri la itunu namaana woono, mi iwe koronj imap

* **5:27-28:** Mt 23:35, 27:25; Ngo 4:18 * **5:29:** Ngo 4:19; Ga 1:10;
1Tes 2:4 * **5:30:** Ga 3:13

katuunu kek. Mi ni ulaaŋa kiti. Tana ni ta ko itooro iti Israel, mi ireege sanaana kiti ma ila ne.

✳ 32 Mi niam tingga amre kat uraata kini, tanata ampombolmbol koron tingga ka sua. Mi niam men som. Bubuŋana Potomŋana tomini ipombolmbol sua ti. Ni, Anutu ikami pizin tomtom ta boozomen ta titoto sua kini na.” ✳

Ngar ambaiŋana ki Gamaliel

33 Zin tileŋ sua tana, to keten ibeleu kat ma tiso tipun zin ḡonjana ma timetmeete ma tila len pataaŋa. 34 Tamen tomtom ta ki lupŋana tana, za-anan Gamaliel. Ni tomtom zaanajana kizin ḡarjan ki tutu. Mi zin iwal tau matan izze kini. Imaŋga to iso pa waene bizin. Iso: “Ai, kakam wal tina ma tipera mat muŋgu.” 35 Zin ḡonjana tipera, to ni iso pa lupŋana tana. Iso: “Niom Israel, keleŋ. Kumbuulu zin lonja pepe. Timbot mi iti takam kat ḡar muŋgu, tona tuur len zaala sa. 36 Motoyom imili pa Teudas. Ndaama pakan ta ila kek na, ni imar ipet, mi izzo pa itunu be ni tomtom toro. Ma tomtom tau sorok som (400), ta tila tito i. Lak, koozi imbotbot i? Som. Tipuni ma imeete, to naŋgaŋ kini tikam pirik, mi kosa sa som. 37 Ni imar ila, to kaimer ma mazwaana ta tikam tomtom zan na, Yudas ki Galilea imar ipet, mi ipese zin tomtom ma tito i, mi tila be tiziiri gabman ki Rom. Tamen ni tomini, tipuni ma imeete, mi tomtom kini tisu ma tiwe paŋaenae sorok. 38 Tana koozi, nio lelen be aŋsope yom ta kembei: Wal tina, kumbuulu zin pepe. Kezem zin ma tila. Pa takankaana pa ḡar mi uraata kizin. Sombe ki toono, nako tikam ma

✳ 5:31: Mk 16:19; Lu 24:47+; ḡo 2:38, 3:19 ✳ 5:32: Lu 24:48; Yo 15:26+

som. [☆] ³⁹ Tamen sombe uraata ti imar pa Anutu, na niom ko karao be kokoto zin na som. Tana kere yom. Kokena niomjan Anutu koporou.” [☆]

⁴⁰ Sua ki Gamaliel ikam ma titooro ngar kizin. Tana tiboobo zin ḡoṇjana ma tilela mini, to tibalis zin, mi tingalsek pizin be tila mi tiso zin tomtom pa Yesu zaana mini pepe. To tizem zin ma tila. ⁴¹ Zin ḡoṇjana tizem lupṇjana mi tila na, lelen ambai kat ma menmeen zin biibi. Paso, tire ta kembei: Sombe tomtom tipamiañ zin, mi tibaada patañjana pa Yesu zaana, ina kembei pakurṇjana. [☆]

⁴² Mi uruuunu ambaiñana soyaaranjana na, tizem risa som. Aigule ta boozomen tikamam sua pizin tomtom su Urum Merere kwoono. Mi tilala ruumu kizin tomtom tomini ma tizzo zin bekena tiute: Yesu, ni Mesia.

6

Tiur wal lamata mi ru be tiuulu zin ḡoṇjana

¹ Indeeje mazwaana tana, zin wal ta titoto Yesu i timasak ma tiwe boozo. To zin Yuda tau tizzo Grik kaljn̄an i, tisu mi tikam sua boozo pizin wal tau tizzo Iburu kaljn̄an i. Tiso: Kini rainjana mi koron̄ reegeñjana ta gorgori tikamam na, tirre zin noron̄a kizin Yuda ta tizzo Grik i som. ² Tabé zin ḡoṇjana laamuru mi ru tiboobo wal boozomen ta titoto Yesu i ma tilup zin, mi tiso pizin. Tiso: “Niom tonmatizij tiam, kere. Sombe amzem sua ki Anutu soyaaranjana, mi amboro kini ma koron̄ rainjana, ko Anutu leleene ambai? Som. ³ Tana niom kaparre yom, mi kuur leyom tomtom lamata mi ru sa

[☆] **5:38:** Mt 15:13 [☆] **5:39:** Lu 21:15 [☆] **5:41:** Mt 5:10+; Nggo 14:22; Pil 1:29; 1Pe 4:13

tau urun ambaimbaijan, mi len ngar ambaijana, mi Bubunjana ikamam peeze pizin. To amur zin ma timender pa uraata taingi. [◊] ⁴ Mi niam ti, nako ambot kat pa sunjana mi ambesmbeeze pa Merere pa sua kini soyaaraajanana.” [◊]

⁵ Wal ta boozomen tilej ma titiiri sua ta zin ngojana tipiri na, mi tiyok pa. To tiur Setepan (ni Bubunjana Potomjana izeebe kati mi urlanjana kini imbol kat), mi Pilip, Prokorus, Nikeno, Timon, Pamenas mi Nikolas ta ki kar Antiok na. (Nikolas ti, naana ma tamaana Yuda som. Mi ni itoori ma iwe Yuda.) ⁶ Mi tikam wal lamata mi ru tana ma tila kizin ngojana, to zin tiur naman sala uten ma tisuj pizin bekena tiur zin pa uraata. * [◊]

⁷ Mi mazwaana tana, Anutu sua kini mburaana ma ila pizin tomtom boozomen. Tabe zin wal ta titoto Yesu i tiwe boozo kat su Yerusalem. Mi zin patoronjana kan ta kembena, tomtom kizin boozo tilej la sua mi tiurla. [◊]

Titeege Setepan

⁸ Setepan, ni tomtom tau Merere mburaana mi kampenjana kini biibi imbotmbot se kini. Tana itortoro uraata mburanjan mi mos bibip ma tomtom tire. [◊] ⁹ Tamen zin Yuda pakan ki lupnjana ta, ta timbotmbot. Wal tana, muñgu tiwe mbesoojo pizin tomtom pakan. Tamen buri na, tomtom sa imboro zin mini som. Mi timar pa kar Kairini, mi kar Aleksandria, mi lele pakaana ki Silisia, mi lele pakaana ki Asia. Timanja mi

[◊] **6:3:** 1Tim 3:2+; Tit 1:6+ [◊] **6:4:** Ro 1:9 * **6:6:** Wal lamata mi ru ta tiur zin pa uraata na, zin ta boozomen tizzo Grik kalrjan. Pa pisis kizin na, kizin Grik. [◊] **6:6:** Ngo 13:3; 1Tim 4:14 [◊] **6:7:** Ngo 12:24, 19:20 [◊] **6:8:** Ngo 2:43

zinjan Setepan tiparzooro pa sua. ¹⁰ Tamen tiraو i som. Pa Bubuñana Potomñana ipazalzali pa sua ta ni izzo pa Anutu ñgar kini. [◊] ¹¹ To tiru zaala pini, mi tipese tomtom pakan ma tila mi tiso sorok sua pakaamñana ta kembei. Tiso: “Niam ti amlenj Setepan ipiri sua repiilinjana pa Mose, mi Anutu tomimi.” [◊]

¹² Tikam sua ta kembei, tabe tikuru zin ñgarjan ki tutu mi zin mboronjan zinjan iwal biibi lelen ma timan a mi titeege Setepan. To tila mi tipamenderi la lup ana biibi kizin wal peeze kan matan. ¹³ Mi tisokere zin tomtom ma timan a mi tipombol sua pakaamñana pa Setepan. Tiso: “To ti, gorgori iwirri sua sanan ana pa Urum Merere potomñana tingi mi tutu ki Mose. Izemzem som. ¹⁴ Pa niam amlenji isombe Yesu ki Nasaret, kola irecte urum ti ma isu lene, mi itooro mbulu mi tutu ta Mose ikam pitи na tomimi.” [◊]

¹⁵ Beso zin peeze kan tau timbutul pa lup ana tana tilej ta kembei na, timap ma tikor matan pa Setepan. Mi tire ru guunu na, kembei ta aejela i.

7

Sua ki Setepan

¹ To biibi kizin patoron ana kan iwi Setepan ma iso: “Lak, sua ta tiso na, ñjonoono?”

Anutu ipet ki Abaraam isu lele pakaana ki Mesopotamia

[◊] **6:10:** Lu 21:15 [◊] **6:11:** Mt 26:59+ [◊] **6:14:** Mt 5:17; Mk 14:57+; Yo 2:20+; Ngo 7:49

² Mi Setepan ipekel kwoono ma iso: * “O atoŋan mi tamaŋan, kuŋgun talŋoyom mi keleŋ sua tio ti. Mungu kat, indeeŋe tamanda Abaraam ila itu su kar Aran zen, mi imbotmbot men ta Mesopotamia na, Anutu ta azuŋka katuunu na ila ipet kini,³ mi iso pini ta kembei. Iso:

Zem toono ku ramaki wal ku, mi maŋga ma la pa toono tabe aŋso u pa i.⁴

⁴ “Tana Abaraam izem lele pakaana ki Mesopotamia ta toono kizin Kaldia na, mi ila itu su kar Aran. Tamaana imeete mi kaimer mana, Anutu iso pini mini, to isiri i ma imar lele ta buri tombotmbot pa i.⁵ Mi Abaraam, Anutu ikam toono pakaana risa ma iwe lene kat i na som. Tamen imbuk sua pini be ikam toono tingi pini mi poponjana kini tabe tipet pa kaimer i. Nonoono, mazwaana tana, Abaraam ipeebe pikin sa zen. Tamen Anutu ikam sua mbukŋana tana pini.⁶ Mi Anutu isope i tomini ta kembei:

Kaimer poponjana ku ko tiwe leembe pa lele toro.

Mi lele tana ka tomtom bizin ko tikam zin ma tiwe len mbesoonjo, mi tiseseze matan ma irao ndaama 400.⁷

⁷ Tamen kaimer to nio kola aŋjur kadoono pa toono tana ka tomtom bizin mi aŋpokot mbulu kizin, mi

* ^{7:2:} Sua ki Setepan na, ka uunu ru. Ta na, Zin Yuda tikam njgar biibi kat pa toono kizin mi urum kizin ta imbot Yerusalem. Tamen Anutu imbot lele tana men som. Lele swoi ta wal kini timbot pa na, na ni imbotmbot raama zin. Mi uunu toro na, ta munju mi imar, zin Yuda timbel Anutu kwoono bizin zoorojana. ^{7:2:} Un 11:31

³ ^{7:3:} Un 12:1 ⁴ ^{7:4:} Un 12:4+ ⁵ ^{7:5:} Un 12:7, 17:8; Ibr 11:13

⁶ ^{7:6:} Un 15:13+; Kam 12:40

ankam zin poponjana ku ma tizem lele tana, mi timiili ma timar mini be tisun̄ pio isu toono ti.◊

8 “Mi Anutu iur reetejana ma iwe kilalan pa sua ta imbuk la ki Abaraam na. Tana Abaraam ippeebe Isak mi imbot pa kozolwoono lamata mi tel, to ireeti. To Isak ippeebe Yakop mi ireeti. Mi Yakop ta kembena. Ipeebe lutuunu bizin laamuru mi ru na, ireete zin tomini. Mi zin tina ta tiwe undu bizin.◊

Anutu imbotmbot raama Yosep isu Aikuptu

9 “Yakop lutuunu bizin tana timbot ma matan mburmbur pa Yosep, to ton̄gomooni ma ila Aikuptu mi iwe mbesoojo su tana. Tamen Anutu imbotmbot raami,◊ **10** mi itatke i pa patan̄jana kini ta mun̄jaana men. Mi ikam ḥgar ambaijana pini. Tabe king kizin Aikuptu leleene pini, to iuri ma ikam peeze pa ruumu kini ramaki koron̄ kini ta boozomen mi toono biibi ta Aikuptu a tomini.◊

11 “To peteеле biibi ipun zin Aikuptu ta boozomen zijan zin Kanaan ma timbot ḥnobokat. Ikam ma tumbundu bizin tiru kan kini ma manjaanakaala zin.◊ **12-13** Yakopbi imbotmbot mi ilen̄ kembei kini wit imbot ta Aikuptu a, to isu na ingo lutuunu bizin ma tisula Aikuptu be tingiimi kan kini. Tikam kini makin̄ to, timiili ma tila ki taman mini. Ina pai kizin mataana kana. Timbot to tisula mini pa Aikuptu ma iwe ru pa. Indeejē tana, Yosep iswe itunu pizin. Tabe king kizin Aikuptu, ni tomini iute Yosep wal kini.◊ **14** Tona Yosep iso la pa tamaana mi toono ma tiziini bizin be tiyauyau mi timar kini. Zin wal ta tisula na, zin

◊ **7:7:** Kam 3:12 ◊ **7:8:** Un 17:10+, 35:18 ◊ **7:9:** Un 39:2,21+

◊ **7:10:** Un 41:37+ ◊ **7:11:** Un 41:54, 42:1+ ◊ **7:12-13:** Un

42:1+, 45:1-16

tomto tel lamoro mata (75).¹⁵ Tana Yakopbi isula Aikuptu, mi zinjan lutuunu бизин та timetmeete su ta tiŋga.¹⁶ Mi titwi zin isu Aikuptu som. Tikam zin, mi timiili ma tila pa kar Sekem, mi titwi zin sula naala ta Abaraam ingiimi la ki Amor lutuunu бизин na.¹⁷

Mose

¹⁷ “Tumbundu бизин та timbot Aikuptu na, timasak ma tiwe boozo kat to, sua mbukŋana ta Anutu ikam la ki Abaraam na, ka nol igarau be Anutu ikam ma iur ŋonoono.¹⁸ To king toro imanya ma ikam peeze pa Aikuptu. Mi ni ikam ŋgar pa Yosep som. ¹⁹ King tina imanya ma ikam pakaamnjana pa tumbundu бизин, mi iseeze kat matan. Mi iur sua mbolŋana pizin be tikam lutun бизин popoŋan ta buri tipeebe zin i, mi tizem zin ma timboren bekena timetmeete ma tila len.²⁰

²⁰ “Indeeŋe gorgor tana na, Mose tipeebi ma isu. Ni pikin kaibiim, mi kampeŋana ki Anutu imbotmbot se kini. Tuyete бизин tikam peŋ pini ma irao puulu tel,²¹ to tizemi su yok kezeene, mi king lutuunu moori kadoono ikami ma iwe lene, mi ila imborro i.²² Mose itum ma iwe tomtom, mi ikam ŋgar kizin Aikuptu ma imap. Mi ni tomtom mburaanaŋana, mi sua kini tomini mburaanaŋana.

²³ “Imbotmbot ma ndaama kini tomooru, to ikam ŋgar beila ilou zin wal kini Israel.²⁴ Ila to ire tomtom ta ki Aikuptu ipunun sorok tomtom

¹⁵ 7:14: Un 45:9+, 46:26+ ¹⁶ 7:15: Un 46:1+, 49:33 ¹⁷ 7:16: Un 23:3+, 33:18+, 50:7+ ¹⁸ 7:17: Kam 1:7 ¹⁹ 7:19: Kam 1:9+
²⁰ 7:20: Kam 2:2; Ibr 11:23 ²¹ 7:21: Kam 2:3+ ²³ 7:23: Kam 2:11+; Ibr 11:24+

ta ki Israel. Tana iloondo ma ila na ilae ki Israel tana, mi ipun Aikuptu tana ma kup bekena ipokot mbulu kini. ²⁵ Mi iso ko wal kini tikilaala kembei ni, Anutu ipeikati be ikamke zin pa patanjana kizin. Tamen som.

²⁶ Aigule toro na, Israel ru tiporrou. Mi Mose ila ma ire zin, to itoombo be ipeteke zin mibe ilup lelen. Tana iso pizin ma isombe: ‘Wai, niomru na sa toŋmatizij na! Kaparpun yom ma kembena paso?’²⁷ Tamen ni ta namaana imuunju pa mal-mal na, imanya to ipusuk Mose ma ilae zilŋaana mi iso: ‘Nu tina, asin iuru be we biibi piām mi urpe patanjana tiām? ²⁸ Parei? Nu so pun yo kembei ta neeri kam pa Aikuptu tana na?’ ²⁹ Mose ileŋ sua tana, to imanya na iko ma ila lele molo ta kizin Midian. Ila iwe leembe isu tana, mi imbot ma iwoolo, mi ippeebe pikin tomooto ru.²⁸

³⁰ “Ndaama tomtooru tomen imap ma ila, mi kaimer to aŋela ta ila ipet kini su lele bilimŋana ta imbot igaraū abal Sinai na. Imar kembei you mi-aana ta ibilbil lela ke matanmatanŋana leleene.²⁹ ³¹ Mose mata kunduunu ikam you, mi imurur. To iso ipa ma ila kolouŋana be ire kat. Som, mi ileŋ Merere kalŋaana. ³² Isombe:

Inŋi nio Anutu ki tumbum bizin tau. Nio Anutu ki Abaraam, Isak, mi Yakop.³⁰

Mose ileŋ to motoŋana biibi ikami, mi iturke mataana.

³³ Mi Merere iso pini mini. Iso: “Kinke kumbum keteene. Pa toono ta nu mendernder pa i, ina potomŋana. ³⁴ Leŋ. Nio aŋre zin Aikuptu kan

²⁸ **7:26:** Kam 2:13+ ²⁹ **7:29:** Kam 2:15+ ³⁰ **7:30:** Kam 3:1+

²⁸ **7:32:** Kam 3:6

tiseeze zin wal tio Israel matan ma timbot ηoobo kat. Tiŋiizi kizin aŋleŋ kek. Mi pataŋana kizin, nio aŋute ma imap. Tanata iŋgi aŋsu be aŋtatke zin la zin Aikuptu naman. Mi nu mar. Pa nio aŋscombe aŋgo u be miili ma la pa Aikuptu.”³⁵

Zoorojana kizin Israel buriŋana som. Ta muŋgu mi imar

³⁵ “Ina Mose tina, ta muŋgu lelen pini som mi tisombe: ‘Nu tina, asinj iuru be we biibi piām mi urpe pataŋana tiam?’ Mi tomtom tamen ta tina, ta Merere itunu iŋgo aŋela ma ila ipet kini su lele bilimjana, mi iuri be ikam peeze pizin Israel, mibe iwe tun. ³⁶ Mi ni tina, ta ikam zin ma tizem Aikuptu, mi itortooro uraata bibip mi mos boozomen isu Aikuptu, mi Tai Siŋsiŋjana, mi lele bilimjana ma irao ndaama tomtotoru.³⁷ ³⁷ Mi ni tina, ta iso pizin Israel ma iso:

Kaimer, Anutu ko iur tomtom tiom sa be iwe kwoono kembei ta nio i.³⁸

³⁸ “Mose ziŋan tumbundu bizin, ta tiwe lupjana ki Anutu isu lele bilimjana na. Mi ni ziru aŋela, ta tizzo sua sala abal Sinai na, mi ikam sua mata yaryaaranjana mi iso zin Israel pa, ta imar imar ma iti takamam i.³⁹

³⁹ “Tamen tumbundu bizin lelen be tileŋ la Mose kalŋaana som. Titit sua kini, mi lelen be timiili pa Aikuptu. ⁴⁰ To tisu mi tiso pa Aron. Tiso: Urpe lende merere pakan be timuunjgu piti, mi tiso iti pa zaala. Pa tizim Mose ta ikam ti ma tezem Aikuptu ma tamar taiŋgi na,

³⁵ **7:34:** Kam 3:5+ ³⁶ **7:36:** Kam 7:11,14-17; Mbo 105:27

³⁷ **7:37:** Lo 18:15; Ngo 3:22 ³⁸ **7:38:** Kam 19:1-20:17

amkankaana pini. Ko kosa sa ikami ma ila ne kek.[✳]

41 “To timanja na tiurpe merere pakaamnjana ma runguunu kembei ta makau lutuunu. Mi tiyyo zin koronj ma tikam patoronnjana be tipakur koronj tau zitun tiurpe pa naman na, mi menmeen zin pa.[✳]

42 Tana kaimer Anutu ipizil ndemeene pizin, mi izem zin ma timbeeze pa pitik ma puulu ramaki koronj boozomen ta timbot saamba na irao zitun lelen ma njgar kizin. Ka sua imbot la sua ta muñgu Merere kwoono bizin tibeede na. Isombe:

O niom Israel, ndaama tomtooru ta kawwa isu lele bilimnjana mi kakamam zin mbili ma koronj pa patoronnjana na, kakam sa pio? Som.[✳]

43 Pa leleyom imbot molo pio. Tanata kuurpe merere pakaamnjana Molok muriini, mi kiziñzij ramaki merere pakaamnjana Repan ta pitik i kunuunu.

Ina merere tiom tina ta ituyom kuurpe bekena kelek kumbuyom pizin.

Tana iñgi ko añmañga piom, mi añziiri yom ma kala kewe pañaeñae sorok pa lele molo ta imbot Babilon mbuleene kat.

Muñgu zin Israel len urum ñonoono sa som

44 “Indeeñe tau tumbundu bizin tiwwa isu lele bilimnjana na, tiwwa raama beeze potomnjana ta iswe kembei Merere, ni imbotbot raama zin. Beeze tana, Merere itunu ipatooño Mose pa, mi kwoono imbol pini be ito ka mos ta ire sala abal na mi ipo kat.[✳] **45** Tumbundu bizin tiziñzij beeze

[✳] **7:40:** Kam 32:1+, 32:23 [✳] **7:41:** Mbo 106:19 [✳] **7:42:** Mbo 81:12; Yer 19:13 [✳] **7:44:** Kam 25:9,40, 26:30; Ibr 8:5

tana ma tila, to kadoono isu ki lutun bizin. Tila tipet toono Kanaan to, Anutu iziiri ka tomtom bizin ma tila len, mi Yosua ikam zin Israel ma tila tikam len. Mi beeze tana imbot imbot ma indeeje gorgor tau king Dabit ikamam peeze pizin Israel na.⁴⁶ Dabit, Anutu leleene pini. Tana imaŋga to iwi ten Anutu ki Yakop. Beso iyok, to iurpe le muriini sa be imbotmbot pa.⁴⁷ Tamen ni itunu ipo urum sa som. Lutuunu Salumo ta ipo.⁴⁸

⁴⁸ “Tamen Anutu kor kana kat, ni imbotmbot lela ruumu tau tomtom tiwoo pa naman i som. Pa Anutu kwoono ta iso ta kembei:⁴⁹

⁴⁹ Merere iso: Saamba, ina nio muriŋ peeze kana. Mi toono, ina kumbuŋ muriini.

Mi ruumu soŋana ta koso kopo pio i?

Som leŋ lele tau be aŋmbormbooren pa i iŋgoi?⁵⁰

⁵⁰ Som. Pa koron ta munŋaana men tiŋgi, nio ituŋ ta aŋur zin.”

⁵¹ To Setepan iso pizin wal ta tipamenderi na ta kembei. Iso: “Niom tina kapa kat ki tumbuyom bizin. Pa niom zorzooroŋoyom, mi ŋgar tiom imbol kat. Reetenjana ŋonoono ta ki lelende i, na niom kuute risa som. Pa motoyom munŋoyom, mi talŋoyom pampamŋoyom kembei zin wal ta tiute Anutu som i. Gorgori kozorzooro Bubuŋjana Potomŋana.⁵² Kere. Anutu kwoono bizin ta boozomen, tumbuyom bizin tizem tasa? Som. Anutu kwoono bizin ta muŋgu tisoyaara sua pa Tomtom Ndeejenjana tabe imar na, tipun zin ma

⁴⁶ 7:45: Yos 3:14+, 18:1, 23:9 ⁴⁷ 7:46: 2Sam 7:1+; Mbo 132:1+

⁴⁸ 7:47: 1Kin 6:1+ ⁴⁹ 7:48: Ngo 17:24 ⁵⁰ 7:49: Yesa 66:1+; Mt

5:34+ ⁵¹ 7:51: Kam 32:9; Lo 10:16; Yesa 63:10; Ro 2:28+

timap. Beso itunu imar na, ta kembena. Niom kusu kuuri la ka koi bizin naman, mi kupuni ma imeete.⁵³ ⁵³ Nonoono. Tutu ta anjela tiwe zaala pa ma isu na, niom kakam kek. Tamen koto som.”⁵⁴

Tipun Setepan ma imeete

⁵⁴ Tileŋ sua tana, to ipas kat keten mi tikarut zurun pini. ⁵⁵ Tamen Setepan, ni Bubuŋana Potomnjana izeebe kati, mi mataana sala saamba to, ire Anutu azunjka kini biibi, mi ire Yesu imendernder la Tamaana namaana woono.⁵⁶ ⁵⁶ To iso: “Kere. Nio anjre saamba ikaaga, mi Tomtom Lutunu, ni imendernder la Anutu namaana woono!”⁵⁷

⁵⁷ Aa, ingi tileŋ sua koronjana ri tiŋgi, tabe ororo biibi isala, mi tizeeze talŋan, mi borok ma tila. ⁵⁸ To tiyaaru tataati ma tila mi tizem kar na, tikor naman pini pa pat. Mi zin wal ta tipombol sua pakaamnjana pa Setepan na, tizun mburu kizin mat kana, mi tila tindou su naŋgaŋ kaibium ta kumbuunu uunu. Zaana Saul.⁵⁹ Pat itoptop zalla Setepan ḥwaana, mi ni isuŋ. Iso: “O Merere Yesu, kam kunuŋ.”⁶⁰ ⁶⁰ To ingun kumbuunu, mi kalŋaana biibi ma iso: “O Merere, sanaana tau tikam pio i, na pokot pepe. Reege pizin.” Iso ta kembei, mi itop su ma kup.⁵⁸

8

Saul iseeze zin urlajana kan matan

⁵³ **7:52:** Mt 23:31+; Lu 13:34; 1Tes 2:15 ⁵⁴ **7:53:** Kam 20:1; Ngo 7:38; Ga 3:19; Ibr 2:2 ⁵⁵ **7:55:** Mk 16:19; Lu 22:69 ⁵⁶ **7:56:** Mbo 110:1; Ro 8:34; Kol 3:1; Ibr 12:2 ⁵⁷ **7:58:** Ngo 22:20; Ibr 11:37
⁵⁸ **7:59:** Mbo 31:5; Lu 23:46 ⁵⁹ **7:60:** Mt 5:44; Lu 23:34

¹ Saul, ni imbot mi ire meetenjana ki Setepan na, iyok pa men tau.

Mi indeeŋe aigule tana na, timaŋga be tikam malmal tau musaana som pa lupŋana ki Krisi ta imbot Yerusalem a. Tiseeze kat matan, tabe tiko papirik lup ma tilala pa Yudea ma Samaria ma. Mi zin ḡonjana men ta timbotmbot Yerusalem.[☆]

² Mi Setepan na, wal pakan ta titoto Anutu mbulu kini na, titwi i. Mi timbel tiŋiizi pini. ³ Mi Saul, ni imanya pa lupŋana ki Krisi, mi isombe ipambiriizi zin ma timap kat. Tana isinin zin ruumu, mi iyaaru tataata zin tomooto ma moori ma ilala iurur zin lela ruumu sanaana.[☆]

Pilip ikam uraata isu Samaria

⁴ Zin tau tiko papirikjan i, na tiwwa mi tizzo-yaryaara uruunu ambainjana pizin tomtom isu kar ta boozomen ta tila pa i. ⁵ Tana Pilip ta kembena, ni isula pa kar biibi ki Samaria, mi izzoyaryaara Krisi uruunu isu tana.[☆] ⁶ Iwal biibi tileŋ sua ta ni izzo, mi tire mos ta itortoro, to timap tiŋgun talŋan pini. ⁷ Pa bubunjana sananŋan tinjarakrak mi tiyotyooto pizin tomtom boozomen. Mi wal kaamaŋan ma narapenjan boozomen, ta ni iurpe zin ma nin ambai lup.[☆] ⁸ Tana zin tomtom ki kar tana menmeen zin biibi kat.

Simon ta tomtom ki naborou

⁹ Kar tana, tomtom ta imbotmbot. Zaana Simon. Mi ni ikamam naborou. Tabe zin Samaria kan tire i ma kwon itaanda pini. Mi ni ipakurkur itunu ma

[☆] **8:1:** ḡgo 1:8, 11:19 [☆] **8:3:** 1Kor 15:9; Ga 1:13,23; Pil 3:6; 1Tim 1:13 [☆] **8:5:** ḡgo 6:5, 21:8 [☆] **8:7:** Mk 16:17+

kembei ta ni tomtom biibi sa.^{☆ 10} Ikam ma zin tomtom ta boozomen timokorkor la kini. Wal zanjan mi zin sorrokjan tomini. Mi tizzo ta kembei. Tiso: “Wai, to ti, ni mburaana kembei Anutu itunu. Ko ikam Anutu runguunu ma ingi?”¹¹ Mi naborou kini ta gorgori ikamam na, tomtom tire ma kwon itaanda pa. Tana tizemzemi som.¹² Tamen Pilip izzoyaryaara sua pa uruunu ambaijana, mi Anutu peeze kini, mi Yesu Krisi zaana, to tomtom tiurla mi tikamam yok. Zin tomooto mi moori tomini.^{☆ 13} Mi Simon tomini, iurla mi ikam yok. Indeeje tana mi ila na, izemzem Pilip risa som kat. Itoto i ila kena. Itoto i ila kena. Pa Pilip itortooro uraata bibip ma koron boozo. Tabe Simon irre ma kwoono itaanda.

¹⁴ Beso zin ngonjana ta timbotmbot Yerusalem na, tileñ kar Samaria uruunu kembei tikan la Anutu sua kini kek, to tinjo Petrus ziru Yoan ma tisula be tire zin.¹⁵ Ziru tisula ma tipet, to tisunj pa Anutu be ikam Bubuñana Potomñana pizin wal popoñjan ta tiurla.¹⁶ Pa tomtom kizin sa ikam Bubuñana Potomñana zen. Tikam yok men pa Merere Yesu zaana bekena tiwe lene.¹⁷ Tana Petrus ziru Yoan tiur naman isalakaala zin, mi tikam Bubuñana Potomñana.[☆]

¹⁸ Simon ta tomtom ki naborou na, ire zin ngonjana naman izalakalkaala zin tomtom mi tikamam Bubuñana, to iur sorok pat ila kizin mi iso:¹⁹ “Aiss, nio ti aŋso aŋgiimi mburoyom tina. Beso tomtom sa imar mi nomoñ isalakaali, tonabe ikam Bubuñana Potomñana.”

[☆] **8:9:** Ngo 13:6+ [☆] **8:12:** Ngo 2:38 [☆] **8:17:** Ngo 2:4, 19:1+

²⁰ Tabe Petrus imaŋga na iso pini. Iso: “Wai Simon, koron ta Anutu itunu leleene mi ikam piti sorok, ta nu su mini ma sombe ŋgiimi pa pat? Na nu ko la lem raama pat silba ku tana.”²¹ Nu tina, itiŋjan temender pa uraata tingi som. Pa lelem mi ŋgar ku indeeŋe pa Anutu mataana som.²² ²² Tana tooro lelem, zem ŋgar ku sananŋana tina, mi toombo ten ma sun pa Merere. Mi re. Ko irectege sanaana ku, o som? ²³ Pa nio anre u kembei lelem bok pa mbulu ki motom berber, mi sanaana ikis katu kek.”²⁴

²⁴ To ŋgar ki Simon ipet, mi isu na iso: “Wai, kena niomru kusun pa Merere pio. Kokena sua tiom tana iur ŋonoono pio.”

²⁵ Petrus ziru Yoan tipombol sua ki Merere mi tiso zin Samaria kan pa makin, to timili ma tisala mini Yerusalem. Ziru tiwwa ma tila na, tikamam uruunu ambainjana pizin kar pakan ki Samaria ta timbot zaala zilŋanzilŋan. Ta kembei, mi tila tuŋ la Yerusalem.

Pilip ikam uruuunu ambainjana pa biibi ta imar pa lele pakaana ki Etiopia

²⁶ To Merere anjela kini ta, ipet ki Pilip mi iso: “Maŋga ma sala pa Yerusalem. Tona to zaala ta ipa pa lele bilimjana ma isula pa kar Gaza na.” ²⁷ Pilip ilen sua ti, to imaŋga pa pai. Ila zaala twoono na, ise ki tomtom ta, ni imar pa lele pakaana ki Etiopia. * Mi tomtom tana, ni zaana biibi. Imborro pat mi koron zanŋan ki Kandake, ni moori ta

²⁰ **8:20:** Mt 10:8; Ngo 2:38 ²¹ **8:21:** Mbo 78:37; Ep 5:5 ²² **8:23:**
1Tim 6:9; Ibr 12:15 ^{*} **8:27:** Etiopia, ina lele pakaana ta ki Aprika.
Mi imbot molo kat pa Yerusalem.

imborro lele pakaana ki Etiopia na. †²⁸ Tomtom tana isala pa Yerusalem pa sunjana, mi sunjana tana imap. Tana ni mbuleene sala karis kini, mi ingi be imili mini pa kar kini i. Karis ikowo, mi ni iwatwaata sua ta muŋgu Anutu kwoono Yesaya ibeede na. ²⁹ Pilip ise kini, to Bubuŋana iso pini. Iso: “Koŋuru karis tinga ma la kolouŋana.”

³⁰ To Pilip iloondo ma ila karis uunu. Ila na, ilen tomtom tana iwatwaata ro ta Yesaya ibeede na. Tana Pilip iwi lae pini. Iso: “Ai, sua ta watwaata na, ute ka uunu?”

³¹ Mi ni ipekel kwoono ma iso: “Wai, aŋute ko aŋute be parei? Bela tomtom sa iso yo pa.” To iso pa Pilip ma isala kini ta karis a. ³² Mi sua lwoono ta tomtom tana iwatwaata na, iso ta kembei: Ni kembei sipsip ta tikami be tipuni.

Mi imaane kembei sipsip lutuunu ta iur niini mi tipup rumuunu na.

Pa iso sua sa som.

³³ Ni, tipasomi mi tipamenderi.

Mbulu ta tikam pini na, indeeŋe som.

Mi ni le tomtom sa be imender pini som.

Asiŋ ko ipit mbol pa popoŋana kini? Som.

Pa swoono ko imap karau men.”[†]

³⁴ Tana biibi kizin Etiopia isu to iwi lae pa Pilip. Iso: “A, nu so yo lak. Sua tingi, Anutu kwoono tana iso pa itunu, som iso pa tomtom toro sa?” ³⁵ Tona

† **8:27:** Tomtom tina, tipal lembeene ma isu. Pa mazwaana tana tikamam mbulu ta kembei pizir tomooto ta tikamam uraata pa king ma kwin. Kokena timbuulu moori kizin sa. Buk Lo 23:1 iso wal ta kembei irao tigaaba Anutu wal kini pa sunjana kizin som. Tamen sua ti iswe kembei Anutu iyok pizir wal ta kembei raraate kembei ta wal pakan. * **8:27:** Mbo 68:31, 87:4 * **8:33:** Yesa 53:7+

Pilip kwoono ila pa sua tana, mi iso seenje ma ila, mi izzo i pa uruunu ambainjana ki Yesu. [³⁶ Tilala ma tindeeŋe yok ta, to biibi tana isu na iso: “Mi parei pio? Irao aŋkam yok? Pa yok ta, ta tamar i.”[☆] ³⁷ Pilip ipekel kwoono ma iso: “Nu sombe ur lelem imap ila ki Merere, ina ta tina. Rao kam yok.” Ni ipekel kwoono ma iso: “E, nio aŋurla. Yesu Krisi, ni Anutu lutuunu.”]

³⁸ To ikam ma karis imender ma imbot, mi ziru Pilip tisula yok ma Pilip ikam yok pini. ³⁹⁻⁴⁰ Ziru tizem yok ma tise, to biibi tana ire Pilip mini som. Pa Merere Bubunjana, ta iwiti ma ila iuri su kar Asdot. Tana Pilip iwwa pa kar ta boozomen ki lele pakaana tana, mi izzo uruunu ambainjana pizin ma ila ipet kar Sisarea. Mi biibi tana, ni imiili ma ila kar kini raama menmeen i biibi kat.[☆]

9

Yesu itooro Saul (Ngo 22:3-16, 26:9-18)

¹⁻² Indeeŋe mazwaana tana, ŋgar sananjana izebzeebe men Saul, mi ni ikamam sua pamotoŋjana pizin wal ta titoto Merere na. Pa isombe ipun zin ma timetmeete lup. Imbot ma som, mi ikam ŋgar. Iso: “O, nio ko aŋla kar Damaskus tomini. Beso andeeŋe tomtom pakan ta titoto zaala ki Yesu isu tana, to aŋyo zin ma timar ta Yerusalem i.” Tana ila ma ire biibi kizin patoronnjana kan, mi iwi i be ibeede sua yokŋjana pini. To ikam ma ila be lupyŋjana kizin Yuda ta timbot kar Damaskus na tire. Naso zaana imbot mat pa uraata kini.

[☆] **8:36:** Ngo 2:38, 10:47 [☆] **8:39-40:** Ngo 21:8

³ Saul imbel pai. Ila ila ma igarau kar Damaskus na, azunja tau imbot saamba mi ikelyaara su pini ma kembei ta lele ikimit i. ⁴ Tabe itop su toono, mi ileŋ sua ta kembei: “Saul, Saul, parei ta nu noknok motoŋ seezeŋjana?”

⁵ Saul ipekel ma iso: “O biibi, nu asinj?” To pekelŋjana imar. Iso: “Ingi nio Yesu ta nu seseeze motoŋ na. ⁶ Maŋga ta buri mi lela kar, to leŋ sua pa mbulu tabe kam i.”

⁷ Mi zin wal ta ziŋjan Saul tiwwa na, len sua som. Timbot mi tire men. Pa tileŋleŋ sua ta imarmar, mi tire tomtom sa som. ⁸ Saul burup ma imaŋga na, irao ire lele som. To titeegi mi tilela kar Damaskus. ⁹ Ni mataana ipis ma imbot pa aigule tel. Mi mazwaana tana, ikan kini sa som, iwin yok sa som.

¹⁰ Kar Damaskus na, tomtom ta tau itoto Yesu i, ni imbotmbot. Zaana Ananias. Ni ikeenetondo, mi ileŋ Merere iso sua pini ma iso: “Ananias o!” Ananias iso: “Oi Merere, nio aŋbotmbot i!”

¹¹ To Merere iso pini. Iso: “Maŋga mi la pa zaala ta tipaata tisombe Zalŋjana na. La to, lela ruumu ki Yudas mi wi pa tomtom ta ki kar Tasus, zaana Saul. Pa izuŋzuŋ a. ¹² Inga ikeenetondo u, mi ire u pa ma la kini mi nomom isalakaali, to mataana ikam pak mini.”

¹³ To Ananias iso: “Mi Merere, tomtom tina, wal boozo tiso uruuunu ma anjen kek. Wal ku potomŋjan ta timbot Yerusalem a, ni ikamam mbulu sananŋjan boozomen pizin. ¹⁴ Mi zin bibip kizin patoronŋjana kan tiuri ma zaana be ikam mbulu

^{✧ 9:5:} 1Kor 15:8 ^{✧ 9:13:} Ngo 8:3

raraate men pizin wal tau tizunzun pa nu zom isu kar ti tomini.”

¹⁵ Tamen Merere iso pini ma iso: “Soom. La. Pa tomtom tana, nio ituŋ aŋpeikati be ikam uraata tio, mibe iswe zoŋ ilo ki zin wal ta Yuda somŋjan i, mi zin king, mi zin Israel matan tomini. ¹⁶ Mi pataŋana tabe ibaada pa nio zoŋ kana, ina nio ituŋ ko aŋso i pa.” ¹⁷

¹⁷ To Ananias ila mi kaŋkaj ma ilela ruumu ki Yudas. Ilela na, iur namaana ru isala Saul ḥwaana, mi isombe: “O tiziŋ Saul, Merere Yesu, ta nu mar pa zaala mi ni ipet ku na, ni isombe nu re lele mini mi Bubunjana Potomŋana izeebu. Tanata ingo yo ma aŋmar i.” ¹⁸ Molo som na, koroŋ ta ipakaala Saul mataana na, ikam pok mi itop su. To ire lele mini. Mi isu na ikam yok pataaŋa. ¹⁹ Kaimer ma ikan kini, to mburaana imili mini. To ziŋan zin wal ki kar Damaskus ta titoto Yesu i, timbot su Damaskus pa aigule pakān.

Saul imanja pa sua soyaaranjana isu Damaskus

²⁰ Saul inamnaama som. Imanja pataaŋa na ilelala lupŋjana murin kizin Yuda, mi izzoyaryaara sua ta kembei: Yesu, ni Anutu Lutuunu. ²¹ Tabe zin wal tau tileŋ i na, timap timurur pini. To tisu mi tiso ta kembei: “Wai, to ta koroŋ mi ikam-yaryaara zin wal ta tizunzun pa Yesu zaana isu Yerusalem, ta ingi isu mi iso mini kembei? Iti toso ko imar be iyo zin wal ki kar tiŋgi ta titoto

¹⁵ **9:15:** Ngo 26:16+; Ro 1:5; Ga 1:15+; 1Tim 1:12 ¹⁶ **9:16:** Lu 21:12+; Ngo 20:23; 2Kor 6:4+, 11:23+; 2Tim 2:9 ¹⁷ **9:18:** Ngo 2:38

Yesu i, ma tila kizin bibip kizin patoronjana kan ta Yerusalem a.” [☆]

²² Anutu ipombolmbol Saul ma sua kini mburaanañana kat. Tabé ikam ma zin Yuda ta timbotmbot Damaskus mi tileñi na, tiru zalan pa sua. Pa izzo pa sua munjunjana ta iur njoonoono ise ki Yesu. Tana sua kini iswe kat ta kembei: Yesu, ni Mesia. [☆]

²³ Zin Yuda timbot ma aigule boozomen ilae, to tisu mi timbuuru kana. ²⁴ Mbeñ ma aigule tizañzaañi su ta zaala kwoono. Beso tire i, to tipuni ma imeete. Tamen tingal Saul talñaana pa kiizi kizin tana, ²⁵ mi mbeñ ta na, wal pakon ta titoto Yesu i, tiuri sula tiigi, mi tipabeleu i pa siiri ndemeene, mi titu i ma isula. [☆]

Saul ila Yerusalem

²⁶ To Saul iko ma ila pa Yerusalem. Ila ipet to, isombe igaaba zin wal tau titoto Yesu i. Mi zin tiurla kembei ni itoori ma iwe Yesu lene i na som. Tana timoto i lup. [☆] ²⁷ Tamen Panabas, ni iwe zaala pini. Ikami ma ila kizin ngoñjana, mi iso zin pa mbulu ta pet pa Saul na. Iso: ‘Saul ila ma Merere ipet kini isu zaala lwoono, mi iso sua pini. To Saul ila Damaskus, mi imender mbolñjana, mi ikam sua pizin tomtom pa Yesu zaana. Imoto som.’ [☆] ²⁸ Tileñ sua tana, to lelen ambai pa Saul, mi ni igabgaaba zin ma ziñjan timbotmbot ta Yerusalem. Mi ni imender mbolñjana kat, mi iwwa pa Yerusalem, mi ikamam sua pizin tomtom pa Yesu zaana. ²⁹ Ni ziñjan zin Yuda ta tizzo

[☆] **9:21:** Ngo 9:2+; Ga 1:23 [☆] **9:22:** Ngo 5:42, 17:3, 18:5 [☆] **9:25:**

2Kor 11:32+ [☆] **9:26:** Ga 1:17+ [☆] **9:27:** Ngo 4:36; 1Kor 9:1, 15:8

Grik kalnjān i tiparzorzooro pa sua, to timaŋga na tiso tikam be tipuni ma imeete. ³⁰ Tamen zin tonjmatizij ki Krisi tileŋ sua tana, to tikami ma tisula kar Sisarea, to tiuri ma ila lene pa kar kini Tasus.

³¹ Tona lupnjana ki Krisi ta timbot irao lele pakaana ki Yudea, Galilea, mi Samaria na, timbot ambai. Kosa sa imbuulu zin mini som. Mi Bubunjana Potomnjana ipombolmbol zin, mi timototo Merere mi titoto mbulu kini. Tana timasaksak ma tiwe boozo. *

Petrus iurpe tomtom narapenjana ta isu kar Lidda

³² Petrus, ni izzu ma izze pa lele ta boozomen. Aigule ta na, isula kar Lidda be ilou Anutu wal kini potomjan ta timbot tana. ³³ Ila ipet na, indeenje tomtom narapenjana ta, zaana Aineas. Ni ra, imbel keeneŋjana. Pa ikeene pa ndaama lamata mi tel kek. ³⁴ Petrus ila ire i, to iso pini. Iso: “Aineas, Yesu Krisi iurpe u ma nim ndabok. Maŋga mi lek murim.” Iso ta kembei mi Aineas burup ma imanya pataanja. * ³⁵ Zin Lidda kan mi Saron kan ta munjaana men na, tire i, to titooro lelen mi tiurla ki Merere.

Petrus ipei moori ta ma imanya mini isu kar Yoppa

³⁶ Kar Yoppa na, moori ta itoto Yesu i imbotmbot, zaana Tapita. (Tipaata pisis tana ila Grik kalnjān, tisombe Dorkas.) Ni ikamam uraata ambaimbaijan boozomen mi iuluulu zin wal tau timbot ḥoobo pa kan kini ma len mburu ma. Tana

* **9:31:** Ngo 2:41+, 4:32+ * **9:34:** Ngo 3:6, 14:8+, 28:8+; Yems 5:14+

welu kini ambainjana kat. ³⁷ Indeeñe mazwaana tana, ni mete ikami ma imeete. Tana tiurpe i, mi tiuri sala ruumu leleene ta imbot kor na ma imbotmbot. ³⁸ Kar Lidda mi Yoppa na, tipargarau zin. Tana zin wal ta titoto Yesu i tileñ kembei Petrus imar imbotmbot Lidda, to tingó wal ru ma tila, mi tisotaari pa mooribi tau. Tiso: “Aiss Petrus, niam leyam patanjana ta, ta amar i. Parei? Ko irao mar ma itinjan tala ta buri?”

³⁹ To ziñan Petrus tila. Tipet kar na, tikam Petrus ma isala ruumu leleene ta imbot kor na. Per sala na, zin noroña ra, tila ma tiliu i. Mi titanjan, mi tiso i pa mburu ta Tapitabi imbotmbot mata yaryaara mi ikamam pizin na. ⁴⁰ Petrus isu na iser zin wal ta timbot ruumu leleene na, ma tiyooto lup. Tiyooto makin na, injun kumbu mbukuunu mi isuñ. To itoori ma kereene ila ki uri mi iso pini. Iso: “Tapita, manja!” ⁴¹

Molo som na, moori mataana ikam pak, mi ire Petrus. To imanja mi mbuleene su. ⁴¹ Petrus iteege su pa namaana mi iwiti ma imanja imender, to iboobo zin noroña mi Anutu wal kini ma timer na, tire Tapita mataana iyaara mini ma imbotmbot. ⁴² Uraata ti uruuunu irak ma irao kar biibi Yoppa. Tabé tomtom boozo tiurla ki Merere. ⁴³ Mi Petrus, ni izem kar Yoppa loña som. Ila ki Simon tau ikamam uraata pa buzur kulin na, ma ziru timbot pa mazwaana ri.

10

Konili iso la pa Petrus be imar

³⁷ **9:36:** 1Tim 2:10, 5:10; Tit 3:8 ³⁸ **9:40:** Mk 5:41+; Lu 7:14; Yo 11:43+; Ng 20:9+

¹ Kar Sisarea na, tomtom ta imbotmbot, zaana Konili. Ni biibi ta kizin malmal kan ta timar pa toono Itali na. Imborro tomtom tomto lamata.
² Mi ni Yuda som. Tamen ziyan wal boozomen ta timbot ruumu kini na, timototo Anutu mi titoto mbulu kini, mi tigabgaaba zin Yuda pa sunjana kizin. Mi ni ikamam sorok koron boozo pizin Yuda ta timbot ηoobo i. Mi ni tomtom ki izunjuŋ pa Anutu totomen.

³ Aigule ta na, zoŋ mataana ikam kembei tel, mi ni ikeenetondo. Mi ire kat aŋela ki Anutu ta imar kini mi iboobi. Iso: “Konili o!”

⁴ Konili igeedi mi imoto. Imbot ma som mi iso: “Biibi, parei?”

Mi aŋela iso pini. Iso: “Sunjana ku ramaki mbulu ku ambainjana ta uluulu zin sorrokjan i, na Anutu ire kek. Mi mataana iŋgalŋgal mi leleene ambai pa kembei ta patoronjana ambainjana.”[☆]

⁵ Kar Yoppa na, tomtom ta imbotmbot, zaana Simon Petrus. Ngo wal pakan ma tila kini be tikami.

⁶ Imbotmbot ki Simon toro ta ikamam uraata pa buzur kulin na. Ruumu kini imbot ta tai a.”[☆]

⁷ Aŋela iso sua tana makin, to izemi mi ila lene. To Konili iboobo mbesooŋo kini ru ta tikamam uraata pa ruumu kini na, mi tomtom kini malmal kana ta tau imbesmbeeze pini. Tomtom tana, ni tomini itoto mbulu ki Anutu. ⁸ Konili iso zin pa mbulu boozomen ta ipet na makin, mana iŋgo zin ma tila pa kar Yoppa.

*Petrus ikeenetondo
(Ngo 11:5-14)*

[☆] **10:4:** Tur 8:4 [☆] **10:6:** Ngo 9:36

9 Aigule toro, zonj mataana ikam kembei palakutu na, zin tel tana tiwwa ma tigarau kar Yoppa. Indeeñe tana, Petrus isala pa pooto ta imbot rumu uteene na be isunj. **10** Imbotmbot ma peteli, to iso ikan ka kini. Tikamam uraata pa ka kini, mi ni isu na ikeenetondo. **11** Mataana isala na, ire saamba ikaaga mi koronj kembei ta kawaala biibi i, timbuktumbuntumbun pañ, mi titu ma isu. **12** Mi buzur matakina ta tisula kawaala tana. Kar kan, su kan, koronj karrajan, mi zin man ta tirrie sala mañaañana na. **13** Molo som na, ileñ sua ta kembei: “Petrus, mañga, pun zin mi kan.”

14 Mi Petrus iso: “E-e Merere, irao añkan na som kat. Pa muñgu muñgu mi imar na, kwoñ iteege koronj sa ta kembei pasa zen. Koronj pakan tina ambai pa kannana som. Pa tutu inçgalsek pa.”¹⁴

15 To ileñ sua mini ma iwe ru pa. Iso: “Koronj ta Anutu itunu ikam ma iwe ñgeezenjana na, nu re kembei sananjana pepe.”¹⁵ **16** Iso ta kembei pa tel, mi kawaala imiili ma isala mini pa saamba.

17 Petrus imañga ma ikamam ñgar boozo pa koronj ta ire na, mi tomtom tel ta Konili ingo zin na, timar mi tindeneñ Simon ruumu kini ma timender su kataama kwoono. **18** To tiwi ma tiso: “Simon ta zaana toro Petrus na, imbotmbot, som som?”

19 Petrus ikamam ñgar pa koronj ta ire na, mi Bubuñana iso pini. Iso: “Simon, tomtom tel tiru u a. **20** Mañga ma sula re zin. Mi lelem iwe ru pepe. La gaaba zin ma niomjan kala. Pa inga nio añgo zin ta timar na.” **21** Tana Petrus isula kizin to iso: “Nio ta itunj ti. Mi parei ta kamar kuru yo?”

¹⁴ **10:14:** Wkp 11:1+ ¹⁵ **10:15:** Mk 7:14+; Ro 14:14-20; 1Tim 4:3+

22 To tiso: “Konili ta imborro zin malmal kan tomto lamata i, ni ingo yam ta amar i. Ni tomtom ndeenjenjana, mi imototo Anutu mi itoto mbulu kini. Tana Yuda ta boozomen timap tiwidit urunu. Neeri ηonoono, ni ikeenetondo mi ire anjela potomnjana ta ipet kini. Mi iso pini be iboobu ma la ruumu kini, mi kam sua pakan pini ma ileŋ.”
23 Petrus imaŋga na ikam zin ma tilela pa ruumu tau ni imbotmbot pa i.

Petrus ila ki Konili

Tikeene ma aigule toro to, ziŋan Petrus timaŋga ma tila. Mi zin toŋmatizin pakan ta ki kar Yoppa i tomini tigaaba zin. **24** Tiwwa ma tila ma aigule toro to tipet Sisarea. Mi Konili, ni iyogege zin wal kini mi waene bizin pakan tomini, mi ziŋan tinamnaama zin ma timbotmbot. **25** Petrus ila mabe iloondo pa ruumu, mi Konili ila to itop su kumbuunu uunu bekena ipakuri. **26** Tamen Petrus ipeteke i ma iso: “Wa, kam kembena passo? Manga! Pa nio ingi tomtom raraate kembei ta nu na.” To iwiti ma imaŋga. *

27 Ziru tizzo sua ma tilela na, Petrus mataana pokpok pizin iwal biibi ta tilup zin ma timbotmbot. **28** To iso pizin. Iso: “Ou, niom kuute lup kek. Niam Yuda, tutu tiam imender ta kembei. Zin wal ta Yuda somŋjan i na, irao amgaaba zin som, amgarau zin som. Tamen Anutu, ni iso yo kek ta kembei: Irao anjur ηgalseki pa tomtom sa na som. Mi irao anjso tomtom sa, ni sananŋjana pa Anutu mataana na som. * **29** Tana sua tiom ila, mi ingi anjmar i. Aŋkam zooronjana som. Lak, parei?”

* **10:26:** Ngo 14:15; Tur 19:10, 22:8+ * **10:28:** Ngo 15:8+; Ep 2:11+

³⁰ Konili iso: “Wai! Mi nio ti, uriza, zoj mataana ikam tel kembei ta buri na, aŋzuŋzuŋ su ruumu tio ti. Mi molo som na, aŋre tomtom ta. Mburu kini milmilŋana. Imar imender su kereng uunu mi iso: ³¹ ‘Konili o, suŋŋana ku, Anutu ileŋ kek. Mi mbulu ku ambaijana ta uluulu zin sorrokŋan na, ni mataana iŋgalŋgal.[☆] ³² Tana ḥgo wal pakan ma tila kar Yoppa be tikam Simon ta zaana toro Petrus na. Imbotmbot ki Simon toro ta ikamam uraata pa buzur kulin na. Ruumu kini imbotmbot ta tai a.’ ³³ Tanata aŋgo zin tomtom ma tima ku karau men. Ma iŋgi mar ma ambai kat. Mi niam munŋoyam ta amar amlup yam su taŋgi pa Anutu mataana. Tana sua ta munŋana men tau Merere iur ma ku be kam piam na, so ma amlen.”

Zaala ikaaga pizin wal ta Yuda somŋan i

³⁴ To Petrus imanja mi iso: “Oo, buri na, ḥgar tio ipet mi aŋkilaala i. Nonoono kat. Merere, ni iur leleene pizin wal pakan, mi wal pakan som na som.[☆] ³⁵ Ni iur leleene pizin wal ta boozomen. Tana tomtom ta sombe imoto i, mi ikamam mbulu ta indeeŋe men pa ni mataana, na ta tina. Ni, Merere leleene pini.[☆] ³⁶ Nonoono, uruunu ambaijana ta iso iti pa zaala tabe itiŋan Anutu taparlup ti ma tewe tamen pa i, na Anutu ipumuŋgu piam Israel. Zaala tana imbot la uraata ki Yesu Krisi. Mi ni Merere kizin tomtom ta boozomen.[☆]

[☆] **10:31:** 1Kor 15:58; Ibr 6:10 [☆] **10:34:** Mt 16:19; Ro 2:11; Ep 6:9; 1Pe 1:17 [☆] **10:35:** Ro 2:10+; 1Kor 12:13; Ga 3:28; Ep 3:6; Kol 3:11 [☆] **10:36:** Ro 10:12; Ep 2:14; Kol 1:20; Tur 17:14

37-38 “Mi uraata biibi tau ipet ma irao lele pakaana ki Yudea na, niom ko keleñ sa kek. Indeeñje tau Yoan ikamam sua pizin tomtom pa yok kamnjana na, Yesu ki Nasaret, ni imanja pa uraata kini isu Galilea. Ni, Anutu iroogi mi iuri pa uraata kini. Pa isilou i pa Bubunjana Potomnjana, mi ipomboli pa itunu mburaana. Tanata izzu ma izze pa uraata ambaimbaijan, mi iurpewe wal boozomen ta Tomtom Sanaana mburaana ikototo zin na. Pa ni, Anutu imbotmbot raami tau.”[☆]

39 “Uraata kini boozomen ta ikamam su lele pakaana ki Yudea mi Yerusalem na, niam ti amre kat pa motoyam. Tanata ampombolmbol ka sua. Uraata kini tana, ta ikam ma tipuni ma imeete sala ke.”[☆] **40** Tamen aigule iwe tel pa, to Anutu ipei i ma burup ma imanja mini pa naala, mi ipatooñi pizin tomtom pakan ma tire kati. **41** Mi indeeñje ta ni imanja pa naala na, ila ipet kizin iwal boozo som. Niam men ta ipet tiam mi amre i, mi niamjan amkan kini. Pa Anutu ipeikat yam ta munju kek be amender pa sua kini mi ampombol.”[☆] **42** Mi ni itunu iur sua piام be amsoyaara sua pizin Israel ta kembei: Ni, Anutu iuri be itiiri zin tomtom pa mbulu kizin, mibe iur kadoono pizin. Zin ta matan yaryaaranjan, mi wal meeterjan tomini.”[☆] **43** Mi Anutu kwoono bizin ta boozomen, sua kizin ipombol sua kini ma iso ta kembei: Wal boozomen ta so tiurla kini, inako ni iwe zaala pizin be Anutu ireege sanaana kizin.”[☆]

Anutu ikam Bubunjana Potomnjana pizin wal ta

[☆] **10:37-38:** Yesa 61:1 [☆] **10:39:** Ngo 2:32, 5:30 [☆] **10:41:**

Lu 24:36+ [☆] **10:42:** Mt 28:19+; Ngo 17:31; Ro 14:9+; 2Kor 5:10

[☆] **10:43:** Yesa 53:5; Ro 10:9; 1Yo 2:12

Yuda somjan i

⁴⁴ Petrus izzo sua tana, mi Bubuñana Potomñana tau isu ma isalakaala wal ta boozomen ta tileñlenj sua i. ⁴⁵⁻⁴⁶ Zin Yuda pakán ta tiurla ki Krisi mi zinjan Petrus timar na, tire Bubuñana isalakaala zin wal tana, mi tilen zin tizzo karkari kaljan mi tipakurkur Anutu, to timurur mi tisombe: “Wai, wal tingi, zin Yuda som. Mi ingi Anutu ikam pizin ta kembei tomini?”[☆]

⁴⁷ To Petrus isu mi iso: “Asinj irao ingalsek pizin wal ti be tikam yok? Som. Zin ingi tikam Bubuñana Potomñana raraate kembei ta iti.”[☆] ⁴⁸ Tana Petrus iso pizin ma tikam yok pa Yesu Krisi zaana. Kaimer mana tibiigi Petrus ma zinjan timbot pa aigule pakán.

11

Petrus isope zin Yerusalem kan pa uraata kini (Ngo 10:9-44)

¹ Zin ngoñana zinjan zin toñmatiziñ ki Krisi ta timbotmbot irao lele pakaana ki Yudea na, tileñ zin wal ta Yuda somjan i urun kembei zin tomini tikan la Anutu sua kini kek. ² Tabe Petrus isala Yerusalem na, zin tau timbolmbol pa tutu ki Mose mi reetenjana na, tiyyo kwon pini. ³ Tiso: “Petrus o, nu tina la ma niomñan zin wal ta tireete zin som na, kakanan kini isu ruumu kizin, na?”

⁴ Petrus imanja to isinin mbulu boozomen ta ipet pini na. Iso: ⁵ “Kelenj, nio ti añbotmbot ta kar Yoppa, mi añzunjuñ. Mi añkeenetondo, mi motonj sala na, aŋre koronj kembei ta kawaala biibi i.

^{☆ 10:45-46:} Mk 16:17; Ngo 2:4, 11:15; Ga 3:14 ^{☆ 10:47:} Ngo 15:8+

Timbit tumbuntumbun paŋ mi titu ma isu. Isu isu ma isu ta kereŋ uunu i. ⁶ Mi motoŋ isula kawaala leleene na, aŋre buzur matakina. Kar kan, su kan, pakan ta tikarra i, mi man ta tirrie sala maŋaanaŋana i tisula ma bok. ⁷ Molo som na, aŋleŋ kalŋaana ta iso ta kembei: ‘Petrus o, maŋga! Pun zin, mi kan.’

⁸ “To aŋso: ‘E-e Merere, irao aŋkan na som kat. Pa muŋgu muŋgu mi imar na, koron ta kembei isula kopon pasa zen. Koron pakan tina ambai pa kanŋana som. Pa tutu iŋgalsek pa.’[☆]

⁹ “To sua imbot saamba mi isu ma iwe ru pa. Iso: ‘Koron ta Anutu itunu ikam ma iwe ŋgeezeŋana na, nu re kembei sananŋana pepe.’[☆] ¹⁰ Iso ta kembei pa tel, to koron ta boozomen imili ma isala mini pa saamba.

¹¹ “Molo som na, tomtom tel ki kar Sisarea ta tingó zin pio na, timar timender ruumu tau nio aŋbotmbot pa i, ka kataama kwoono. ¹² Mi Bubuŋana iso pio be lelen iwe ru pepe, mibe aŋgaaba zin ma niamŋjan amla. Zin toŋmatizin lamata mi ta ti tomini. Niamŋjan amla mi amlela tomtom tana ruumu kini. ¹³ To ruumu katuunu imaŋga na iso piam ta kembei. Ni ire aŋela ta ila ipet kini su ruumu kini mi iso: ‘Ngo wal pakan ma tila kar Yoppa be tikam Simon ta zaana toro Petrus na ma imar. ¹⁴ Pa ni ko ikam sua piom. Mi sua kini ko iwe zaala pu mi wal boozomen ta timbot ruumu ku na be Anutu ikamke yom.’

¹⁵ “Tana aŋmaŋga be aŋso sua, mi Bubuŋana Potomŋana isu ma isalakaala zin. Ikam raraate kem-

[☆] **11:8:** Wkp 11:1+ [☆] **11:9:** Mk 7:14+; Ro 14:14-20; 1Tim 4:3+

bei tau mata popoten ikam piti na. ¹⁶ To motoŋ ingal Merere kalŋaana ta isombe: ‘Yoan ikam yok pizin tomtom. Mi niom, nako kakam Bubuŋana Potomŋana ma isalakaala yom.’¹⁷ Kere. Muŋgu iti tuurla ki Merere Yesu Krisi, mi Anutu ikam Bubuŋana piti. Mi ni ikam koron pizin wal tana raraate men kembei ta ikam piti na. Kena nio asin ta aŋrao be aŋzoro Anutu? Pa koron tiŋgi imar pa ni itunu tau.”¹⁸

¹⁸ Tileŋ ta kembei to, timbuulu sua pini mini som. Mi tipakur Anutu zaana ma tiso: “Nonono kat. Anutu, ni ipomoozo zin wal ta Yuda somjan i tomini, mi ikam zin ma titooro lelen, bekena tikam mbotŋana ta ki Anutu i.”¹⁹

Lupŋana ki Krisi ta imbot su kar Antiok

¹⁹ Indeeŋe tipun Setepan mi imar na, wal ki Krisi tibadbaada pataŋjana biibi pa sua ki Merere. Tana timureege, mi tiko kiŋakiŋa pa lele pakaana ki Ponisia, mutu Saiprus, mi kar Antiok. Tiwwa na, tikamam sua pizin Yuda men.²⁰ Mi tomtom kizin pakan ta timar pa mutu Saiprus mi lele pakaana ki Kairini na, tila pa kar Antiok, to tiso zin Grik tomini pa uruunu ambainjana ki Merere Yesu. ²¹ Mi tiwwa raama Merere mburaana, tana iwal biibi ki kar tana tiurla ki Merere mi titooro lelen.²²

²² Uraata ti uruunu ila ipet ta Yerusalem mi lupŋana ki Krisi tileŋ, to tiŋgo Panabas ma ila kar Antiok be ire zin.²³ Ila ma ipet na, ire kampeŋjana biibi ki Anutu ta imbotmbot se kizin,

¹⁷ **11:16:** Mt 3:11; Ngo 1:5 ¹⁸ **11:17:** Ngo 10:47, 15:8+ ¹⁹ **11:18:** Ro 10:12+, 15:9,16 ²⁰ **11:19:** Ngo 8:1,4 ²¹ **11:21:** Ngo 13:1+, 14:26+, 18:22+ ²² **11:22:** Ngo 8:14+

tana menmeeni pa. Mi ipombolbol zin iwal ma izzo pizin be tiur lelen imap ila ki Merere mi tikiskis urlajana kizin.²⁴ Pa Panabas, ni tomtom ambainjana. Urlajana kini imbol kat, mi Bubuñana Potomjana izeebe kati. Mi mazwaana tana, wal boozomen tiurla ki Merere mi tigaaba wal kini.²⁵

²⁵ To Panabas ila Tasus be iru Saul.²⁶ Iru i iru i ma indeenji to ikami ma ziru timili ma tila mini pa kar Antiok. Mi ndaama munjaana tina, Panabas ziru Saul ziñan lupñana ki Krisi ta imbot kar tana na tiparluplup zin. Mi ziru tikamam sua pizin iwal biibi. Zin Antiok kan ta titoto Yesu i, ta mata popoten mi tomtom tiwatwaata zin be ‘Kristen.’²⁷

²⁷ Indeenje mazwaana tana na, Merere kwoono bizin pakan timbot Yerusalem mi tisula kar Antiok. ²⁸ To tomtom kizin ta, zaana Agabus, Bubuñana ipazali mi imanya to ipityaara sua pa peteеле biibi tabe isu pa toono ta boozomen. (Peteèle tana ipet indeenje Klodias iwe Kaisa mi imborro lele.)²⁹ To zin wal ta titoto Yesu i, tilup zin mi tikam naman ikot zin be tiuulu zin toñmatizij kizin ta timbotmbot lele pakaana ki Yudea na. Tikam irao zitun pat kizin.³⁰ Tikam ta kembei to, tikam señgeeri kizin se ki Panabas ziru Saul. Mi ziru tikam ma tila tiur la kizin mboronjan ta timbot Yerusalem na.³¹

12

Tiseeze zin urlajana kan matan mini

²⁴ **11:23:** Ngo 14:22 ²⁵ **11:24:** Ngo 2:41, 4:36+ ²⁶ **11:25:** Ngo 9:27,30 ²⁷ **11:26:** 1Pe 4:16 ²⁸ **11:28:** Ngo 21:10 ²⁹ **11:29:** Ro 15:26; 1Kor 16:1; 2Kor 8:1+, 9:1 ³⁰ **11:30:** Ngo 12:25

¹ Indeeŋe mazwaana tana na, king Erot * ni iman̄ga, mi ikis tomtom pakan ta timbot lela lup̄jana ki Krisi i be iseeze matan. ² Iso ma tikam Yems ta Yoan toono na, mi tiyembut ŋigureene pa buza ma imeete. ³ Mi ire kembei zin Yuda lelen ambai pa uraata tana, ton̄a iman̄ga na ikis Petrus tom̄ini. Uraata tina ipet indeeŋe zin Yuda tilup zin be tikan narabu ta ka yis som̄jana na. ⁴ ⁵ Tana Erot ikam Petrus to, ila iuri lela ruumu sanaana. Mi iuri la kizin menderŋan lamoro mata mi ta be matan pini. Zin menderŋan tana na, paŋpaŋa timbot la uunu tataŋa mi tiparpekelkel zin. Pa Erot ikam ŋgar ta kembei. Lup̄jana biibi ki Pasoba isombe imap, to ikam Petrus mi ipamenderi ila iwal biibi matan. ⁶ Tana Petrus, tiuri lela ruumu sanaana ma imbotmbot. Tamen lup̄jana ki Krisi, zin tiur lelen imap mi tizun̄zun̄ mbol̄jana pa Anutu be iuuli. ⁶

Anjela itatke Petrus pa ruumu sanaana

⁶ Indeeŋe nol tabe Erot ikam Petrus ma iyooto pa ruumu sanaana be ipamenderi na ka mben̄na, menderŋan ru timenderkalkaala Petrus, mi

* **12:1:** Sua ki Merere iso pa tomtom boozo ta zan Erot. Indeeŋe Yesu isu na, Erot mataana kana ikamam peeze pizin Israel. Ni ta ipun zin pikin ki Betelem ma timetmeete. Mi ni lutuunu zaana Erot tom̄ini. Lutuunu tana, ta ipun Yoan ma imeete, mi igaaba Kaipas mi Pontius Pilatus ma tipun Yesu. To isu mini pa Erot ta iwe tel pa. Sua pakaana ti iso pa Erot tana. Ni Erot mataana kana tumbuunu. Erot ta iwe tel pa ta ipun Yems ma imeete, mi kaimer motmooto tikani. To ni lutuunu, zaana Erot Agripa, ta kaimer tipamender Paulus ila kereeene uunu. Ka mbol imbot la sua pakaana 25:13-26:32. ⁶ **12:2:** Mt 4:21, 20:22+ ⁶ **12:3:** Kam 12:15, 23:15 ⁶ **12:5:** Ro 15:30+; Ep 6:18

ni ikenne su ziru mazwan. Ni, tipo i pa re ru. Mi menderjan pakān timendernder su kataama kwoono tomini be timboro ruumu sanaana. ⁷ Molo som na, anjela ki Merere ta imar. Mi azunjka kini iyaara lela ruumu sanaana tana leleene. To anjela ipai Petrus ma iso: “A, maŋga ta buri!” Izzo sua tana, mi re ta tipo Petrus pa na, imet ma isulene.

⁸ To anjela iso pini mini. Iso: “Ur pus ku mi kumbum keteene ila.” Petrus izeebi pa mburu kini makin, to anjela iso pini. Iso: “Ur mburu ku mat kana isala regem mi to yo.” ⁹ Tona Petrus ito i mi ziru tiyooto pa ruumu sanaana. Tamen ni le ñgar sa pa mbulu ta anjela ikam pini i som. Iso ko ikeenetondo ma ingi. ¹⁰ Ziru tila ma tizem menderjan uunu ta, to tila tizem toro, mana timar kataama mboljana ta ila pa zaala kwoono na. Tipa ma timar to, kataama itunu ikaaga sorok, mi ziru tiyooto. Tizem ruumu sanaana mi titoto zaala ma tilala mi molo som na, anjela izemi. [◊]

¹¹ To Petrus ñgar kini ipet mi iso: “O, ingi buri na anjkilaala i. Ingi Anutu ingo anjela kini ma imar bekena itatke yo pa Erot namaana mi mbulu boozomen ta zin Yuda tisombe tikam pio i.”

¹² Petrus ikilaala mbulu ta ipet pini to, ikoñuru ruumu ki Maria, ta Yoan Markus naana na. Ruumu tana leleene na, wal boozomen ta tila tilup zin pa, mi tizunzuŋ ma timbotmbot. [◊] ¹³ Petrus ila na ipitpit lae pa kataama. To mbesooŋ moori ta, zaana Roda, ila be isol kataama. ¹⁴ Som, mi ikilaala Petrus kalŋaana. To menmeeni biibi kat,

[◊] **12:10:** Mbo 34:7; Ngō 5:19, 16:25+; 2Kor 1:10 [◊] **12:12:** Ngō 12:5,25, 15:37+

mi iloondo ma ilela kizin iwal biibi ma iso: “Aleei, Petrus itunu ta imendernder kataama kwoono al!”
15 To zin tiso: “Waa, nu kankaana. Petrus imbot ruumu sanaana leleene.” Mi Roda kwoono imbol ma iso: “Soom, ni tau.” To zin tiso: “Inako anjela kini ma ingi.”

16 Mi Petrus ni imbotmbot mat men mi ipunun kataama. Beso tisol kataama na, tire i to timurur.
17 To kaljan izalla. Tamen ni iur namaana pizin be timaane. To ipit mbol pa zaala ta Merere ikami ma iyooto pa ruumu sanaana na. Ipit ma imap, mi iso pizin be tila tisotaara Yems † mi tonmatiziŋ pakan tomini pa mbulu ta ipet pini na. To izem zin, mi iko ma ila lele toro.

18 Tikeene ma aigule toro, zon ise na, ororo tau sorok som isala. Pa zin menderŋan tiru Petrus zalaana. Tiso: “To tana ko sokorei ikami?”
19 Erot ilen sua tana, to iso pizin menderŋan be tila tiru i. Tamen tiru i ma som. To iwises zin. Iwi zin ma som to, iur sua mi tikam zin ma tila be tiur kadoono pizin. Mana kaimer to Ero imanya na izem lele pakaana ki Yudea, mi isula imbot kar Sisarea.

Meeteŋjana ki Ero

20 Ero, ni keteene malmal kat pa kar ru, Tiro mi Sidon. Tana kar ru tana tilup zin mi tila be tire i. Paso tingimgiimi kan kini ta king lele kini a. Mi timoto: Kokena ni iruuutu pizin. Tana tila na lonja mi tikam Blastus leleene. Pa Blastus tana, ni imborro king ruumu kini. Mana tila ki Ero itunu be ziŋan tiparurpe lelen. Tiso sua kizin ma ilen, to iur nol pizin be ipekkel kaljan.

† **12:17:** Yems ti, ni Yesu tiziini njonoono.

21 Indeeŋe nol tana ipet na, Erot izeebi pa mburu milmiljana ki king, mi ila imbutul sala sua urperjana muriini be ikam sua pizin tomtom. **22** Mi zin tomtom ta tileŋleŋ la pa kalŋaana na, kalŋan zalla ma tizzo: “To iŋga tomtom som. Iŋga ko Anutu tau!” **23** Tizzo na molo? Merere anjela kini ituti ma kaŋ kuruŋ su. Pa ipakur itunu ma isombe ikam Anutu muriini mi zaana ilip. Tana motmooto tikan ketenketen ma imeete.

Panabas ziru Saul timiili pa Antiok

24 Mi Merere sua kini na, mburaana mi ila ma ila. **25** Mi Panabas ziru Saul na, tiposop uraata kizin isu Yerusalem makŋ to, tikam Yoan Markus mi ziŋan timiili ma tisula mini pa kar Antiok. **☆**

13

Tiur Panabas ziru Saul pa uraata

1 Lupŋana ki Krisi ta imbot su kar Antiok na, Merere kwoono bizin pakan mi zin tau tipaute zin tomtom pa sua ki Merere na, ta zan tis: Panabas, Simion ta tipaati be Aigap na, Lusius ta imar pa lele pakaana ki Kairini na, Manaen ta muŋgu iwe Erot toroono na, mi Saul. **2** Aigule ta na, tingalsek zitun pa kini kannjana bekena timbot kat pa sunŋana. Tizunŋzuŋ, mi Bubuŋana Potomŋana iso pizin ta kembei. Iso: “Kozo kuur Panabas ziru Saul be tikam uraata ta anŋroogo zin pa na.” **☆ 3** Tana tisuŋ mi kaimer, to tiur naman salakaala zin, mi tiur zin ma tila. **☆**

☆ 12:24: Ngo 6:7, 19:20; Kol 1:6 **☆ 12:25:** Ngo 11:29+, 12:12

☆ 13:2: Ngo 9:15; Ro 10:15; Ep 3:7+; 1Tim 2:7 **☆ 13:3:** Ngo 6:6, 14:26

Saul ziru Panabas tila mutu Saiprus

⁴ Tana Bubunjana Potomnjana ingo Panabas ziru Saul ma tila pa uraata. Tisula kar Selusia, to tikam woongo mi tikwai ma tila pa mutu Saiprus. ⁵ Tilela kar Salamis, to tilala lupnjana murin kizin Yuda mi tizzoyaryaara Anutu sua kini. Mi Yoan Markus, ni igaaba zin tomini be iuulu zin pa uraata.◊

⁶ Tiwwa pa mutu tana ma timar tipet kar biibi Papos. Tipet Papos, to tindeene Yuda ta. Ni tomtom naboroujana mi ipakamkaam kembei ni Anutu kwoono. Zaana Bar-Yesu.◊ ⁷ Mi ni iga-bgaaba Sergius Paulus ta ni biibi mi imborro mutu tana. Sergius Paulus, ni tomtom ηgarjana, mi leleene be ileŋ sua ki Anutu. Tabe iso la pa Panabas ziru Saul be timar kini. ⁸ Tomtom naboroujana tana zaana toro Elimas. Pisis tana ka uunu ta kembei: ‘tomtom yaambajana.’ Mi ni izorzooro ziru kwon. Pa leleene be biibi ki mutu tana iurla ki Krisi pepe. ⁹ To Bubunjana Potomnjana izeebe Saul, ta tipaata zaana toro be Paulus na, mi igeede la pa tomtom naboroujana tana, ¹⁰ mi iso: “Hai, nu tina ta urur koi pa mbulu ndeejenjan ta munjaana men. Mi mbulu pakaamjan ta boozomen na, nu rao pa kat. Tomtom Sanaana lutuunu ta nu na! Nu pandelndel zin tomtom pa zaala ndeejenjana ki Merere paso? Njiizi na zem mbulu ku tana?◊ ¹¹ Ingi be re kat Anutu mburaana. Ni ko ipumun motom ma ipis kat ma rao re lele som. Mi ko mbot ta kembei ma risa.”

Molo som na, zugut izukkaali ma sik. To isu na izoromrom, mi iru le tomtom sa be iteege

◊ **13:5:** Ngo 13:13, 15:37+ ◊ **13:6:** Ngo 8:9+ ◊ **13:10:** Mt 13:38; Yo 8:44; 1Yo 3:8

namaana mi iuuli. ¹² Mi biibi ki mutu tana ire mbulu ta ipet na, to iurla kat. Mi imurur pa sua ki Merere ta tipaute i pa na mburaana.

Paulus ziru Panabas tila kar Antiok ta Pisidia a

¹³ Paulus ziñan waene bizin tikam wooñgo isu Papos, mi tikwai ma tila mi tilela kar Perga, ta imbot lele pakaana ki Pampilia na. Timbot tana, mi Yoan Markus izem zin mi imili ma ila lene pa Yerusalem.[☆] ¹⁴ To Paulus bizin tizem Perga mi tisala pa kar Antiok ta imbot lele pakaana ki Pisidia na. Timbot ma indeeñe aigule potomñana kizin Yuda be keten su, to tilela lupñana muriini kizin ma mbulen su. ¹⁵ Kaimer ma tipaata tutu ki Mose mi sua ki Merere kwoono bizin makin, to zin mboronjan ki lupñana muriini tana tiso pa Paulus ziru Panabas. Tiso: “Ou, niom toñmatizij ru tana, sombe leyom sua sa be kopombol zin wal tingi pa, na koso.”[☆]

Mos ta Paulus ikam pizin Yuda isu kar Antiok

¹⁶ To Paulus imanya imender, mi iur namaana pizin be matan ila kini, mi isu na iso: “O niom tom-tom ki Israel mi niom pakan ta komototo Anutu mi kototo mbulu kini na, kunjun talñoyom mi keleñ! ¹⁷ Muñgu, Anutu kiti Israel, ni itunu ipeikat tumbundu bizin, mi ikam zin ma tiwe lene. Mi indeeñe mazwaana ta tila tiwe leembe isu Aikuptu na, ni ikam zin ma urun iwe biibi kat, mi iswe mburaana biibi, mi iyaaru zin ma tizem Aikuptu.[☆] ¹⁸ Mi indeeñe tau tiwwa isu lele bilimñana pa ndaama tomtooru na, timbel zooroñana. Tabe Anutu niini gesges pizin. Tamen ni izem kat zin

[☆] **13:13:** Ngo 13:5, 15:37+ [☆] **13:15:** Lu 4:16+ [☆] **13:17:** Kam 6:6+, 12:51

som, mi mataana pizin.^{⊗ 19} Tiwwa ma tipet toono Kanaan to, ni ipambiriizi lele pakaana lamata mi ru ka tomtom bixin, mi iur toono kizin ma iwe zin Israel len.^{⊗ 20} Uraata ta boozomen tana ikam ndaama 450, to zin Israel tikam toono Kanaan ma iwe len kat.

“Kaimer mana, Anutu iur zin bibip tau len ɳgarjan i be tikam peeze pizin, mi imar imar ma indeeŋe mazwaana ki Samuel ta Anutu kwoono na.²¹ Tona zin tisu na titanroro Anutu pa len king. Tana ni iur Saul ta Kis lutuunu na, ma iwe king pizin. Saul tana, uunu kini ipet pa Benyamen. Mi ni imboro Israel pa ndaama tomtooru.^{⊗ 22} Tamen kaimer na, Anutu iziiri i, mi iur Dabit ma ikam Saul muriini. Mi iwit Dabit uruunu ma iso ka sua ta kembei:

Aa, Dabit ta Yesi lutuunu na, nio lelen pini ilip. Pa ni itoto kat lelen. Ni ko ito ɳgar tio pa koron ta boozomen.[⊗]

23 “Imar imar ma Anutu iur Yesu ta iyooto pa Dabit popoŋana kini na, ma iwe ulaanja pizin Israel. Ito sua kini mbukŋana tau.^{⊗ 24} Indeeŋe Yesu imanga pa uraata kini zen na, Yoan imuunŋu pini mi ikamam sua pizin Israel ta boozomen be titooro lelen mi tikam yok.^{⊗ 25} Ni ikamam uraata ta Anutu iur la namaana na, mabe imap, to iwi zin. Iso: ‘Ou, niom koso nio asin? Nio ti, tomtom ta kuurur motoyom pini i som. Mi tomtom tana, ni itoto yo ma iwwa i. Nio aŋre itun kembei

^{⊗ 13:18:} Kam 16:8; Nam 14:33+; Mbo 95:10; Ngo 7:36 ^{⊗ 13:19:}
Lo 7:1; Mbo 78:55; Ngo 7:45 ^{⊗ 13:21:} 1Sam 8:4+, 10:17+
^{⊗ 13:22:} 1Sam 13:14, 15:23+, 16:12+; Mbo 89:20 ^{⊗ 13:23:} Mbo
132:11; Lu 1:32 ^{⊗ 13:24:} Lu 3:3

aŋrao pini risa som kat. Uraata soroknjana kembei kumbu keteene ka wooro putkejana, ina tomini aŋrao aŋkam pini na som. Pa ni ilip kat pio.' "◊

26 To Paulus iseenge sua kini ma iso: "O niom toŋmatiziŋ tio, niom ta Abaraam popoŋana kini, mi niom pakan ta komototo Anutu mi kototo mbulu kini na tomini, kelenj. Sua ta iso pa ulaanja tabe imar i, ingi imar piti tau.◊ **27-28** Tamen zin Yerusalem kan zinjan zin peeze kan kizin tikilaala Yesu som. Nonoono, tiwatwaata sua ki Anutu kwoono bizin ikot aigule potomŋan ta boozomen. Tamen tikam ŋgar pa som. Tanata tiseeze sorok Yesu mataana, mi timaŋmaj Pilatus, tabe ni iur sua ma tipuni ma imeete. Mi Yesu, ni le uunu sa isaana som. Mi mbulu ta tikam pini, ina ikam ma sua ki Anutu kwoono bizin ta tawatwaata na, iur ŋnoono.◊ **29** Pa mbulu boozomen ta ipet pini na, Anutu kwoono bizin tiso ka sua pataŋja kek. Tana tikam mbulu ta boozomen tana makinj, to tikami ma isu pa ke pambaaranjana, mi tila tiuri lela naala.◊ **30** To Anutu ipei i ma burup ma imaŋga mini.◊ **31** Mi llala iwedet kizin tomtom tau muŋgu zinjan tiwwa ta Galilea mi tila tipet Yerusalem na. Wal tana, ta koozi tipombolmbol sua kini, mi tikamam sua pizin wal kiti Israel.◊

32 "Mi niam tiŋgi amar be amkam uruunu am-baiŋana ti piom. Kere. Sua ta muŋgu Anutu imbuk pa tumbundu bizin, ta ingi ikam ma iur ŋnoono piti kek.◊ **33** Pa ni ipei Yesu ma imaŋga pa naala

◊ **13:25:** Lu 3:16 ◊ **13:26:** Lu 24:47; Ngo 2:39, 3:26 ◊ **13:27-28:** Mt 27:20+; Lu 23:18+; Ngo 3:14+ ◊ **13:29:** Lu 23:50+, 24:44; Yo 19:36+ ◊ **13:30:** Mt 28:6 ◊ **13:31:** Yo 20:19+; Ngo 1:3, 2:32
◊ **13:32:** Un 12:3; Ro 1:2, 4:16

kek. Ka sua imbot la mboe sunjana kana ta iwe ru pa. Iso:

Nio lutuŋ ta nu na.

Koozi nio aŋwe tomom.[☆]

34 “Tana Anutu ipei i ma burup ma iman̄ga mini kek. Mi ko irao imeete ma isula mini naala be ibuuzu na som. Ka sua imbot pataanja kek ta kembei:

Nio aŋbuk sua mboljana pa Dabit be aŋkampe i pa koron̄ matakiŋa ta ndabokbokŋan mi potomŋan. Mi koron̄ ta boozomen tana, nio kola aŋkam piom.[☆]

35 “Mi sua lwoono toro iso ta kembei. Iso:

Nu ko irao zem mbesooŋo ku potomŋana ma ibuuzu na som.[☆]

36 “Kere. Dabit, ni imbeeze pa Anutu mi ito ŋgar kini ma irao meeterŋana kini. To titwi i sula ki tumbuuŋu bixin ma ibuuzu.[☆] **37** Tamen ni tau Anutu ipei i ma burup ma iman̄ga pa naala na, ni irao imeete mini ma ibuuzu na som.

38-39 “Tana niom toŋmatiziŋ tio, kelen! Niam amso kat piom ta kembei: Yesu ta iwe zaala piti be Anutu ireege sanaana kiti. Tana tomtom sa isombe iurla kini, inako Anutu ire i kembei ni tomtom ndeeŋenjana. Pa sanaana boozomen ta tutu ki Mose irao be iurpe som, mi ikam ti ma tasaana pa Anutu mataana na, Yesu, ni irao iurpe.[☆]

[☆] **13:33:** Mbo 2:7; Mt 3:17; Ibr 5:5 [☆] **13:34:** Yesa 55:3 [☆] **13:35:** Mbo 16:10; Ngo 2:27,31 [☆] **13:36:** Ngo 2:29 [☆] **13:38-39:** Ngo 2:38; Ro 3:28; Ga 2:16; 1Yo 2:2,12

40 “Tana kere yom. Kokena kitit ulaanja ta ingi Anutu ikam piti, to mbulu ta Anutu kwoono bixin tiso pa na ipet piom. Ka sua imbot ta kembei:

41 Niom wal ta kerepiili sua ki Anutu na, kere yom! Pa uraata popoŋana tabe aŋkam ma kere i, ko ipa ndel kat.

Tabe ipet pizin wal pakan mi keleŋ uruunu men, so kuurla som.

Tana niom ko kwoyom taanda pa mi kakam ŋgar pa ma som, mi kala leyom.”[⊗]

42 Paulus iso sua ma imap, to ziru Panabas be tiyoota pa lupŋana muriini. Som mi timan̄ga ma tiwi ziru beso aigule potomŋana toro ipet, to timiili mi tiso zin pa sua tana mini. **43** Lupŋana imureege na, zin Yuda ŋnoono, mi wal pakan ta titooro zin ma tiwe Yuda i mi timarmar pa sunŋana na, boozomen tito ziru ma ziŋan tila. Mi ziru tipombol zin be tikiskis kampeŋana mi muŋaiŋana ki Anutu.[⊗]

44 Timbot ma aigule potomŋana ipet mini, to kar kan timeke ma timap ma kar putuunu. Pa timer tilup zin be tileŋ sua ki Merere tau. **45** Zin bibip kizin Yuda tire iwal biibi tana tila be tileŋ Paulus ziru Panabas, to matan mburmbur ma tau tisaana kat. Tana timan̄ga mi ziŋan Paulus tiparzorzooro pa sua. Mi tiwirri sua repiiliŋan boozo pini.[⊗]

46 Tamen Paulus ziru Panabas timoto som. Timender mbolŋana, mi kwon imbol kat ma tiso: “Ina som. Anutu isombe ipumuŋgu sua kini piom. Tamen ingi niom kitit. Pa niom, ina moyom ingal ituyom be kakam mbotŋana ki Anutu

[⊗] **13:41:** Hab 1:5 [⊗] **13:43:** Ngø 11:23, 14:22 [⊗] **13:45:** 1Tes 2:15+

ta iseeŋge iseeŋge ma ila na som. Tana iŋgi ko anzem yom ma komboreyom, mi amla kizin wal ta Yuda somŋjan i.⁴⁷ ⁴⁷ Pa Merere iur sua piam kek ta kembei. Iso:

Nio aŋur u be la mi ur mat pizin wal ta Yuda somŋjan i.

Naso we zaala pa toono ta boozomen be tikam ulaanja tio.”⁴⁸

⁴⁸ Ingi sua ti ila ma zin wal ta Yuda somŋjan i tileŋ, to lelen ambai kat pa Merere sua kini mi tipakurkur sua tana. Mi zin wal tau Anutu iroogo zin pataaŋa kek be tikam mbotŋjana kini na, tiurla.⁴⁹

⁴⁹ Tana Merere sua kini irak ma irao lele pakaana tina. ⁵⁰ Tamen zin bibip kizin Yuda timaŋga ma tipese zin bibip ki kar tana, zinjan zin moori zanŋjan pakan ta tigabgaaba zin Yuda pa sunŋjana kizin. Tona timaŋga pa Paulus ziru Panabas ma tiseeze matan, mi tiser zin pa lele kizin ma tila len.⁵¹ Tana ziru titir ululu pa kumbun pizin bekena iwe kilalan pa sanaana kizin, mi tiwwa ma tila kar Ikonium.⁵² ⁵² Mi zin wal ki kar Antiok ta titoto Yesu na, Bubuŋjana Potomŋjana izeebe zin lup, ma lelen ambai kat.⁵²

14

Paulus ziru Panabas tikam uraata su kar Ikonium

¹ Mbulu raraate men ta ipet su kar Ikonium. Paulus ziru Panabas tila tipet to, tilela lupŋjana

⁴⁶ **13:46:** Mt 21:41; Njo 3:26+, 18:6; Ro 1:16 ⁴⁷ **13:47:** Yesa 42:6, 49:6; Lu 2:32 ⁴⁸ **13:48:** Ro 8:29+ ⁴⁹ **13:50:** 2Tim 3:11 ⁵⁰ **13:51:** Mt 10:14 ⁵¹ **13:52:** Njo 16:34; Ro 14:17; 1Pe 1:8

muriini kizin Yuda, mi tikam sua pizin. Mi sua kizin iŋgal tomtom boozomen ma tiurla ki Yesu. Zin Yuda, mi pakan ta Grik i tomini.

² Tamen zin Yuda ta tiurla som na, tikuru zin wal ta Yuda somjan i lelen. Tabé lelen pizin tonjmatizij ki Krisi mini som. ³ Tana Paulus ziru Panabas timbot kar tana ma molojana ri, mi timender mboljana mi tizzoyaryaara Merere uruunu. Mi tipombolmbol sua pa kampejana kini. Mi Anutu ipombolmbol sua ta ziru tizzo na, mi ikamam len mburan. Tabé titortooro mos ma uraata bibip pakan ma iwedet. ⁴ Tana iwal biibi ki kar tana tisu to tiwe ru. Pakaana tilae kizin Yuda, mi pakaana tiyo se ki ŋgojana ru tana. ⁵

⁵ To zin wal ta Yuda somjan i mi Yuda pakan, zinjan zin bibip kizin tilup lelen be tipasaana ziru, mibe tipun zin pa pat. ⁶ Mi Paulus ziru Panabas taljan ikam sua ti, to tiko ma tila pa lele pakaana ki Likonia mi timbot kar Listara mi kar Derbe. Mi tilalae pa kar munmun ta timbot koloujana na tomini, ⁷ mi tizzoyaryaara uruunu ambaijana pizin.

Mbulu ta ipet su kar Listara mi kar Derbe

⁸ Tomtom kumbuunu sananjana ta, imbotmbot kar Listara. Irao ipa na som. Ni ta kembeajana, mi naana ikami ma isu. ⁹ Paulus izzo sua na, ni imbutultul mi ilenlej. To Paulus igeede la pini, mi ire kembei ni iurla ma Anutu irao iurpe i. ¹⁰ Tana kaljaana biibi ma iso: “Ai, nu tana, burup

⁵ **14:3:** Mk 16:20; Ngo 5:12; 2Kor 12:12 ⁶ **14:4:** Lu 12:51+; Ngo 28:25 ⁷ **14:5:** 2Tim 3:11 ⁸ **14:6:** Mt 10:23 ⁹ **14:9:** Mt 9:28+

ma manja mender.” Tomtom tana inaunau som. Burup ma imanja mi iwwa pataanja. [◊]

¹¹ Zin iwal biibi ki lele pakaana ki Likonia na, tire Paulus ikam uraata tana, to kaljan isala mi tiso la zitun kaljan ma tiso: “Wai. Ingi zin merere kiti, ta tisu ma tiwe tomtom i.” [◊] ¹² Tona tiboobo merere kizin Grik zaana Zeus, * ise ki Panabas. Mi Paulus na, tiboobo Ermes zaana pini. Pa Paulus ta imuñmuñgu pa sua. ¹³ Kar tana ziljaana na, merere pakaamjana Zeus urum kini imbotmbot. Tana patoronjana ka tomtom ta ki urum tina, ni zinjan zin iwal tikam mbili pakan mi aigau ma timar zaala kwoono be tikam patoronjana pa Panabas ziru Paulus.

¹⁴ Tamen ziru tikilaala mbulu ta ingi be ipet i, to tiraaza mburu kizin, mi wis ma tilela ta iwal biibi lelen. ¹⁵ Mi kaljan biibi ma tiso: “Wai, ingi parei ta koso kakam piam ta kembei? Niamru ti, tomtom kembei ta niom na. Iti raraate men tau. Niamru amar be amsoyaara uruunu ambainjana piom. Merere tiom soroksorok na, kezem zin ma timboren. Mi kuur leleyom ila ki Anutu ñonoono ta mata yaryaaranjana na. Pa ni ta iur saamba, iur toono, iur tai, mi koron boozomen ta timbotmbot pa. [◊] ¹⁶ Muñgu, ni izem zin tomtom ma tiwwa ma tikamam mbulu irao zitun lelen mi ñgar kizin. [◊] ¹⁷ Tamen ni ikewe piti som. Pa ikamam koron

[◊] **14:10:** Mk 2:11; Ngo 3:6, 9:34, 28:8+; Yems 5:14+ [◊] **14:11:** Ngo 28:6

* **14:12:** Zin Grik, merere kizin boozo. Zin tiurla ta kembei. Zeus, ni merere biibi kat ta ilip pizin merere kizin ta boozomen. Mi Ermes, ni merere toro ta iwe Zeus kwoono mi izzo zin tomtom pa sua kini. [◊] **14:15:** Un 1:1+; Ngo 10:26; 1Kor 8:4; 1Tes 1:9

[◊] **14:16:** Mbo 81:12; Ngo 17:30; 1Pe 4:3

ambaimbaijan ma imarmar ta gorgori. Ikamam leyom yan ta imbot saamba mi isu, mi iurur gor-gor ki mai pa koroj ta boozomen. Mi ikamam koyom kini boozo bekena leleyom ndabok, mi menmeen yom pa. Mbulu kini boozomen tana izzwe kembei ni imbotmbot.” ^{✳ 18} Sua tingi, ziru tiso paso, zin iwal biibi tana ñgar kizin imbol be tikam patoronjana sa pa ziru. Mi rimen mi tikam. Tamen ziru tipetekewe zin, tabe tikam som.

¹⁹ To zin Yuda pakan ta timbot kar Ikonium mi kar Antiok ta ki Pisidia na, timar. Timar ma tikuru zin iwal lelen be tizem Paulus bizin mi tilae kizin. To timanja na tipun Paulus pa pat, mi tiyaaru tataati ma tila kar ziljaana. Pa tiso ko imeete kek. ^{✳ 20} Tamen waene bizin ta titoto Yesu i, tila tiliu i, to ni imanja mi ziñan timiili ma tilela kar mini. Tikeene ma aigule toro to, ziru Panabas timanja mi tila pa kar Derbe.

Ziru timiili pa kar Antiok ta ki Siria na

²¹ Paulus ziru Panabas tipet kar Derbe to tizzo uruunu ambaijana isu tana. Tikam ma tomtom boozo tiurla mi lelen be tito Yesu. To timiili ma tila kar Listara, to tila kar Ikonium. Mana tila kar Antiok ta ki Pisidia na. ²² Mi tipombolmbol zin wal ta titoto Yesu i mi kwon imbol pizin be tikis kat urlajana kizin. Mi tiso pizin ta kembei: “Bela temender mboljana mi tabaada patajana boozo, to tombot lela peeze ki Anutu mi tala kar kini.” ^{✳ 23} Ziru tiwwa na, tiurur zin tomtom ma tiwe mboronjan be tikam peeze pa lupjana ki Krisi ikot

^{✳ 14:17:} Mbo 104:27+, 147:8; Mt 5:45; Ngo 17:27; Ro 1:20

^{✳ 14:19:} 2Kor 4:9, 11:25; Ga 6:17; 2Tim 3:11 ^{✳ 14:22:} Mt 7:14,

16:24; Ngo 11:23; 1Tes 3:3+; 2Tim 3:12

kar tataŋa. Mi tingalseksek zitun pa kini kanŋana mi tizunŋun, mi tiur zin ila Merere, ta zin tiurla kini i, namaana. To tizem zin. [⊗]

²⁴ Tipa pa lele pakaana ki Pisidia ma imap. To tila tipet lele pakaana ki Pampilia. ²⁵ Tiso uruunu ambainŋana isu kar Perga, mana tisula kar Atalia. ²⁶ To tikam woongo su tina, mi tikwai ma timiili ma tila mini kar Antiok. Pa zin toŋmatiziŋ ki Krisi ta timbot kar tana, ta muŋgu tiur Paulus ziru Panabas pa uraata, mi tisunŋ Anutu be ikampe zin mi mataana pizin. Mi inŋi tila ma tikam uraata ma imap, ta timiili ma timar mini i. [⊗]

²⁷ Tana timar tipet kar Antiok, to ziŋan lupŋana ki Krisi tilup zin mi tiwidit mbol pa uraata ta Anutu ipombol zin pa ma tikam na. Mi tiso pizin ta kembei: Anutu, ni ikaaga kataama pizin wal ta Yuda somŋjan i mi zin tiurla kek. ²⁸ Mi ziŋan waen bizin ta titoto Yesu i ta ki kar tana timbel mbotŋana.

15

Wal pakan kwon imbol pizin wal ta Yuda somŋjan i be tito tutu ki Mose

¹ To tomtom pakan timbot Yudea mi tisula kar Antiok. Mi timaŋga ma tizzo pizin toŋmatiziŋ ta ki Krisi i ta kembei. Tiso: “Ai, niom wal ta Yuda somŋoyom i, bela koto tutu mi mbulu ta Mose iur na, mi tireete yom, tona Anutu ikamke yom. Mi sombe koto som, inako Anutu ikamke yom som.” ² Paulus ziru Panabas tileŋ sua tana na, keten malmal pa. Tabé ziŋan tiparzooro. Timbel sua

[⊗] **14:23:** Ngo 6:6, 13:1+; Tit 1:5 [⊗] **14:26:** Ngo 13:1+

sonjana. To tilup lelen, mi tiur Paulus ziru Panabas mi waen bizin pakan ta ki Antiok na be tisala Yerusalem, mi tire zin ḡoṇjana pakan ziñan zin mboronjan, mi tiurpe patañana ti.◊

³ Tana lupñana ki Krisi iurpe zaala pizin, mi tiur zin ma tila. Tiwwa pa lele pakaana ki Ponisia ma Samaria, mi tizzotartaara zin toñmatiziq ta timbot tana ta kembei: Wal boozomen ta Yuda somñan i, titooro lelen mi tiurla ki Merere kek. Tana waen bizin tileñ ma lelen ambai kat.◊ ⁴ Tila tipet Yerusalem, to lupñana ki Krisi ziñan zin ḡoṇjana mi mboronjan lelen ambai pizin mi tikam zin ma tila ruumu kizin. Mi zin tipit mbol pa uraata ta Anutu ipombol zin pa ma tikam na, mi waen bizin tana tileñ.

⁵ To zin tutu kan pakan tau tiurla ki Krisi na, timaṅga mi tiso: “Som. Ina kembena pepe. Zin wal ta Yuda somñan i, sombe tiurla ki Krisi, na bela tereete zin mi tuur sua pizin be tito tutu ki Mose, ton ambai.”

Lupñana biibi ta ipet su Yerusalem mi iur zaala pizin wal tau Yuda somñan i

⁶ Tabe zin ḡoṇjana mi mboronjan tilup zin, mi titiri sua tainqi. ⁷ Tinok sua ma molo, mana kaimer to Petrus imañga mi iso: “O atonjan mi tizinjan, niom kuute. Anutu, ni ipei kat yo la mazwoyom ta alok kek, mi inqo yo ma aña kizin wal ta Yuda somñan i bekena añkam uruunu ambainjana pizin. Mi zin tileñ na tiurla.◊ ⁸ Mi Anutu, ni iute iti tomtom lelende lup kek. Tanata ikam Bubuñana

◊ **15:2:** Ga 3:5,10, 5:2+; Pil 3:2+; Kol 2:16+ ◊ **15:3:** Ngo 11:18, 14:27 ◊ **15:7:** Mt 16:19; Ngo 10:9-44, 11:18

Potomŋana pizin raraate kembei ta muŋgu ikam piti na, bekena iswe kembei ni leleene ambai pizin tommini.⁹ Mbulu ta ni ikam piti mi zin, ina raraate men. Ikam ndelndelŋa som. Pa urlaŋana kizin ta ikam ma Anutu ipus zin ma lelen iŋgeeze.¹⁰ Mi ingi parei ta kusu mi koso kuur pataŋana ise kizin wal poponjan ta titoto Yesu i? Niom kere. Tumbundu bizin ta muŋgu muŋgu mi imar ma isu kit i, iti tarao be toto kat tutu? Som. Tana kere yom. Kokena kozooro Anutu ŋgar kini, to kapamalmal keteene.¹¹ Ina som. Pa iti tuurla ta kembei: Muŋainjana ki Merere Yesu ta ikamke iti. Koron toro sa som. Mi zin ta kembena tommini.”¹²

¹² Wal tana tileŋ, mi timap timaane men. To tingun talŋan pa Panabas ziru Paulus. Pa ziru tiwidit mbol pa mos pakan mi uraata bibip ta Anutu ipombol zin pa ma tikam la zin wal ta Yuda somŋan i mazwan na. ¹³ Tiso makin, to Yems imanja mi iso: “O niom tonjmatizin tio, keleŋ sua tio ti! ¹⁴ Merere, ni mataana iŋgalŋgal zin wal ta Yuda somŋan i, mi leleene be ikam zin tommini ma tiwe wal kini bekena tipakur zaana. Sua tingi poponjana piti som. Indeeŋe ta Simon ila mi ikam sua pizin wal ta Yuda somŋan i na, Anutu ikaaga zaala pizin. Ka sua ta ni ila leleene pa kat ma telen kek.¹⁵ Mi Anutu kwoono bizin tiso sua tamen tau. Pa tibeede sua ta kembei:

¹⁶ Kaimer to aŋmiili mini.

Toinabe aŋjurpe ruumu ki Dabit ta borok su lene na,

⁹ **15:8:** Ngo 10:43+ ⁹ **15:9:** Ngo 10:43; Ro 10:9+ ⁹ **15:10:** Lu 11:46; Ga 3:10 ⁹ **15:11:** Ro 3:24,28; Ga 2:16; Ep 2:5+; Tit 3:4
¹⁰ **15:14:** Ngo 15:7+

mi anjamender mini. [☆]

17 Naso ipei ḡgar kizin tomtom pakan.

To wal boozomen tau Yuda somjan ta anjroogo zin
kek be tiwe lej, nako tikam kinkiini be tiute
yo.

18 Sua tingga na, Merere kalŋaana. Itunu iswe ta
muŋgu kek.”[☆]

19 To Yems iso seeŋge. Iso: “Tana nio anje ta
kembei: Zin wal tau Yuda somjan mi ingi titooro
lelen ma tiurla ki Merere i, iti irao tuur pataŋana
biibi ise kizin sorok pepe. **20** Miso kembena, na iti
bela tebeede ro tasa ila, mi tosotaara zin pa tutu
injoi tabe tito i. Tutu ta kembei: Kini ta tipakur zin
merere pakaamjan pa i, na zin irao tikan pepe. Mi
sin mi buzur siŋjana ta kembena, irao tikan pepe.
Mi tiyaraama zitun: Kokena timolo ula ka tutu.[☆]

21 Pa ta muŋgu mi imar na, tutu ki Mose ka tomtom
bizin tirao karkari lup. Mi aigule potomŋana ta
boozomen na, tiwatwaata tutu tana ilela lupŋana
murin kizin Yuda.”

Ro ta tibeede pizin wal ta Yuda somjan i

22 To zin ḡgonjana zinjan zin mboronjan mi waen
bizin ta boozomen ta timbot lupŋana tana, tilup
lelen mi ḡgar kizin, mi tiur tomtom kizin pakan
be tiwe kwon, mibe tigaaba Paulus mi Panabas
ma zinjan tisula pa Antiok. Tana tiur Yudas ta
zaana toro Barsabas na, mi Silas. Pa ni ziru ta zin
tonmatizij ki Krisi matan ise kizin. **23** Mi tiur ro
ila kizin be tikam ma tila. Ro tana, tibeede sua ta
kembei ise:

[☆] **15:16:** Amos 9:11+ [☆] **15:18:** Yesa 45:21 [☆] **15:20:** Un 9:4;
Kam 20:3+; 1Kor 6:18, 8:7+, 10:14+; Ga 5:19+; Ep 5:3; 1Tes 4:3

“Niam ngoyana niamjan zin mborojan amkam aigule tiam ima piom tonmatizij tiam ta kombot Antiok, mi Siria, mi Silisia na. Niom ta Yuda som mi kuurla i.

²⁴ “Niam taiŋgi amlenj kembei tomtom tiam pakan tima, mi tiso sua pakan ta ikam yom ma leleyom ipata mi kakam ḥgar boozo. Tamen wal tana, niam amgo zin som. ²⁵ Tanata amlup yam, mi niam ta boozomen amyok raraate men be amur tomtom tiam pakan ma tiwe kwoyam, mi amgo zin ma tima i. Mi Panabas ziru Paulus, tomtom kiti ru ta leleyam pizin kat na, ko ziŋan tima. ²⁶ Ziru tana tizem kat zitun pa uraata ki Merere kiti Yesu Krisi, mi tiurur zitun ila zaaba kwoono pa ni zaana.◊ ²⁷ Tana niam iŋgi amgo Yudas ma Silas be tikam ro ti ma tima. Mi ziru ko tiso pa kwon tomini. ²⁸ Niam taiŋgi, Bubuŋana Potomnjana ta ikam peeze piam mi amyok raraate ta kembei: Niam ko irao amur tutu boozo piom na som. Kokena amkam pataŋana piom. Mi tutu ta tiŋgi: ²⁹ Kini ta tipakur zin merere pakaamjan pa i, na kakan pepe. Mi siŋ mi buzur siŋjana ta kembena, kakan pepe. Mi komolo ula ka tutu pepe. Tana sombe kagabiizi ituyom kat pa mbulu ta kembei, na niom ko kakam kat mbulu. Sua ta tana. Ambai. Amzem su ti.”◊

*Zin Antiok kan lelen ambai pa ro kizin
Yerusalem kan*

³⁰ Zin tomtom ta tiŋgo zin i, tisula ma tipet kar Antiok, to ziŋan zin tonmatizij tana tilup zin mi tiur ro tana ila kizin. ³¹ Beso tipaata mi tilej sua

◊ **15:26:** Ng 9:23+, 14:19; 1Kor 15:30 ◊ **15:29:** Tur 2:14, 20

pomboljana tiŋgi na, lelen ambai kat mi menmeen zin pa. ³² Yudas mi Silas, ziru Merere kwoono bizin. Tana tikam sua boozomen pizin Antiok kan bekena tipombol zin ma timender mboljana. ³³ Ziŋjan timbot pa mazwaana ri, mana kaimer to, zin Antiok kan tiur zin raama lelen ambai, mi timiili ma tisala mini kizin wal ta tiŋgo zin na. [³⁴ Tamen Silas leleene be imiili som. Tabe ziŋjan timbotmbot ta tina.]

³⁵ Mi Paulus ziru Panabas na, timbotmbot su Antiok ma moloŋana ri. Mi ziŋjan waen бизин boozomen tiparluplup zin, mi tikamam sua ki Merere pizin mi tipaute zin pa.

Paulus ziru Panabas tiparzem zin

³⁶ Timbotmbot ma Paulus isu to iso pa Panabas. Iso: “Ouo, ituru timiili ma tapa pa karkari, mi tolou waende bizin ta muŋgu tosoyaara sua ki Merere pizin na. Timbot ambai, som som?” ³⁷ Mi Panabas, ni leleene be ikam Yoan Markus ma ziŋjan tila. ³⁸ Tamen Paulus itiiri na, ambai be tikami som. Pa kena so pai mataana kana i ziŋjan tipa pa sua, mi tila tila ma uraata imap, so ambai. Mi ina som. Pa indeenje ta zin tila Pampilia mi timaŋga be tipa pa sua na, Yoan Markus izem zin, mi ila lene. ³⁹

³⁹ Tana ziru tisu ma keten malmal mi tiparzooro pa. Tabe tiparzem zin. Panabas isu na karau pa Markus, to ziru tikam woongo, mi tikwai ma tila pa mutu Saiprus. ⁴⁰ Mi Paulus, ni ikam Silas. Tana zin toŋmatizin ki Krisi tiur zin la Merere namaana, mi tisuŋ Merere be ikampe zin mi mataana pizin, ⁴¹

³⁷ **15:37:** Ngo 13:5; Kol 4:10; 2Tim 4:11; 1Pe 5:13 ³⁸ **15:38:** Ngo 13:13 ³⁹ **15:40:** Ngo 13:3

41 to Paulus ziru Silas timan̄ga ma tila mi tiwwa pa lele pakaana ki Siria ma Silisia, mi Paulus ipombolmbol lupn̄jana ki Krisi ta timbot lele tana.

16

Timoti ila ma igaaba Paulus ziru Silas

1 Paulus ziru Silas tiwwa ma tila tipet kar Derbe, to tila pa kar Listara. Kar tana, naŋgaj ta tau itoto Yesu i, ni imbotmbot. Zaana Timoti. Naana, ni Yuda nan. Mi iurla ki Krisi. Mi tamaana na, ni Grik. [✳] **2** Zin toŋmatizij ki Krisi ta timbot kar Listara mi kar Ikonium na, timap tiwidit Timoti uruuunu. **3** Tana Paulus leleene be ikami ma ila igaabi ma ziŋan̄ tila pa uraata. Tana iso mi tireeti. Ikam ta kembei paso, zin Yuda boozomen ta timbotmbot lele tana na, zin tiute Timoti tamaana ni Grik. Kokena tiyo kwon̄ pini. [✳]

4 Tona Paulus bizin timan̄ga mini pa pai. Mi tila ma tiwwa pa kar ta boozomen, mi tizzotartaara waen bizin pa sua kizin ḡoŋjana mi mboronjan ta timbot Yerusalem na. Mi tipombol zin be tito zin tutu ta zin Yerusalem kan timbol pa. [✳]

5 Tana zin lupn̄jana ki Krisi, urlaŋjana kizin izze be imbol kat. Mi aigule ta boozomen tomtom poponjan tiwedet mi tikanan la sua kizin. Tabé timasak ma tiwe boozo. [✳]

Merere iboobo Paulus be ila mi isoyaara uruunu ambaiŋjana pizin Masedonia kan

6 Paulus bizin tipa pa lele pakan ki Pirigia mi Galesia. Mi tila lele pakaana ki Asia som. Pa

[✳] **16:1:** Ngo 14:6+; 1Kor 4:17, 16:10; 2Kor 1:19; Pil 2:19+; 1Tim 1:2; 2Tim 1:2 [✳] **16:3:** 1Kor 9:20 [✳] **16:4:** Ngo 15:28+ [✳] **16:5:** Ngo 2:42+, 4:32+

Bubuñana Potomñana ipeteke zin be tikam sua pizin Asia kan pepe. ⁷ Tiwwa ma tipet lele pakaana ki Misia, to tiso tilae pa lele pakaana ki Bitinia. Tamen Yesu Bubuñana iyok pizin som. ⁸ Tana tipa pa lele pakaana ki Misia men, mi tisula tipet kar Troas.

⁹ Mbenj ta na, Paulus ikeenetondo, mi ire tomtom ta ki lele pakaana ki Masedonia imendernder. Mi tomtom tana itañroro i ma iso: “Nu tana kozo mar ta Masedonia i be uulu yam.” ¹⁰ Paulus ikeenetondo makinj, to niamjan * Paulus amanja ma kañkan pataanja be amla pa Masedonia. † Paso, amkilaala mbulu boozomen ta ipet na ta kembei: Ingi Merere iboobo yam be amsoyaara uruunu ambainjana pizin wal ta timbot lele pakaana tana.

Paulus bizin tila kar Pilipai

¹¹ Niam amse woonjo mi le isala, to amzem Troas mi amyembut ma amla mutu Samotaras. Be kozeere mini na, amla sor lela Neapolis. ¹² To ampa toono mi amlela ta kar Pilipai. Pilipai, ina kar biibi ta ki lele pakaana ki Masedonia. Mi zin Rom kan ta tiur kar tina. Amla to ambot pa aigule pakon.

¹³ Indeeje aigule potomñana kizin Yuda be keten su, to amzem kar biibi, mi amla ta yok kezeene a. Pa ina lele ta zin Yuda tiluplup su pa i be tisun. To mbuleyam su mi amkamam sua

* **16:10:** Sua “niamjan” ti iswe ta kembei: Indeeje Paulus bizin timbot Troas na, Lukas ila igaaba zin. † **16:10:** Masedonia, ina lele pakaana ta ki Yurop. Tana indeeje Paulus ila ma ikam sua pizin, ina mazwaana mataana kana ta uruunu ambainjana ila pa zin Yurop kan.

pizin moori pakan ta tilup zin su tana. ¹⁴ Zin moori tana, kizin ta zaana Lidia. Ni moori ki kar Tiatira. Mi uraata kini ta iñgomonmoono mburu ta kan mos totojan mi ambaimbaijan kat. Ni Yuda som. Mi iurla ki Anutu, mi igabgaaba zin Yuda pa sunjana kizin. Ilenlej sua ki Paulus na, Merere ikam uraata pa leleene ma iurla. ¹⁵ Tana ziñan wal kini ta timbot ruumu kini na, timap ma tikam yok. Mana iso piäm. Iso: “Niom sombe kere kembei anjurla kat ki Merere, na kamar tala ruumu tio.” Itunu imañmaj yam, to niamñjan amla ruumu kini. ¹⁶

Tiur Paulus ziru Silas lela ruumu sanaana

¹⁶ Indeeñe aigule ta na, niam amsombe amla mini pa sunjana muriini tana. Tana amla na amse ki moori ta ni mbesooño sorok. Moori tana, ni irao iswe koron turkejan pakan. Pa bubuñana sananñana iru pini tau. Mi pat ta ni ikamam pa uraata kini tana na, sorok som. Mi pat tana, ni ikamam mi iurur la kizin bibip kini. ¹⁷ Moori tana ire yam, to itokelkeele yam, mi iboboobo ma iso: “Ai, kere. Wal ti, zin mbesooño ki Anutu kor kana kat. Iñgi timar be tiso yom pa zaala tabe Anutu ikamke yom pa i.” ¹⁸ Inoknok ta kembei pa aigule boozoñana ri. Tabé Paulus ileñ ileñ ma keteene malmal, to itoori mi injasaara bubuñana sananñana tana. Iso: “Hai! Nio anjur sua pu pa Yesu Krisi zaana. Zem moori tina mi yooto ta buri.” To bubuñana sananñana iko pa moori pataaña. ¹⁹

¹⁶ **16:14:** Lu 24:45; Yo 6:44; Ngo 13:48; 2Tes 2:13+ ^{16:15:} Ngo 16:33, 18:8; 1Kor 1:16 ^{16:17:} Mk 1:24,34 ^{16:18:} Mk 16:17; Ngo 5:16, 8:7

19 To zin bibip ki moori tana keten malmal kat pa Paulus ziru Silas. Pa tire kembei zaala kizin ta tikamam pat pa i, ina imun kek. Tana tikam zin, mi tiyaaru tataata zin ma tila kar keteene be tipamender zin ila zin bibip matan. **⊕ 20** Tikam zin ma tila zin peeze kan keran uunu, to tingal sua pizin. Tiso: “Wal tinggi, zin Yuda. Mi timar kar kiti ma tikamam mbulu boozo ta ipasaana mboti ki kar. **⊕ 21** Mi timolo tutu kiti tomini. Pa tipesese zin tomtom be tikam mbulu pakan ta iti Rom kanda irao takam som.”

22 Iwal biibi tileŋ sua tana to, tigaaba zin mi tiŋa ziru. Zin peeze kan timaŋga na tiso ma tiraaza mburu kizin be tibalis zin. **23** Tona tikam teene mi tibalis zin ma ruŋgun isaana kat. Mana tila tipiri zin lela ruumu sanaana. Mi tiur sua pa menderŋana ta imborro kataama i ta kembei: Sombe ikotkaala kataama, na bela namaana tuŋ pa. **⊕ 24** Ni ilen, to ikam zin mi ipiri zin lela ruumu leleene kat. Mi kumbun ma naman tiloondo pa ke patanpatan ta bibip i, mi tiponjee.

25 Indeenje mben̄ lukutuunu na, Paulus ziru Silas tizuŋzuŋ mi timbombo mboe pa Anutu. Mi wal pakan ta ziŋan timbotmbot lela ruumu sanaana na, tingun talŋan mi tileŋleŋ zin. **⊕ 26** Molo som na, toono ikam kat. Yeŋyeenje biibi kat itok ruumu sanaana ma ka kataama ta boozomen tikaaga lup. Mi re ma koron̄ ta tiwoo zin pa na, titoptop lup pa naman ma kumbun. **⊕ 27** Menderŋana ta imborro zin i, ikenne. Beso burup ma imaŋga be mataana

⊕ 16:19: Ngo 19:25+ **⊕ 16:20:** Ngo 17:6 **⊕ 16:23:** 2Kor 6:5, 11:23+; 1Tes 2:2 **⊕ 16:25:** Mbo 119:62; Ep 5:19 **⊕ 16:26:** Ngo 5:19, 12:7+

ila na, kataama ta munjaana men, ta kakaagaajan men. Tana iso ko zin tomtom tiko ma tila len lup kek. Tabé ñgelbuk ikami, to ipas buza kini, mi iso ikuruumu itunu ma kup. ²⁸ Tamen Paulus loja kaljaana biibi ma iso pini. Iso: “Ai! Pasaana itum pepe. Niam munjoyam ta ambotmbot i.”

²⁹ To menderjana tina iso ma tikam kai imar bekena lele mat. Mi wis ma ila kizin, to itop su Paulus ma Silas kumbun uunu. Pa motojana biibi ikami tau. ³⁰ Mana ikam zin ma tiyooto, mi iwi zin. Iso: “Bibip tio, ingi ko aŋkam parei mi Anutu ikamke yo ma anbot ndabok?” [◊]

³¹ Ziru tiso pini. Tiso: “Urla ki Merere Yesu. Naso ni ikamke u mi zin wal ta niomjan kombot ruumu ku na tomini.” [◊] ³² To ziru tikam sua ki Merere pini mi wal boozomen ta ni ziyan timbot ruumu kini na. ³³ Mbeŋ tamen ta tina, ni ikam ziru mi inguuru zaaba kwon murinmurin, mi ni ziyan wal kini ta boozomen tikam yok. [◊] ³⁴ To ikam Paulus ziru Silas ma tisala tikan kini ta ruumu kini. Mi ni menmeeni kat. Paso, ziyan wal kini, ta ingi tiurla ki Anutu i. [◊]

³⁵ Aigule toro, zoŋ ise na, zin bibip ki kar tinggo menderjan pakan ma tila ruumu sanaana mi tiso: “Wal ru tina, kozo zem zin ma tila len.”

³⁶ To menderjana ta imborro kataama i, ila ma isotaara Paulus pa sua tana. Iso: “Zin bibip tiso mar ta kembei: Niomru Silas irao kala leyom. Tana ingi aŋzem yom i. Niomru kala raama leleyom ambai!”

[◊] **16:30:** Lu 3:10, 10:25; Ngo 2:37 [◊] **16:31:** Yo 3:16,36, 6:47; 1Yo 5:10+ [◊] **16:33:** Ngo 2:41, 16:15, 18:8; 1Kor 1:16 [◊] **16:34:** Ngo 13:52; Ro 14:17; Ga 5:22; 1Pe 1:8

³⁷ Tamen Paulus iso pizin menderjan ta timar na ma iso: “Na na som. Zin bibip tina timolo tutu ki Rom kek. Pa niamru ti, tomtom ki Rom. Mi zin titiiri kat uunu tiام som, mi tibalis yam sorok ila iwal biibi matan. To tipiri yam sorok ilela ruumu sanaana. Mi ingi tisu mini ma tiso tiser yam ki kejana? Irao amlen zin na som. Bela zitun timar ta ti, mi tikam yam ma amla.” [◊]

³⁸ To zin menderjan tila mi tisotaara zin bibip pa sua ki Paulus. Beso tileŋ kembei Paulus ziru Silas, zin tomtom ki Rom, to timoto kan. ³⁹ Tana zitun tila ma zinjan tiurpe lelen, tona tikam ziru ma tiyooto, mi tiwi zin be tizem kar tana.

⁴⁰ Ziru tizem ruumu sanaana mi tila, to kaŋkanj pa ruumu ki Lidia. Tila tina to, tindeenje tonjmatizinj pakan ta ki Krisi i. Mi tipombol zin pa sua pakan, tona tizem zin ma timbot, mi ziru tila len.

17

Paulus ziru Silas tila ta Tesalonika a

¹ Paulus ziru Silas tipa ma tila pa kar Ampipolis ma kar Apolonia, to tizem mi tila kar Tesalonika. Mi kar tina, lupnjana muriini kizin Yuda ta imbotmbot. ² Tana Paulus ito mbulu kini, mi ikoŋuru lupnjana muriini tana. Ni imbotmbot kar tina pa wlk tel. Mi aigule potomjan ta boozomen tau zin Yuda keten su pa i, na ni ilelala lupnjana muriini kizin, mi ikamam mos pa Anutu sua kini, mi itomtoombo be ipei ḥgar kizin. ³ Ziŋjan wal kar kan tizzo sua, mi ni iwesweeze kat sua ki Anutu ta iso pa Mesia bela ire yoyouŋjana mi imeete, to imaŋga mini pa naala. Mi iso sua tana iur ḥnoono se ki

[◊] **16:37:** Ngoo 22:25

Yesu. Tana iso pizin mi iso: “Kelenj. Yesu ta aŋzzo yom pini i, ni Mesia tau.” ⁴ Tomtom kizin pakən tileŋ sua tingi na, tire kembei sua ḷonoono. Tana tila ma tigaaba Paulus ziru Silas. Mi zin iwal biibi ki Grik ta tiurla ki Anutu mi tigabgaaba zin Yuda pa sunjana kizin i, ziŋan zin moori zanjan pakən, ta tila tigaaba zin tomini.

⁵ Tamen zin Yuda tire iwal biibi timokor la kizin, to matan mburmbur. Tana tila tiyo tomooto sananjan pakən ta tiwwa len sorok i ma tilup zin, mi timaŋga be tikuru zin kar kan lelen. Be molo som na, ororo biibi isala. To wis ma tila Yason ruumu kini, be tiru Paulus ziru Silas. Beso tindeneŋ zin ma inŋgi, to tiso tikam zin ma tipamender zin ila iwal biibi matan. ⁶ ⁷ Tamen tila tiru zin ma som. To tiyaaru tataata Yason mi toŋmatizin pakən ta ki Krisi i, mi tikam zin ma tila kizin peeze kan ki kar. Mi kalŋan izalla ma tiso: “Wal ta Yason ikam zin ma tila timbot ruumu kini na, tipa pa lele ta boozomen mi tipesese zin tomtom be tikam mbulu bozboozo. Mi inŋgi buri timar tipet kar kiti i. Wal tana tizorzooro tutu tau biibi itunu ḷonoono ki Rom iur na. Pa tisombe king toro imbotmbot tomini. Zaana Yesu.” ⁸ Inŋgi tipiri sua tingi ila, to zin iwal biibi ziŋan zin peeze kan ki kar timaŋga ma tikam ororo biibi pa. ⁹ Tona zin peeze kan tiso pa Yason ziŋan waene bizin ma tikam pat pakən ma ila imbot kizin bekena ipamoto zin. Beso tikam mbulu toro sa mini som, to pat kizin imili. Tingiimi makinj, mana zin peeze kan tizem zin ma tila.

⁴ **17:3:** Lu 24:26,45+; Ngō 3:18, 18:28 ⁵ **17:5:** Ngō 13:45; Ro 16:21; 1Tes 2:2,16+ ⁶ **17:6-7:** Lu 23:2; Yo 19:12; Ngō 16:20

Paulus ziru Silas tila kar Berea

¹⁰ Timbot ma mbeñ to, zin toñmatizij ta ki Krisi i karau men mi tiur Paulus ziru Silas ma tila pa kar Berea. Ziru tila tipet na, kañkaj ma tila pa lupñana muriini kizin Yuda. ¹¹ Zin Yuda ki Berea na, ñgar kizin ambañana. Tiliplip pizin Tesalonika kan. Pa tingun talñan pa sua, mi lelen ilip be tikam kat ka uunu. Tana aigule ta boozomen tiwatwaata sua ki Anutu, mi titirtiiri sua ta Paulus izzo na: Ko sua kini ñonoono, som som? [◊] ¹² Tabe zin Yuda boozo tiurla. Mi zin Grik nan ta zanjan na, ziñan tomooto pakan tiurla tomini.

¹³ Beso zin Yuda ta ki kar Tesalonika tileñ Paulus uruunu kembei ikamam Anutu sua kini isu kar Berea tomini na, timar be tikuru zin iwal lelen mi tipese zin. ¹⁴ Tamen zin toñmatizij ta ki Krisi i loña men mi tiur Paulus ma ipera lene tai. Mi Silas ziru Timoti na, timbot men Berea. ¹⁵ Zin tau tiur Paulus na, ziñan tipa ma tila ta kar zaanañana Atens a. To Paulus iso pizin ta kembei: “Kimiili ma kala mini pa Berea, to koso pa Silas ma Timoti be loña timar.”

Paulus imbot kar biibi Atens

¹⁶ Indeeñe Paulus imbotmbot Atens mi inama-naama Silas ziru Timoti na, keteene malmal mi leleene ipata biibi kat. Pa irre la pa kar lene na, bok kat pa merere pakaamjan kunun. ¹⁷ Tana ni ilelala lupñana muriini kizin Yuda, mi ziñan zin Yuda mi wal pakan ta tiurla ki Anutu mi tigab-gaaba zin Yuda pa suñjana kizin na, tizzo sua. Mi aigule ta boozomen na, ziñan zin wal ta timarmar pa nol muriini i tomini, ni ziñan tizzo sua.

[◊] **17:11:** Yo 5:39

¹⁸ Zin wal ḡgarñjan tau tipaute zin tomtom pa ḡgar bibip i, timbot la uunu ru. Ta, tipaata zin be Epikurean. Mi uunu toro na, tipaata zin be Stoik. Ina zin tomimi ziyan Paulus tiparzorzooro. To pakan timaṅga mi tiparso pizin ma tiso: “A, niom kere. To na, iyyo kwoono paso? Ina sa ileŋ la kizin wal pakan, ta izzo na.” Mi pakan tiso: “E-e, ingi ko isombe ikam ma tuurla kizin merere sorok ta kizin wal pakan.” Tiso ta kembei paso, Paulus izzo pa uruunu ambaiñana ki Yesu mi manañjana kini tau.

¹⁹ Tabé timaṅga mi titeege lae pini, to tikami ma tila pa lupñana kizin biibi ta zaana Areopagus na. To tiso pini. Tiso: “Lak, niam leleyam be amkam kat sua ta nu zzo pa na. ²⁰ Pa koron pakan ta amlen nu zzo i, ina poponjana piām. Tana leleyam be nu so mini mi amkam kat ka uunu.” ²¹ Pa zin tomtom ki Atens mi zin leembe ta timbotmbot tana na, re beso tileŋ sua poponjana sa ta buri ipet i, na irao tilae timaare som. Timap ma kwon itekteege len mi timbombooren.

Mos ta Paulus ikam pizin Atens kan

²² To Paulus imanja mi imender la lupñana tana matan mi iso: “O niom tomtom ki Atens, nio anjkilaala yom kembei niom kosombe kembeeze kat pizin merere ta boozomen. ²³ Pa aŋwwa pa kar lene ti, mi aŋrre zin koron tau kuzuŋzun pizin i na, aŋdeeŋe artaal ta. Mi bude ta imbot se i, ina iso ta kembei. Iso: ‘Merere ta niam amute zaana som, ta ampo artaal ti pini.’ Lak, Merere soñana? Ni tau niom kuute i som mi kuzuŋzun pini i, ta nio aŋzoyaryaara uruunu piom i.

24 “Ni Anutu ta iur toono mi koroŋ ta munŋaana men ta timbot pa. Saamba mi toono katuunu ta ni. Mi urum suŋjana kana ta tomtom zitun tiwwo pa naman na, ni imbotmbot pa som. ☀ **25** Som ni iru sokorei bekene tomtom tikam pini? Som. Pa ni itunu, ta ikam ma tomtom ta boozomen matan yaryaaranjan, mi ikam koroŋ ta munŋaana men pizin. ☀ **26** Munju kat, ni iur tomtom tamen ɻonoono. To tomtom tamen ɻonoono tina, ta tomtom ta boozomen un tipet pini, mi timasak ma tiraō toono ta boozomen. Mi munju kek, ni itunu ɻgar kini mi leleene iur pa lele pakaana boozomen tabe tomtom timbotmbot pa. Mi iur len mazwaana be timbot su toono kizin kizin. ☀ **27** Anutu ikam ta kembena bekene ipei ɻgar kizin tomtom ma tikam kinkiini be tiute i. Mi iti kembei tomtom mata pisŋana ta izoromrom kosa sa be ikam. Tamen Anutu, ni imbot molo pa tomtom sa som. ☀ **28** Pa pai kitī mi mboti kitī ta tombot su toono tingi na, iti tombot se kini men tau. Mi ina kembei ta tomtom tiom mboe kan pakan tisombe: ‘Iti ta boozomen na, Ni lutuunu bizin.’ ☀

29 “Tana sombe Anutu lutuunu bizin iti, na irao takam ɻgar ma toso ni kembei koron kunun ta tomtom tiurpewe pa pat milmilŋan na som. Pa Anutu ɻonoono na, ni kembei merere soroksorok ta tomtom matan iur, mi zitun tikam mos pa naman keteene na som. ☀

30 “ɻonoono, munju zin tomtom kembei matan munŋan ma tiute i som. Tanata Anutu ingal matan

☀ **17:24:** Un 1:1+; Ngo 7:48+, 14:15 ☀ **17:25:** Mbo 50:10+

☀ **17:26:** Un 2:7 ☀ **17:27:** Mbo 145:18; Ro 1:20 ☀ **17:28:**

Kol 1:17; Ibr 1:3 ☀ **17:29:** Yesa 40:18+; Ro 1:22+; Ngo 19:26

pa sanaana kizin som. Mi koozi, ni iur sua pizin tomtom boozomen ta timbot irao lele ta munjaana men be tizem kat mbulu kizin sananjan mi titooro lelen. ³¹ Pa ni itunu iur nol pataanja kek be itiiri iwal ta timap timbot su toono ti pa mbulu kizin mi iur kadoono pizin. Mi kadoono tabe ikam pizin i, ko indeeŋe men. Mi tomtom ta, Anutu iuri ma zaana imender pa uraata tana kek. Mi iwal ta munjaana men tirao be tikilaali paso, ni, Anutu ipei i ma burup ma iman̄ga pa naala kek.” ³²

³² Indeeŋe ta tileŋ Paulus kwoono la pa sua lwoono tau “burup ma iman̄ga pa naala kek” na, tomtom kizin pakan tiseenje pini. Mi pakan na, tiso pini ma tiso: “Kozo kaimer to so sua tana mini ma amlen̄.” ³³ To Paulus izem zin mi ila. ³⁴ Mi tomtom pakan tiurla, tana tila tigaabi. Zin ta tito i njan na, kizin ta zaana Dionisis. Ni tomtom ki lupn̄ana biibi tana. Mi moori ta, zaana Damaris, ni iurla tomini. Mi zin pakan.

18

Paulus ikam uraata su kar Korin

¹ To Paulus izem Atens mi ila kar Korin. ² Ila to indeeŋe Yuda ta. Zaana Akwila. Ni, naana ipeebi su lele pakaana ki Pontus. Mi waene zaana Prisila. Ziru timbot Itali mi timar. Pa Klodias, ta Kaisa ki Rom na, iur sua be zin Yuda ta timbotmbot kar biibi Rom na, timap ma tizem Rom mi tila len. ³⁵

³ Paulus ila be ire ziru, to zinjan timbotmbot mi tikamam uraata pa mbili kulin ma koron, be tisese

³⁰ **17:30:** Lu 24:47; Ngo 14:16; Ro 3:25; Tit 2:11+ ³¹ **17:31:** Mbo 9:8, 96:13; Ngo 2:24, 10:42 ³² **18:2:** Ro 16:3; 1Kor 16:19; 2Tim 4:19

ma iwe kembei ta sel. Pa uraata ta ziru waene tikamam, ina Paulus uraata kini tomini be ikam le pat. ⁴ Mi aigule potomjan ta munjaana men tau zin Yuda keten su pa i na, Paulus ilelala lupjana muriini kizin, mi ziñan zin Yuda mi zin Grik tizzo sua. Pa iso ikam zin ma tiurla.

⁵ Indeenje Silas ziru Timoti tizem Masedonia mi timar tipet na, Paulus izem uraata ta ikamam pa mbili kulin na, mi mataana ingalngal sua kamjana men. Ni izzokatkat pizin Yuda ta kembei: Mesia kizin na Yesu tau. ⁶ Tamen zin tizorzoori mi tiwirri sua sanannjan boozo pini. Tabe itir ululu pa mburu kini ma isu pizin, mi iso la nin. Iso: “Ambai. Mi sombe kala leyom, na niom uunu tiom tau. Mi kuur mar tio pepe. Ingi buri be anjzem kat yom, mi anja kizin wal ta Yuda somjan i.” ⁷

⁷ To izem zin, mi ila imbot ki Titius Yastus. Ni Yuda som. Mi iurla ki Anutu mi igabgaaba zin Yuda pa sunjana kizin. Mi ruumu kini igarau lupjana muriini kizin Yuda. ⁸ Mboronjan mataana kana ta ikamam peeze pa lupjana muriini tana, ni zaana Krispus. Ni ziñan zin wal ta timbot ruumu kini na, timap tiurla ki Merere. Mi zin men som. Tomtom boozomen ki Korin ta tileñlen sua na, tiurla mi tikam yok. ⁸

⁹ Mbeñ ta na, Paulus ikeenetondo, mi ire Merere ipet kini ma iso: “Moto kom pepe, mi maane pa sua pepe. Tekteege sua ta kembena. ¹⁰ Pa nio arbotmbot raamu. Mi tomtom sa ko ikam malmal pu be ipasaanu na som. Pa kar ti, ingi nio wal

⁴ **18:3:** Ngo 20:34; 1Kor 4:12; 1Tes 2:9; 2Tes 3:7+ ⁵ **18:6:** Ezek 33:7+; Mt 10:14+; Ngo 13:46; Ro 1:16 ⁶ **18:8:** Ngo 16:15,33; 1Kor 1:14 ⁷ **18:9:** Ngo 23:11; 1Kor 2:3

tio boozomen ta timbotmbot i.” ¹¹ Tana Paulus imbot kar Korin ma irao ndaama ta mi pakaana, mi ikamam sua ki Anutu pizin.

¹² Indeeňe ta Galio imborro lele pakaana biibi ki Akaia na, zin Yuda tilup lelen mi timaňga pa Paulus. To tikami ma tila tipamenderi ila Galio mataana. ¹³ Tila to tiso: “To ti, ni ipandelndel zin tomtom, mi iso ikam be itoro zin ma tito zaala popoňana pa suňjana ta tikamam pa Anutu i. Tana ni ikamam zooroňana pa tutu ki Rom.”

¹⁴ Paulus be kwoono ikaaga pa sua. Som mi, Galio iso pizin Yuda. Iso: “Niom Yuda keleň. Sombe tomtom ti ikam mbulu sananjana ñonoono sa tabe kakami ma kamar pa i, so irao aňleň yom mi itiňan tuurpe. ¹⁵ Mi ingi niomjan kaparzooro pa sua mi tutu tiom Yuda men, mi tomtom zan ma koroň ta kembei. Tana niom ituyom kuurpe. Pa nio leleň be aňtiiri sua sorok ta kembena som.” ¹⁶ To iser zin ma tipera mat. ¹⁷ To iwal biibi timaňga pizin mi tipun Sostenes pataanja isu sua urpeňana muriini tana. Pa ni ta imborro lupňana muriini kizin Yuda isu kar tana. Tikamam na, Galio mataana ila pizin risa som.

Paulus imili mini ma ila pa kar Antiok ta Siria a

¹⁸ Paulus ziňan zin toňmatiziň ki kar Korin timbot ma moloňana ri, mana iteege naman mi izem zin. Pa isombe imili ma ila lele pakaana ki Siria mini. Mi Prisila mi Akwila tigaabi. Tizza woongó su kar Kenkrea, mi tipup Paulus ute ruunu ma isu lene. Pa ina iwe kilalan pa sua mboljana ta ni

¹¹ **18:10:** Mt 28:20; Yo 10:16 ¹² **18:15:** Yo 18:31; Ng 23:29, 25:18+

imbuk pa Anutu na. Mana woongo ilela be ikam zin. [◊]

¹⁹⁻²¹ Tkwai ma tila tipet kar Epesus, to Paulus ilela lupnjana muriini kizin Yuda ma ziyan zin Yuda tiparzorzooro pa sua. Zin Epesus kan tiso tiruuti be ziyan timbot ma molonjana ri. Tamen ni ipiyar. To iteege naman mi iso pizin. Iso: “Anutu itunu tau. Sombe leleene be aŋmili ma aŋma tiom mini, nako kena.” Iso ta kembei, mi kej se woongo mini be ila pa Sisarea. Mi Prisila ziru Akwila na, timboren Epesus. [◊] ²² Paulus ila ipet kar Sisarea, to kaŋkaŋ ma isala Yerusalem be ire lupnjana ki Krisi ma ziyan tiso sua ri. Mana isula mini pa kar Antiok.

Paulus imanya pa pai kini ta iwe tel pa

²³ Ni imbot molonjana ri isu Antiok, mana imanya mini pa pai ma iwwa pa lele pakan ki Galesia mi Pirigia, mi ipombolmbol zin wal ki lele tana ta titoto Yesu i.

Apolos ikam Anutu sua kini isu kar Epesus mi Korin

²⁴ Yuda ta, ni imar kar Epesus. Zaana Apolos, mi kar kini Aleksandria. Mi ni tomtom ŋgarjana mi kwo suanjana. Mi ikam kat ŋgar pa sua ki Anutu.

²⁵⁻²⁶ Ni, tipaute i pa zaala ki Merere kek. Tana sua kini ta izzo pa Yesu na, indeŋdeeŋe men. Mi izzo katkat sua raama leleene, mi ikamam sua mbolnjana pizin tomtom. Tamen iute yok kamjana ki Yoan men. Tana imanya be ikam sua lela lupnjana muriini kizin Yuda, mi Prisila ziru Akwila

[◊] **18:18:** Nam 6:18; Njo 21:24 [◊] **18:19-21:** Ro 1:10; 1Kor 4:19; Ibr 6:3; Yems 4:15

tileñi, to tikami ma tila ruumu kizin, mi tisope i pa zaala ki Anutu bekena iute kat.

²⁷ Apolos, ni leleene be ila lele pakaana ki Akaia tomini. Mi zin tonmatizin ki kar Epesus tiso tipomboli. Tana tibeede ro ta ila kizin Akaia kan ta titoto Yesu i, mi tisotaara zin be tiur matan pini. Beso ila ipet to tikami. Apolos ila ipet Akaia na, iuulu kat zin wal ta Anutu ikampe zin ma tiurla kek na. ²⁸ Pa ni izzwe katkat sua ki Anutu pizin tomtom. Mi zinjan zin Yuda tiparzorzooro ila iwal biibi matan, mi imendernder mboljana mi ikototo zin. Tabe ikam ma tomtom tikilaala ta kembei: Yesu, ni Mesia. ²⁹

19

Paulus ikam Anutu sua kini isu kar Epesus

¹ Indeeñe Apolos imbotmbot kar Korin na, Paulus iwwa pa karkari ta timbotmbot abal uteene na, mi ipombolmbol zin urlajana kan ma ila ila ma isula kar Epesus. Ila mi indeeñe wal pakan ta titoto Yesu i, ² to iwi zin. Iso: “Parei, indeeñe ta niom kuurla na, kakam Bubuñana Potomjana tomini, som som?”³⁰ Mi zin tipekel ma tiso: “E-e, niam amleñ sua sa pa Bubuñana Potomjana som.”

³ Paulus iso: “Ambai. Mi yok kamjana pareinjana ta tikam piom na?” To tiso: “Yok kamjana ta ki Yoan na.”³¹

⁴ Tabe Paulus iso: “Yok kamjana ki Yoan, ina iwe kilalan pizin wal ta titooro lelen mi tizem sanaana kizin. Mi Yoan iso pizin tomtom be tiurla ki

²⁹ **18:27:** 1Kor 3:6 ³⁰ **18:28:** Ngo 9:22 ³¹ **19:2:** Yo 7:39; Ngo 2:38, 8:16, 10:44 ³² **19:3:** Mk 1:4; Ngo 1:5

tomtom toro tabe imar pa kaimer na. Mi ina Yesu tau.”⁵ ⁵ Tileñ na, tikam yok pataanja pa Merere Yesu zaana. ⁶ Mi Paulus iur namañaña isalakaala zin, to Bubuñana Potomjana imar isalakaala zin lup. To timaŋga na, tiso sua ila karkari kalŋan, mi tiwe Anutu kwoono ma tiso kalŋaana pizin tomtom.⁶ ⁷ Zin tomooto tana ko kembei laamuru mi ru sa.

⁸ Mi puulu tel, ta Paulus ziŋjan zin Yuda tiparzorzooro pa Anutu peeze kini lela lupŋana muriini kizin. Ni imototo som. Kwoono imbol mi izzokatkat sua. Pa iso ikam zin ma tiurla. ⁹ Tamen zin pakan na, njgar kizin imbol. Tabe tiurla som, mi tipiri sua sanannjana pa Merere zaala kini ila iwal biibi matan. To Paulus izem zin, mi ikam zin wal ta titoto Yesu i ma tila. Mi aigule ta boozomen ziŋjan tiluplup zin lela ruumu biibi ki Tiranus, mi tizzo sua.¹⁰ ¹⁰ Tikamam ta kembei ma irao ndaama ru. Tabe zin Yuda mi Grik ta timbot lele pakaana biibi ki Asia na, timap tileñ Merere sua kini.⁸

Seba lutuunu bizin

¹¹ Anutu ipombolmbol Paulus ma itortoro mos mburannjan ma tiwedet. Mos tana tipa ndel kat.¹¹

¹² Ikamam ma sombe koronj kini rijariŋa kembei ta kawaala kini pakanpakan na ila ise wal meteŋjan, to nin ndabok. Mi zin tau bubuñana sanannjan tiru pizin na, tiyotyooto pizin ma nin ambai.¹²

¹³ Zin Yuda pakan ta tizirziiri bubuñana sanannjan na, zin timbotmbot i. Mi tiwwa ma

⁵ **19:4:** Mt 3:11+ ⁶ **19:6:** Ngo 2:4, 8:17, 10:44+ ⁷ **19:9:** 2Kor 6:14+ ⁸ **19:10:** Kol 1:6 ⁹ **19:11:** Ngo 5:12+, 14:3; 2Kor 12:12

¹⁰ **19:12:** Mk 16:17+; Ngo 5:15

tiso tiziiri bubuñana sanannjan pizin tomtom pa Merere Yesu zaana tomini. Tana tizzo sorok pizin bubuñana sanannjan ta kembei: “Yesu ta Paulus izzoyaryaara uruunu i, ta nio aŋmender se ni zaana mi aŋjur sua piom be koyooto.”¹⁴ Mi Yuda ta, zaana Seba. Ni biibi ta kizin patoronjana kan na, lutuunu bizin lamata mi ru ta tikamam ta kembei tomini.

¹⁵ Tamen aigule ta na, tikam ta kembei, mi bubuñana sanannjana ipekel kalŋan ma iso: “Yesu, nio aŋute i. Mi Paulus na, aŋleŋleŋ uruunu. Mi niom tina na, aŋkankaana piom.”¹⁶ To tomtom tau bubuñana sanannjana izeebi na, imanja mi ipun zin ma rungun isaana. Pa mburaana ilip kat pizin. Mi iraraaza mburu kizin ma isu lene lup. To timanja na tiko pa ruumu tana ma tila len.

¹⁷ Zin Yuda ma zin Grik ta boozomen ta timbot kar Epesus na, tileŋ urun, to motoŋana biibi ikam zin, mi tiwidit Merere Yesu zaana ma isala ta kor a. ¹⁸ Mi wal urlajan boozomen timar ma tizzwe mbulu kizin sanannjan ila iwal matan. ¹⁹ Mi wal boozomen ta tikamam naborou na, timar raama ro kizin ta naborou kan sua izze i. To iwal biibi tirre, mi tiswiri sala you ma ikan ma imap. Beso titoombo tirobon ro kizin tana kadoono na, sorok som kat Ko irao kembei pat milmilŋan 50,000 ma ingi. ²⁰ Ina zaala tana ta Merere ipombol sua kini ma irak ma irao lele. Pa sua iloondo raama mburaana. Tabe zin wal ta tiurla i, timasak ma tiwe boozo.

²¹ Uraata ti ilae, mana kaimer to Bubuñana ipazal Paulus, mi ni ikam ŋgar be ipa ma ila pa

¹⁴ **19:13:** Mk 9:38 ¹⁵ **19:15:** Mk 1:34

lele pakaana ki Masedonia ma Akaia, tona imili mini pa Yerusalem. Mi ikam ḥgar ta kembei. Iso: “Anja tingga mun̄gu, mi kaimer to ko anja anje zin Rom kan tomimi.”²² Tana iŋgo Timoti mi Erastus, gaabaŋana ru ta tiuluuli pa uraata i, be timuuŋgu ma tila Masedonia. Mi ni imbot ḥana ri isu lele pakaana ki Asia.

Malma biibi ipet su Epesus

²³ Indeeňe mazwaana tana, Merere zaala kini iwe uunu pa malma biibi ma ipet su kar Epesus.²³

²⁴ Tomtom ta, ni zaana Demitrius. Ni uraata kini be iurpewe zin koron pa pat silba. Mi koron ta, ta ni iurpewe zin na, ina urum ki merere Artemis kunun. * Zin uraata kan kini timbelmbel pat kamnjana pa koron ta tana. ²⁵ Tana Demitrius iboobo zin uraata kan kini ma timar, mi ziŋan tomtom pakan ta uraata kizin raraate na, tilup zin. To imanja na iso pizin.

Iso: “Ou, niom kuute, iti uraata kiti tingga ta tayaryaaru pat boozo pa i. ²⁶ Mi Paulus tana, niom ituyom kere i mi keleŋi lup kek. Ni kwo mboljana, mi inoknok sua ta kembei: ‘Merere kunun ta tomtom tiurpe pa naman na, ina Merere ḥonoono som.’ Tana ipandelndel zin Epesus kan boozo ma titoro zin kek. Mi iŋgi be ikam Asia ka tomtom bizin ma timap i.²⁷ Tana anso kere iti kek? Pa iŋgi be toporou sala pataŋana i. Pa to tana ko ikam ikam ma tomtom tirepili uraata kiti. Mi tina men som. Ko ikam pataŋana pa merere kiti

* **19:21:** Ro 1:11+, 15:23 * **19:23:** 2Kor 1:8+ * **19:24:**
Artemis, ni merere pakaamjana kizin Grik. Mi ni moori. * **19:26:**
Mbo 115:4; Yesa 44:10+; Ngo 17:29; Tur 9:20

zaanañana Artemis tomini. Pa ina kola ikam ma urum kini iwe koronj sorok. Mi Artemis zaana ta kembena. Koozi zin iwal biibi ki Asia mi toono ta boozomen tipakuri. Tamen Paulus ko ikam ma iwe koronj sorok.”

²⁸ Zin tileñ sua tana, to ipas keten ma tau timan̄ga ma kaljan izalla ma tiso: “Artemis, ni merere kiti Epesus. Ni ta zaana biibi tau!”

²⁹ Molo som na, ororo isala ma irao kar biibi. To keten malmal mi titeege lae pa Gaius ziru Aristakus. Pa zinjan Paulus tiwwa tau. Wal ru tina, zin Masedonia kan. Karau lae pizin mi tiyaaru tataata zin ma tila lele tau iwal biibi tiluplup zin su pa i. ³⁰ Paulus, ni iso ila ipet iwal biibi matan be iso sua pizin. Tamen wal pakan ta titoto Yesu i tipeteke i. ³¹ Mi guraaba pakan ki Paulus ta timborro lele pakaana ki Asia na, zin tomini tipeteke la pini be ila iso runguunu pizin iwal biibi tana pepe.

³² Mi iwal biibi ta timbotmbot na, tikamam ororo ma kaljan izalla ta kor a. Tomtom pakan kaljan izalla pa koronj ta, mi pakan tizzo len sorok pa sua toro. Pa zin boozo ta timer tilup zin na, tiute lupñana tana ka uunu som. ³³ To zin Yuda timan̄ga na tipusuk Alisande ma ila ta mataana a. Mi tomtom pakan tire i, to tiso ko ni ta iwe uunu pa malmal tana. To Alisande iur namaana pizin iwal biibi be lele ikam kinj mibe isope zin. ³⁴ Tamen zin matan ila na, tikilaali kembei ni Yuda. To tilup kwon mi kaljan isala ta kor a. Tiso: “Artemis, ni merere kiti Epesus. Ni ta zaana biibi tau!” Tinoknok ta kembei ma irao mazwaana molonjana ri.

35-36 Tana kuskus ki Epesus iman̄ga, to zin timaane mi tingun taljan pini. To ni iso: “O niom tomtom ki Epesus, toono ta boozomen tiute iti makin̄. Iti tingi ta tomborro merere zaananjana Artemis urum kini ramaki kunuunu ta imbot saamba, mi itop ma isu na. Tomtom sa irao izooro iti pa koron̄ taingi na som. Tana kakam mbulu kankaananjana pepe. Kamane! **37** Pa wal ta kakam zin ma timar i, zin tipasaana urum ka kosa sa som. Mi tikam sua repiiliñana sa pa merere Artemis som. **38** Sombe Demitrius mi waene bixin ta ziñan tikamam uraata na len sua sa pa tomtom sa, na irao timbot ma ni ka aigule. Pa zin bibip ki titirtiiri sua i, ta timbotmbot i. Tana zin irao tila kizin, to ziñan tiurpe sua. **39** Mi sombe sua pakān sa ta leleyom be koso, na kuur la lupñana ki kar namaana be titiiri mi tiurpe. Naso koto tutu kiti. **40** Pa koozi iti tososor pa mbulu kek. Tere na, ororo tingi ka uunu sa som. Mbulu ta koozi kakam na, sombe tiwi iti pa ka uunu, ko tepekel be parei?” **41** Tana iso makin̄, mi kaimer mana iso: “Kala leyom!” To timureege ma tila len.

20

Paulus ila ire zin Masedonia kan mi zin Grik

1 Orooro biibi tana imap, mana kaimer to Paulus iboobo zin wal ta titoto Yesu i ma tila tilup zin, mi isotaara zin kembei ni be izem zin. Tila mi ni ipombol zin pa sua pakān, to izem zin ma timbot, mi iman̄ga ma ila pa Masedonia. **2** Iwwa ma ila beso ipet lele sa mi indeeje wal pakān ki Krisi, to ipombol zin pa sua boozo, mana ipa mini. Iwwa ma ila mi ipet lele pakaana kizin Grik, **3** to

imbot pa puulu tel. To iso iman̄ga mi ikam wooŋgo be ila lele pakaana ki Siria. Som mi ileŋ kembei zin Yuda timbuuru kana. To itoori mini be ipa pa lele pakaana ki Masedonia.^{⊗ 4} Mi wal ta ni ziŋan tila ta zan tis: Sopata ta Pirus lutuunu i, ni ki kar Berea, mi Aristakus ziru Sekundus ki kar Tesalonika, mi Gaius ki kar Derbe, mi Timoti, mi Tikikus ziru Tropimus ki Asia.⁵ Zin tina timuŋgu ma tila tizza Yam su kar Troas.⁶ Mi niam pakan na, ambot kar Pilipai pa lupŋana biibi ki narabu ta yis somŋana i. Ina imap, to amla ma amkam wooŋgo. Amkowo pa aigule lamata, mana amlela Troas. To amdeeŋe zin. Mi ambot Troas pa aigule lamata mi ru.

Paulus ipei Yutikus ma iman̄ga mini

7-8 Indeeŋe aigule mataana kana na, niam amlup Yam pa kini kannana mi suŋŋana lela ruuumu leleene ta imbot kor. Mi Paulus ziŋan zin tomtom tizzo pa sua ki Anutu ma ila mbeŋ lukutunu. Pa aigule toro to pai. Mi titun lam boozomen.^{⊗ 9} Mi naŋgaŋ ta, ni zaana Yutikus. Imbutultul se miiri kwoono mi iŋgungun talŋaana pa sua. Paulus ziŋan zin tomtom tizzo ma tizzo be molo som na, Yutikus mata ŋenŋeene. To itur ma som mi imbot. Ta kembei men ma ikanamaala itunu risa som. Tabé imalaala to iwwa. Itop pa ruumu leleene ta kor a ta iwe tel pa i, mi isula ta toono a. Wis ma tila be naman su pini na, Yutikus ni imeete ma kup kek.¹⁰ Tamen Paulus isula toono, to isala ŋwaana mi isou i. To iso pizin. Iso: “Leleyom ipata pepe. Ni mataana iyaara mini

[⊗] **20:3:** 2Kor 11:26; 1Tes 2:15+ [⊗] **20:7-8:** Yo 20:1+; 1Kor 16:2

kek.”¹¹ **11** Paulus imiili ma isala mini, to titete narabu ma tikan, mi ni izzo sua pizin ma berek su. To izem zin mi pai.¹² **12** Mi Yutikus na, tikami ma tila ruumu kini mi lelen ambai kat. Paso, ni mataana yaryaara ma imbot.

Paulus izem kar Troas mi ila kar Miletus

13 Paulus iurpe zaala piam be amse woonjo, mi amuuŋgu ma amla kar Asos, to amsa i isu tana. Mi itunu na, ipa toono. **14** Imar ma indeeŋe yam su Asos, to amkami mi amkwai ma amla mutu Mitilene. **15** Amkeene ma aigule toro na, amla amdeeŋe mutu Kios. Kozeere na, amar ampet mutu Samos. Mi kozeere mini na, kaŋkanj ma amla amkam kar Miletus. **16** Paulus ipiyar. Pa leleene be ila Yerusalem, mana lupŋana biibi ki Pentekos ipet. Tana leleene be ilela ta kar Epesus som. Pa imoto: Kokena ilela, to imbotmbot ma molo su lele pakaana ki Asia.

Paulus ipombol zin mboronjan ki Epesus pa sua pakan

17 Tana Paulus imbot kar Miletus, mi ikam sua ma ila pa lupŋana ki Krisi ta imbot kar Epesus na, be mboronjan kizin timar. **18** Timar tipet, to iso pizin. Iso: “Kelenj. Indeeŋe aigule mataana kana ta aŋmar anpet lele pakaana ki Asia, mi imar imar ma indeeŋe koozi na, mbulu tio ta aŋkamam na, niom kere kek. **19** Zin Yuda timbukmbuk koŋ kiizi totomen, mi tikamam patanjana boozo pio, mi tomtom tipamiaŋ yo kat. Tamen nio aŋkototo ituŋ, mi aŋbesmbeeze pa Merere raama tiŋiizi. **20** Mi niom kuute: Sua boozomen ta irao be iuulu yom

¹¹ **20:10:** 2Kin 4:32+; Ngo 9:40 ¹² **20:11:** Lu 22:19

na, aŋwatkaala sa piom som. Aŋzzo sua su mat keteene, mi aŋmama ruumu ma aŋzzo yom pa tommini.²¹ Kwoŋ imbolmbol pizin Yuda, mi zin Grik tommini, be tizem sanaana kizin, mibe titooro ḡgar kizin ma ila ki Anutu, mi tiurla ki Merere kiti Yesu.²²

22 “Mi buri na, Bubuŋana Potomŋana imaŋga pio be aŋla Yerusalem. Mi aŋkankaana pa. Ko mbulu pareiŋana ipet pio su tana?²³ **23** Nio aŋute men tau kar boozomen ta aŋlala pa i, na Bubuŋana Potomŋana izzo yo ta kembei: Ruumu sanaana, mi pataŋana boozo ta izza yo a.²⁴ **24** Tamen nio aŋre ta kembei: Ituŋ mbotŋana tio, ina koron sorok. Pa aŋkamam ḡgar men pa uraata ta Merere kiti Yesu iur mar nomon i be aŋkiskis mi aŋposop kat. Uraata tana na, ta kembei: Uruunu ambaiŋana ta iso pa muŋaiŋana mi kampeŋana ki Anutu na, bela aŋso pizin tomtom mi kwoŋ imbol pa.²⁵

25 “Kere. Niom tingi, muŋgu nio aŋbotmbot la mazwoyom mi aŋzzo yom pa peeze ki Anutu. Mi ingi buri na, aŋute kat tau tiom tasa ko irao ire motoŋ mini som. **26** Tana koozi nio aŋso kat yom ta kembei. Sombe tomtom tiom tasa ila lene, ina uunu tio som.²⁷ **27** Pa nio aŋwatkaala sua sa piom som. ḡgar ta boozomen ki Anutu, ta aŋso yom pa ma imap lup.

28 “Motoyom ingal ituyom, mi sipsip boozomen ki Anutu ta Bubuŋana Potomŋana iur yom be komborø zin na. Komboro kat lupŋana ki Anutu. Pa

²¹ **20:20:** Mbo 40:10 ²² **20:21:** Ngo 2:38 ²³ **20:22:** Ngo 20:16

²⁴ **20:23:** Ngo 9:16 ²⁵ **20:24:** Ngo 21:13; 2Kor 4:1; Ga 1:1; Pil 1:20; 2Tim 4:7; Tur 12:11 ²⁶ **20:26:** Ezek 3:17+; Ngo 18:6

ni iŋgiimi zin pa itunu Lutuunu siŋiini.²⁹ Mi nio aŋute. Sombe aŋzem yom, inako wal pakan timar kembei ta me saŋsanŋjan, mi tigaaba yom ma tipasaana Anutu wal kini.³⁰ Mi niom ituyom tomini, tomtom tiom pakan kola timaŋga, to tipabogboogo sua ɻonoono, mi tiyaaru wal pakan ta titoto Yesu i be tito zin.³¹ Tana kere yom pizin. Mi motoyom ɻgal ndaama tel ta itiŋjan tombotmbot na. Mazwaana tana, nio aŋmaane piom som. Aŋzzopewe yom tataŋa pa mbeŋ ma aigule raama tinjizi.³²

³² “Mi iŋgi buri aŋso aŋur yom la Anutu namaana. Tana kwoŋ imbol piom ta kembei: Motoyom iŋgal Anutu sua kini ta iso pa muŋainjana kini. Pa ina ko ipombol yom, mi iuulu yom be kakam matamur kini ambaiŋana ta ni imbuŋ sua pa be ikam pizin wal kini.³³ Indeeŋe ta itiŋjan tombotmbot na, nio motoŋ berber pa tomtom sa pat kini, som mburu kini sa be aŋkam len i som.³⁴ Niom ituyom kere kek. Koron̄ ta iuluulu yo raama zin gaabaŋoŋ ti, ina iwedet pa uraata ta ituŋ aŋkamam pa nomor̄ na.³⁵ Aŋkamam ta kembei paso, aŋsombe aŋwe kin ambaiŋana piom. Pa iti sombe takam uraata ma biibi, nako lende koron̄ ma irao, mi tarao be tu'uulu zin wal ta len koron̄ somŋjan i. Matanda ɻgal Merere Yesu sua kini ta iso: ‘Nonoono, iti sombe tikam lende koron̄, na menmeen ti pa. Mi sombe itundu tu'uulu zin

²⁹ **20:28:** 1Tim 4:16; 1Pe 1:18+, 5:2+; Tur 5:9 ³⁰ **20:29:** Mt 7:15; Yo 10:12; 2Pe 2:1 ³¹ **20:30:** 1Tim 1:3-19+; 1Yo 2:19 ³² **20:31:** Mk 13:37; 1Tes 2:11 ³³ **20:32:** Ngo 14:23; Ep 1:18; Kol 1:12; 1Pe 1:4+ ³⁴ **20:33:** 1Kor 9:11+; 2Kor 2:17, 7:2; 1Tes 2:5 ³⁵ **20:34:** Ngo 18:3; 1Kor 4:12; 2Kor 12:14+; 1Tes 2:9

tomtom pa koron kit, nako ikam ma menmeen ti biibi kat.' ”³⁵

³⁶ Paulus iso sua tana ma imap to, ziñan tilek kumbun mi tisun. ³⁷ Tisun makin, to timaŋga mi tila tisou i, mi ziñan titan. ³⁸ Lelen isaana kat pa sua lwoono ri ta isombe zin ko tirao be tire mataana mini som. Tana titan makin, mi tiuri ila woonjo.

21

Paulus ila Yerusalem

¹ Niam amparzem yam na, zin timbot mi niam ampet. Mi amkwai ma kañkañ ma amla pa mutu Kos. Kozeere mini na, amla mutu Rodos. To amla mi amlela Patara. ² Amlela Patara, to amdeerje woongo toro tabe ikakat ma ila pa lele pakaana ki Ponisia. Tana amlu yam se mi amla. ³ Amkowo amkowo ma amre la pa mutu Saiprus. To amzem ma imborene, mi ampa ndapet men, mi amkoñuru toono biibi Siria. Amla na amlela kar Tiro. Pa kar tana, ta gorgori woongo tana izemzem mburu su pa i. ⁴⁻⁵ Amla amru zin wal ki kar tana ta titoto Yesu i, to niamjan ambot pa aigule lamata mi ru. Pa amzza woongo tau. Mi Merere Bubuñana ipatoonjo zin pa mbulu tabe ipet pa Paulus i, tabe tibiigi i be imbot. Kokena isala Yerusalem. Ni-amjan ambotmbot, to amzem zin mi amla. Wal boozomen ta titoto Yesu i, ziñan waen bizin mi lutun bizin, ta timap tiur yam ma amzem kar mi ampera tai. Ampera tai na, amlek kumbuyam mi amsuñ su peende. ⁶ To amparzem yam mi niam

³⁵ **20:35:** 2Kor 9:8; Ep 4:28; 1Tes 4:11+; 1Tim 6:18 ³⁶ **21:4-5:** Ngo 20:36

amla ma amsala woonjo, mi zin ra, timili ma tilakar.

⁷ To ampet mini, mi woonjo iko ma amla mi amlela kar Tolemais. Amre tonmatiziŋ pakan, mi niamjan ambot pa aigule ta. ⁸ To kozeere mini na, amzem zin, mi amla ampet kar Sisarea. To amla ambot ruumu ki Pilip. Ni tomtom ki izzo uruunu ambaijanja. Wal lamata mi ru ta muŋgu tiur zin be tiuulu zin ηgojana pa uraata na, kizin ta ta tingi. ⁹ Ni lutuunu moori bizin paŋ ta tiwoolo zen. Mi zin tiwe Anutu kwoono bizin. Pa ni ipatonjooŋo zin pa koroŋ pakan.

¹⁰ Niamjan ambot pa aigule pakan, mana Merere kwoono ta, zaana Agabus, ni imbot Yudea mi isu. ¹¹ Imar tiam, to ikam lae pa pus ki Paulus, mi ipo itunu namaana ma kumbuunu pa, mi iso: “Bubuŋana Potomjana iso ta kembei: Mbulu raraate men ko ipet pa pus ti katuunu. Pa zin Yuda ta timbot Yerusalem a kola tipo namaana ma kumbuunu, mi tiuri la kizin wal ta Yuda somjan i naman.” ¹⁰

¹² Amlen sua tingi to niamjan waeyam bizin tana leleyam be Paulus isala Yerusalem pepe. Tana amtoombo be amruuti. ¹³ Tamen ni iso piām ma isombe: “Ah, tiŋiizi tiom tingi parei? Koso kakam be kaparru kopoŋ pa patanjana tingi? Sombe tipo yo su Yerusalem, na tipo yo lak! Mi sombe tipun yo ma aŋmeete pa Merere Yesu zaana, ina ambai tomini.” ¹¹

¹⁴ Tana amso ma som. Pa ni itunu imbol. To leyam sua sa mini som, mi amso: “Ambai, imbot la ki Merere itunu leleene tau.”

⁸ **21:8:** Νgo 6:5, 8:5 ⁹ **21:11:** Νgo 20:23, 21:33 ¹⁰ **21:13:** Lu 9:51; Νgo 20:24

15 Sua tana imap tona, amkam mburu tiām mi amsala pa Yerusalem. **16** Wal pakan ki Sisarea ta titoto Yesu i, tiurur yam, mi niāmjan amap ma amla ruumu ki Nason, to ambot. Nason tana, ni tomtom ta kizin wal mataana kan ta titoto Yesu i. Mi ni tomtom ki mutu Saiprus.

Paulus ila ipet Yerusalem

17 Amsala Yerusalem mi zin toñmatizij ta timbot tina tire yam, to lelen ambai kat mi timar tikam yam ma amla. **18** Kozeere mini na, niāmjan Paulus amla be amre Yems. Mi amla na, zin mboronjan kizin ta boozomen timar timbotmbot tomīni. **19** To Paulus ila ma ire zin, mi ipit mbol pa uraata boozomen ta Anutu ipomboli pa ma ikam la zin wal ta Yuda somjan i mazwan na.

20 Tilej to tipakur Anutu zaana pa. To tisu mini mi tiso pa Paulus. Tiso: “Toyam, re. Zin Yuda boozo kat ta tiurla ki Yesu i. Mi zin timap timbol kat pa tutu. **21** Mi urum na, imar ma zin tilej kek. Pa tomtom pakan tipingisnjis sua ku ma tiso zin Yuda ta timbotmbot la zin wal ta Yuda somjan i mazwan na, nu zzo pizin be tipizil ndemen pa tutu ki Mose mi mbulu kitī munjurjan, mibe tireete lutun bizin pepe. **22** Tana ingi ko takam parei mi tupunmeete sua tana? Pa tomtom ko tilej urum kembei nu mar kek, to dudut ma timar mi tikam mbulu sa.

23 “Tana lej la sua tiām ti mi kam ta kembei. Tomtom pañ ta timbotmbot i. Zin timbuk sua pa Anutu kek. **24** La kizin ma niomjan kuurpe yom be kewe ḥgeezenjoyom pa Anutu mataana, mi uulu

⊛ 21:20: Ngo 15:1,5 **⊛ 21:21:** 1Kor 7:18+; Ga 3:10+, 5:2+, 6:15; Kol 2:16+

zin mi giibi pat pa uten ruunu pupŋana. * Naso tomtom ta boozomen ki kar ti tire mi tiso: ‘O, to ti uruuunu ta imar ma teleŋ na, ina pakaamŋana. Pa ingi ni itoto men tutu ki Mose.’ [☆]

²⁵ “Mi wal urlaŋan ta Yuda somŋan i na, niam amur zaala pizin kek mi ambeede ro ila pizin, mi amso pizin be tikan kini ta tipakur zin merere pakaamŋan pa i pepe, tikan siŋ pepe, tikan buzur siŋŋana pepe, mi timolo ula ka tutu pepe.” [☆]

²⁶ Tikeene ma aigule toro to, Paulus ila ikam tomtom paŋ tana, mi zinjan tila be tiurpe zin ma tiwe ŋgeezeŋjan pa Anutu mataana. Ni ila Urum Merere, to iur sua sotaaraŋana kizin ise: Ko tikam aigule piizi be tiurpe zitun ma imap, mana tikam patoronŋana ma ikot zin.

Zin Yuda titeege Paulus su Urum Merere

²⁷ Aigule lamata mi ru tana be imap. Som mi, Yuda pakan ta timar pa lele pakaana ki Asia na, tire Paulus imbotmbot Urum Merere kwoono. Tabe tila tikuru zin iwal lelen, to tila mi tikiskis lae pini. ²⁸ Mi kalŋan izalla ma tizzo: “Ou, niom tomtom ki Israel, kamar mi ku'uulu yam lak! Tomtom tau iwwa pa lele ta boozomen mi ikamam sua pizin tomtom ta munŋana men kembei iti ramaki tutu kiti mi Urum Merere potomŋana tingi na koron sorok, ta itunu tis! Mi buri ŋonoono, ni

* **21:24:** Zin Yuda tikamam mbulu ta kembei: Sombe tomtom sa imbuksua mbolŋana pa Anutu, na ni, tipupi som ma ila ila beso sua kini iur ŋonoono, to ikam patoronŋana pa mbili pakan. Tana zin urlaŋana kan ki Yerusalem lelen be Paulus inŋiimi zin mbili pa tomtom paŋ taingi. Naso iswe kembei ni itoto men tutu. [☆] **21:24:**

Ngo 18:18; 1Kor 9:20 [☆] **21:25:** Ngo 15:29

ikam mbulu toro ma isala ki. Pa iyo Grik pakan ma tilela Urum Merere potomjana ti ma tau tipasaana ma isaana kat. ^{◊ 29} (Zin tiso ta kembei paso, muŋgu tire Tropimus ta ki kar Epesus i ziru Paulus tiwwa pa Yerusalem. Tana tikam njgar sorok ma tiso ko Paulus ikami ma ziru tilela Urum Merere ka siiri.)
[◊]

³⁰ To zin Yerusalem kan timap ma timaŋga ma kalŋan isala. Mi tilonloondo ma timer tile urum lene, to tiyasasaara Paulus mi tiyaaru tataati ma tipera mat, mi tikotkaala kataama pataarja. ³¹ Tiso tikam be tipuni ma kup. Tamen sua ikam biibi ηnoono ta imborro zin malmal kan ki Rom i. Tiso pini ta kembei: Zin Yerusalem kan ta timap ma tikamam malmal biibi. ³² Tabé tikamam, mi biibi ηnoono tana wis ma isu raama zin malmal kan kini mi zin bibip kizin. Zin Yuda tipunun Paulus, mi tire biibi tana ziŋan zin malmal kan kini tuŋ sula, to tizemi.

³³ Biibi tana ila ipet kizin, tona iso ma tikiskis Paulus, mi tipo namaana pa re ru. To iwi zin. Iso: “To tiŋgi, ni asin? Mi ikam so mbulu i?” [◊]
³⁴ Iwal biibi ta timbotmbot i, pakan timaŋga ma tiso pa sua uunu ta. Be pakan timaŋga, to tiso pa uunu toro. Tabé tikam ma biibi tana ipas kat sua ηnoono sa som. Pa tiso sua ndelndelŋa, mi ororo kizin isala mete. To biibi tana iso ma tikam Paulus mi tiuri lela ruumu mbolŋana ta zin malmal kan timbotmbot pa na. ³⁵ Zin malmal kan zinjan Paulus tipa ma tila ndeete uunu, to tikwaari. Pa iwal biibi tau tiso tikam be tiyatuti. ³⁶ Mi iwal biibi tana

[◊] **21:28:** Ngo 6:13, 24:5+ [◊] **21:29:** Ngo 20:4 [◊] **21:33:** Ngo 20:23, 21:11

titoto zin ma tila, mi timap ma kalŋan izalla ma tiso: “A, ila lene. Kupuni ma imeete!” [☆]

Paulus iso sua pizin iwal biibi

³⁷ Zin malmal kan be tikoki Paulus ma tilela ruumu kizin mbolŋana. Som mi, Paulus iwi lae pa biibi kizin. Iso: “Irao be aŋso sua pu muŋgu?” To biibi tana iso: “Wai! Mi nu zzo Grik kalŋan?

³⁸ Pa nio aŋkam ŋgar pa tomtom ki Aikuptu ta uriizi ŋonoono ipese wal zigzikrjan munjaana paŋ (4,000) mi iyaaru zin ma tila pa lele bilimŋana be tikam malmal na. Tabe aŋso ko nu tau.”

³⁹ To Paulus iso: “E-e, nio ti Yuda. Aŋmar pa Tasus, ta kar zaanaŋana ki Silisia na. Parei? Irao yok pio mi aŋso sua pizin iwal tingi muŋgu?”

⁴⁰ Biibi tana iyok pini, to Paulus imender sala ndeete, mi iur namaana be iso sua. Iwal biibi tire i, to lele ikam kiŋ. Mi ni iso sua pizin ila zitun kalŋan ta Iburu i. Iso:

22

¹ “O atonjan ma tamajan, kuŋgun talŋoyom. Pa nio lelen be aŋso uunu tio ma keleŋ kat.”

² Tileŋi iso Iburu kalŋan, to lele ikam kiŋ.

³ Mi ni iso: “Nio ti Yuda. Tipeebe yo su kar Tasus ta ki Silisia na. Tamen nio musaari mi tikam yo ma aŋmar aŋbot kar tingi. Mi aŋkan su tingi ma aŋwe kaibinŋ. Mi tutu ki tumbundu bizin na, Gamalielbi ipaute yo pa ma imap. Mi nio aŋkam kinkiini be aŋto kat mbulu ki Anutu kembei ta koozi niom ta boozomen kakamam i. [☆] ⁴ Zin wal ta titoto zaala poponjana tingi na, muŋgu aŋbelmbel

[☆] **21:36:** Lu 23:18,21; Ngo 22:22 [☆] **22:3:** Ngo 5:34+; Ga 1:13+;
Pil 3:5+

matan seezenjana. Mi tomtom kizin pakana, anjpun zin ma timetmeete. Mi pakana, anjyaryaaruzin ma anjla anjurur zin lela ruumu sanaana. Zin tomooto, mi moori tomini. [◊] 5 Biibi kizin patoronjana kan ziyan zin peeze kan ta boozomen tiute mbulu tio. Zin tirao be tipombol sua tio ti. Pa zin ta tiyok mi tikam ro imar tio, to anjkam ma anjso anjla kizin tonjmatizij kiti ta timbot kar Damaskus na. Pa anjso anjla be anjkam zin tomtom ta titoto zaala tingi na, mi anjyo zin ma timar Yerusalem be tiseeze matan.

*Paulus iso pa mazwaana ta itooro leleene
(Ngo 9:1-18, 26:9-18)*

6 “Tana anjmaŋga pa pai, mi anjwwa ma anjla angarau kar Damaskus. Zoŋ mataana ikam kembei aigule palakuutu mi molo som na, azuŋka imbot saamba mi ikelyaara su ma iliu yo ma kembei ta lele ikimit i. 7 To anjtop su toono mi anjleŋ sua ta isu pio ma iso ta kembei. Iso: ‘Saul, Saul, parei ta nu noknok motoŋ seezenjana?’ 8 Mi anjpekel ma anjso: ‘O Biibi, nu asinj?’ To pekeljana imar. Iso: ‘Ingi nio Yesu ki Nasaret ta nu seseeze motoŋ na.’ [◊] 9 Sua tana, waeŋ bizin ta niamŋjan amla na, tileŋ som. Tigeede men, pa tire azuŋka men.

10 “To anjwi. Anjso: ‘Biibi, kenako anjkam so?’ Mi Merere ipekel kalŋon ma iso: ‘Maŋga mi lela Damaskus, to leŋ sua pa uraata boozomen ta lelenj iur pa kek be kam i.’ 11 Waeŋ bizin timarna, titeege nomoŋ mi amlela kar Damaskus. Pa azuŋka mburaana mete. Tabekam yo ma anjrao anre lele som.

[◊] 22:4: Ngo 8:3; 1Kor 15:9; 1Tim 1:13 [◊] 22:8: 1Kor 15:8; Ga 1:15+

Uraata Kizin Ngonjana 22:12

civ

Uraata Kizin Ngonjana 22:20

12 “Kar tana, tomtom ta imbotmbot, zaana Ananias. Ni iur kat leleene pa Anutu, mi itoto tutu. Mi Yuda ta boozomen ki lele tana matan ise kini. **13** Ni ikonjuru yo ma imar, to imender lae zilnjon uunu mi iso: ‘O tiziŋ Saul, motom kam pak lak!’ To karau men mi moton iyaara mi anre i. **14** To imanya mi iso: ‘Anutu ta ki tumbundu bizin, ta itunu ipeikatu be ipaute u pa ŋgar kini mi leleene, mibe re kat Tomtom Ndeejenjana,* mi leŋ sua ila ni itunu kwoono. ☩ **15** Mi nu be pombol sua kini ila wal ta boozomen matan, mi so zin pa koronj ta nu leŋ mi re kat pa motom na. ☩ **16** Tana manja ta buri, kam yok, mi suŋ pa ni zaana be ipusu pa sanaana ku ma ila ne.’ ☩

17 “Uraata tana imap, tona aŋmiili ma aŋla Yerusalem mini. Aŋbot mi aigule ta na, aŋlela Urum Merere be aŋsuŋ. Aŋzuŋzuŋ na, **18** aŋkeenetondo mi Merere iso sua pio. Iso: ‘Loŋa mi zem Yerusalem ta buri. Pa wal tina, re beso swe uruŋ pizin, na irao tileŋu som.’

19 “Nio aŋsu to aŋso: ‘Biibi, wal tiŋgi, zin tiute: Muŋgu nio aŋlonloondo pa lupŋana murin ta boozomen, mi aŋtekteege zaaba pizin wal ta tiurla ku na, mi aŋyyo zin ma aŋjurur zin lela ruumu sanaana. **20** Mi indeeŋe ta tipun Setepan ma imeete, mi sinjiini ireere paso, izzwe nu urum na, nio aŋbotmbot mi aŋyok pa mbulu tana. Mi aŋmendernder raama mburu kizin wal ta tipun-nuni.’ ☩

* **22:14:** Tomtom Ndeejenjana na, Yesu tau. ☩ **22:14:** Ga 1:12+; Ep 3:2+ ☩ **22:15:** Ngo 23:11, 26:16 ☩ **22:16:** Ro 10:13; 1Pe 3:21
◊ **22:20:** Ngo 7:58, 8:1

21 “Tamen Merere iso pio. Iso: ‘Maŋga. Pa ingi ango u be la pa lele ta molo kat. Nu ko la kizin wal ta Yuda somŋan i.’” *

Paulus iso ni ki Rom

22 Iwal biibi tingun talŋan ma ilala, beso tileŋ Paulus iso ta kembei, to timaŋga na kalŋan isala. Tiso: “A, to na, kala kupuni ma imeete lak! Imbot ko ikam so?” * **23** Mi tiboboobo ma tiwirri mburu kizin, mi titiyaryaara toono zalla kor. †
24 Tana biibi ɣonoono kizin malmal kan iso ma tikam Paulus mi tilela ruumu mbolŋana ta zin malmal kan timbotmbot pa na. Mi iso pizin be tilela to tibalisi Paulus pa wooro matanmatanŋana, mi tiwisesi i bekena ippeeze kat uunu tau zin iwal biibi kalŋan izalla pini pa i.

25 Tana tilela mi tipo i be tibalisi. Som mi, Paulus iso la pa biibi tau imborro zin malmal kan i. Iso: “Parei? Tomtom ta ni ki Rom na, sombe kendeeŋe le uunu sa som, ko irao kabalisi sorok?” * **26** Biibi ilen sua tana, to ila mi iso pa biibi ɣonoono kizin malmal kan. Iso: “Ingi ko parei? Pa tomtom taingi, ni ki Rom.”

27 Tabé biibi ɣonoono tana ila ma iwi Paulus. Iso: “Ai, so kat. Nu tina, tomtom ki Rom?” Paulus iso: “E. Nio tomtom ki Rom.” **28** Biibi tana imaŋga to iso: “Nio ti aŋgiibi pat zaanaŋana be aŋwe tomtom ki Rom.” To Paulus iso: “Mi nio na, aŋgiimi som. Pa tamanj ta ippeebe yo na, ni ki Rom.”

29 Tabé zin ta timar mi timendernder be tiwi Paulus i, timilmili ma timar tila len. Mi biibi

* **22:21:** Ngo 9:15, 26:17+; 1Tim 2:7 * **22:22:** Ngo 21:36

† **22:23:** Zin Yuda, sombe tileŋ sua ta ambai som kat, to tikam mbulu ta kembei. * **22:25:** Ngo 16:37

ŋonoono tana ire ma imoto kana. Pa Paulus, ni ki Rom. Mi ni iso pizin ma tipo i sorok.

Paulus imender su zin bibip kerend uunu

³⁰ Kozeere mini na, biibi ŋonoono kizin malmal kan iso ipas kat sua uunu. Parei ta zin Yuda tingal sua pa Paulus? Tana iboobo zin bibip kizin patoronjana kan ziŋan zin peeze kan ta boozomen ma tilup zin. To ila ma iputke Paulus, mi ikami ma ila ipamenderi su kerend uunu.

23

¹ Paulus ire la pizin peeze kan mi iso: “O niom toŋmatizij tio, ta muŋgu mi imar indeeŋe koozi na, nio anjamaana ituŋ kembei anjkam ŋoobo mbulu sa pa Anutu mataana som.”[☆] ² Biibi kizin patoronjana kan, zaana Ananias, ilenj sua tana, to iso la pizin wal ta timender kolouŋana i ma tipeeze lae pa Paulus kwoono.[☆] ³ To Paulus iso pini. Iso: “Nu tina, Anutu ko ipunu tommini. Nu kembei didi ta ibuužu kek, mi timusmus pen kokouŋana ma ise sorok. Pa mbulu ku mat kana men ta ingeeze. Mi lelem na som. Nu mbulem su tina be tiiri yo pa tutu tau. Tamen itum molo tutu kek. Pa so pizin ma tipun yo sorok.”[☆]

⁴ Zin wal tau timender kolouŋana pa Paulus na, timaŋga to tiso: “Wai, kwom pasom biibi kizin patoronjana kan paso? Ni sa Anutu tomtom kini na!”

⁵ Paulus ipekel ma iso: “O niom toŋmatizij tio, nio anjkilaala kembei ni biibi kizin patoronjana kan

[☆] **23:1:** Ngo 24:16; 1Kor 4:4; 2Kor 1:12; 2Tim 1:3 [☆] **23:2:** Yo 18:22+ [☆] **23:3:** Lo 25:1+; Mt 23:27+

na som. Mibe aŋkilaali, so aŋso sua ta kembei som. Pa sua ki Merere imbot pataaŋa kek ta kembei: Tomtom peeze kana ta imborro yom na, piri sua sananŋana sa pini pepe.”⁶

6 Paulus, ni iute zin peeze kan tana lup kek. Zin timbot la uunu ru. Pakan na, zin sadusi. Mi pakana, zin tutu kan. Tabe Paulus kalŋaana mi iso la pizin. Iso: “Niom toŋmatiziŋ tio, kelen. Nio ti tutu koŋ tau. Mi tamaŋ ma anaŋ tomini na, zin tutu kan. Nio anjurur motoŋ pa maŋgaŋana kizin meetenjan, tanata tipamender yo pa i.”⁷

7-8 Paulus ipiri sua ti, to zin peeze kan tana timureege pataaŋa. Pa zin sadusi na, tiurla ta kembei: Sombe tomtom sa imeete, na irao imaŋga mini som. Mi tiso aŋela sa imbot som, bubuŋana sa som. Mi zin tau tutu kan i na, urlaŋana kizin toro. Pa tiso zin meetenjan kola timaŋga mini, aŋela timbotmbot, mi bubuŋan tomini timbotmbot.⁸ **9** Tana kalŋan izalla kat ma tiparzorzooro ma ila to, wal ŋgarŋan pakan tau tutu kan i kalŋan sala ma tiso: “Ai, niam amtiiri na, tomtom ti, ni ikam mbulu sananŋana sa som. Ko bubuŋana sa, som aŋela sa iso sua sa pini ma iŋgi.”⁹

10 Biibi ŋonoono kizin malmal kan ire ma ambai som. Pa sua iporou mete. Tabe iso pizin malmal kan kini ma tila tikoki Paulus la zin peeze kan tina naman, mi tikami ma tilela ruumu kizin mbolŋana. Pa imoto: Kokena tiyatut Paulus.

11 Mbeŋ na, Merere ipet ki Paulus mi ipomboli. Iso: “Paulus, moto pepe. Mender mbolŋana. Pa

⁶ **23:5:** Kam 22:28 ⁷ **23:6:** Ngø 24:21, 26:5+; Pil 3:5 ⁸ **23:7-8:** Lu 20:27 ⁹ **23:9:** Ngø 25:25

uruŋ ta swe su Yerusalem, inako swe su Rom tommini.”[⊗]

Zin Yuda timbuuru Paulus kana

¹² Kozeere mini na, Yuda pakan tila tilup zin be timbuuru pa Paulus. To timbuk sua mbolŋana kat pa Merere zaana be tikan kini som, tiwin yok som ma irao tipun Paulus ma imeete. ¹³ Zin wal ta timbuuru pini na, zin kembei tomtooru mi kwoono sa. ¹⁴ To timanja na tila tire zin bibip kizin patoronŋana kan mi zin mboronŋan. Tila to tiso: “Ou, niam taiŋgi ambuk sua mbolŋana kat pa Merere zaana kek ta kembei: Koozi mi ila na, kwoyam ko itege kini sa som ma irao ampun Paulus ma imeete. ¹⁵ Tana niomŋan zin peeze kan pakan kala ki biibi ŋonoono kizin malmal kan, mi koso pini ta kembei. Koso: ‘Kam Paulus mi kusu. Pa niam amsombe ampas kat sua kini uunu.’ Niom koso kakam ta kembei, na niam ti ko amzaŋzaŋi. Beso isu to loŋa ampuni. Mi irao imar ipet lele tiŋgi na som.”

¹⁶ Tamen Paulus woono, ni talŋaana ikam kiizi kizin kek. Tana ila ma ilela ruumu mbolŋana kizin malmal kan mi isotaara Paulus. ¹⁷ To Paulus iboobo la pa biibi tau imborro zin malmal kan na ma imar, mi iso pini. Iso: “Kam naŋgaŋ ti ma ila ki biibi tiom ŋonoono. Pa ni le sua ri be iso pini.” ¹⁸ Ikami ma tila ki biibi ŋonoono tana, to iso: “Paulus ta imbotmbot ruumu sanaana na, iso pio, tabe aŋkam naŋgaŋ tiŋgi ma niamru amar. Pa ni le sua ri be iso pu.”

[⊗] **23:11:** Ng 18:9, 27:23+

19 Biibi ḥonoono ila to iteege naŋgan tina namaana mi ziru men tilae. To iwi i. Iso: “Parei, nu lem so sua i, ta mar pio pa i?”

20 To naŋgan tina iso: “Zin Yuda tilup lelen ma iwe tamen, mi tiso tipun Paulus ma imeete. Ingi ko molo som to sua ikamu be berek, to kam Paulus ma kusula pa lupŋana biibi kizin peeze kan be tipas kat sua kini uunu. Mi ina sua ḥonoono som.

21 Tana leŋ zin pepe. Pa zin kembei tomtooru mi kwoono sa, ta ko tizaŋzaŋi su zaala. Mi timbuk sua mbolŋana kat pa Merere zaana kek be tikan kini som, tiwin yok som ma irao tipun Paulus ma imeete. Inga tiurur matan ta timbotmbot a. Beso yok pizin, to tikam mbulu tana.”

22 Biibi ḥonoono ileŋ sua tana to kwoono imbol pini. Iso: “Sua ta so yo i. Kozo so pa tomtom toro sa pepe. Kokena wal pakan tiute kembei nu ta mar mi so yo na.” Iso ta kembei, mi iso pini ma ila lene.

Tikam Paulus ma isula Sisarea

23 Biibi ḥonoono tana imaŋga to iboobo bibip ru kizin malmal kan ma timar, mi iso pizin. Iso: “Kala ma kere zin malmal kan tomta laamuru (200), mi zin hos kan tomta tel laamuru (70), mi izi kan tomta laamuru (200) be tisula pa Sisarea pa mbeŋ ta koozi. **24** Mi kere hos pakan pa Paulus tomini. Kozo komboro kati ma imbot ambai men ma irao ila ipet ki gabana kiti Peliks.” **25** Mi ibeede sua sotaaraŋana ta kembei. Iso:

26 “O biibi tio ḥonoono, gabana Peliks. Nio Koldias Lisius aŋkam aigule tio ima ku.

27 “Tomtom taingi, zin Yuda tikisi mi tipasaani mabe imeete. Tamen nio aŋmar raama zin malmal kan tio, to amkamke i pizin. Pa aŋleŋ kembei ni

tomtom ki Rom. ²⁸ Mi nio leleñ be aŋpas kat uunu kini. Parei ta zin tikamam sua boozo pini. Tana anjkami ma ila pa lupŋana biibi kizin peeze kan. ²⁹ Tamen aŋla ma aŋdeeñe kembei, ni le uunu sa tabe ilela ruumu sanaana, som imeete pa i som. Zin kwon ikanani sorok. Mi ina tiparzorzooro pa zitun tutu kizin tau. ³⁰ Mi aŋleñ kembei wal pakan tikamam to tingi kuziini, tana lonja men mi aŋseri ma ima ku na. Mi aŋjur sua pizin Yuda be tima ku, to ziŋan tikam sua su ta kerem uunu na."

³¹ Tana zin malmal kan tito sua ki biibi kizin, mi ziŋan Paulus timaŋga pa mbenj. Tila tila ma ta Antipatris a. ³² Tikeene ma aigule toro to, zin tau tipa toono i timili mini ma tila ruumu kizin mbolŋana ta Yerusalem a. Mi zin tau tise hos i, ziŋan Paulus tila. ³³ Tikami ma tila tipet kar Sisarea, to tisara ro ila ki gabana, mi tiur Paulus ila kini. ³⁴ Gabana ipaata ro makin, to iwi Paulus: Ni imar pa lele pakaana swoi? Mi Paulus iso ni imar pa Silisia. ³⁵ To gabana iso pini. Iso: "Ambai. Mbot mi zin tau tingal sua pu na timar muŋgu, toinabe antiiri sua tiom." To gabana iso pizin menderjan be tikam Paulus ma tila ruumu biibi ta muŋgu Erot ipo na, mi timboror i isu tana.

24

Paulus ziŋan zin Yuda timender su Peliks kereene uunu

¹ Aigule lamata ilae to, Ananias ta biibi kizin patoronŋana kan na, ziŋan zin mboronŋan pakan, mi tomtom ŋgarnjana ta ni zaana Tertulus, tisula

²⁸ **23:27:** Ngo 21:30+, 22:25+ ²⁹ **23:29:** Lu 23:14+; Ngo 18:14+, 25:25, 26:31

pa Sisarea be zinjan Paulus timender la gabana kereeene uunu, mibe tingal sua pini. Tertulus tana, ni iute kat tutu ki Rom. Mi uraata kini be iuluulu zin tomtom pa sua kizin. ²⁻³ Tana tiboobo Paulus ma ilela kizin, to Tertulus iman̄ga mi iso sua kini. Iso:

“O biibi tiam Peliks, niam tingi leleyam ambai kat pu. Pa mazwaana ta kamam peeze pa lele tingi na, niam ambot ambai men. Mi koron̄ boozomen ta muñgu isaana, ta in̄gi nu pazalzal mabe ambai lup. Tana lele pakaana ti, niam amap ma leleyam pu. Pa nu uluulu yam pa koron̄ matakina boozo. ⁴ Tamen ko irao an̄yaaru sua ma molo som. Tana an̄wi u be leñ sua tiam katnjana ri ti.

⁵ “To ti, niam amre i na, mbulu kini ambai som kat. Ni kembei ta mete sanan̄jana i. Pa ipeyei mal-mal boozomen ma tiwedet la zin Yuda mazwan irao toono ta boozomen. Mi zin wal ta titoto Yesu ki Nasaret mi tipabogboogo sua ki Merere na, ni ta imuñmuñgu pizin. ⁶ Mi itoombo be ipasaana Urum Merere tomini. In̄gi tabe amkisi. [Mi niam amso ituyam ampamenderi mi amtiiri mbulu kini pa tutu tiam. ⁷ Tamen biibi kizin malmal kan Lisius imar, to iman̄ga piam mi isani la nomoyam mi ikami ma ila. ⁸ To Lisius iur sua piam be amar ku i.] Tana nu itum wi i, to re kat uunu ta niam ampamenderi pa i. Pa sua tiam ti, pakaam̄jana som. Nonoono men.”

⁹ Tertulus iso sua tana makin̄ to, zin Yuda pakan timan̄ga mi tipombol sua ta ni in̄gal pa Paulus na.

Paulus iso sua kini

[◊] **24:5:** Ng 16:20, 17:6, 21:28

10 To Peliks iyembut sua kizin, mi iur namaana pa Paulus be iso sua. Paulus iman̄ga to iso:

“O gabana Peliks, nio aŋjute: Ndaama ndaama ta nu mbel sua urpeñana pa lele ti kek. Tana nio lelen̄ ambai mi aŋso sua tio ti ima ku. **11** Sua tingi ipata pu som. Nu rao ute karau men. Re. Uriizi, aigule laamuru mi ru men ta ila kek na, nio aŋsala pa Yerusalem be aŋsuŋ. **12** Mi niamru tomtom sa amparzooro lela Urum Merere som, mi aŋkuru tomtom lelen lela lupñana muriini kizin, som kar leleene ma iŋgi som tomimi. Zin wal ta tingal sua pio i, tomtom kizin sa ire yo aŋkam mbulu ta kembei na som. **13** Tana sua kizin, ina zin tiso. Mi sokorei toro tabe ipombol? Som.

14 “Tamen sua kizin koron̄jana ri, ta aŋyok pa. Zaala ki Krisi ta zin tizzo be pakaam̄jana, ina nio aŋtoto. Mi ina nio aŋzuŋzuŋ men pa Anutu ta mun̄gu tumbuyam bizin tizun̄zuŋ pini na. Mi sua ta Merere kwoono bizin tibeede na, ramaki koron̄ ta mun̄jaana men ta indeeŋe tutu ki Mose, ina nio aŋurla men i. **15** Nio niam̄jan zin wal tingi amur motoyam pa koron̄ tamen tau. Pa amso Anutu, ni kola ipei zin tomtom ma timaŋga mini pa naala be tikam kadoono kizin. Wal ndeeŋejan, mi wal sanan̄jan tomimi. **16** Tanata nio gorgori aŋkamam kinkiini be lelen̄ iŋgeeze, mibe aŋkam kat mbulu pa Anutu mataana mi tomtom matan tomimi. **17**

17 “Nio aŋzem Yerusalem mi aŋbot lele pakaana toro pa ndaama boozo kek. Tanata iŋgi aŋla mini

✳ **24:14:** Ngo 26:22, 28:23; 2Tim 1:3 ✳ **24:15:** Yo 5:28+; Ngo 23:6, 26:6+; 2Kor 5:10 ✳ **24:16:** Ngo 23:1; 1Kor 4:4; 2Kor 1:12; 2Tim 1:3

be aŋjur nomoŋ ila pizin wal tio, mibe aŋkam patoronjana pakan tomini. ¹⁸ Mi nio aŋto mbulu mi aŋjurpe ituŋ ma aŋgeeze munju, mana aŋlela Urum Merere lene be aŋkam uraata tingi. Mi nio ituŋ tamen kat ta aŋlela. Tomtom toro sa igaaba yo som. Mi aŋkam ororo sa som, kosa sa kembena som. ¹⁹ Aŋkamam uraata tingi ma aŋbotmbot, mi Yuda pakan ta timar pa lele pakaana ki Asia na, tindeeŋe yo. Ina zin ta tiwe uunu pa sua tingi. Mi wal tina, sombe len sua pio, na ambai be zitun timar mi tiso kat sua kizin isu kerem uunu ma leŋ. ²⁰ Mi sombe som, na zin wal tingi ta niamŋan amendernder i, zitun irao tiso kat uunu tio ma teleŋ. Nio aŋkam ŋoobo so mbulu i? Pa uriizi, indeeŋe ta tipamender yo ila zin peeze kan matan ta Yerusalem na, zin timbotmbot. ²¹ Nio aŋso ko tikamam pa sua lwoono ta, ta kalŋoŋ biibi pa ma tileŋ. Sua ta kembei: ‘Koozi, nio sua indeeŋe yo mi aŋmar amender su kereyom uunu ti paso, aŋurla kembei zin meeteŋan kola timaŋga mini.’ ” ²²

²² Peliks, ni ikankaana pa zaala ki Krisi som. Tana ilen, to ipeteke sua ma imbot mi iso: “Kezem su tana. Tombot ma biibi kizin malmal kan Lisius itunu imar, toinabe aŋtiiri sua tiom.” ²³ To iur sua pa biibi kizin malmal kan be iur Paulus lela ruumu sanaana mi mataana pini. Mi irao ikam pataŋana biibi pini pepe. Sombe wal kini tila ma tiso tire i pa kopoono ma koron, na irao iyok pizin.

²³

Paulus izzo pa zaala tabe tuurla ki Yesu Krisi i

^{24:17:} Ro 15:25+; 2Kor 8:1+; Ga 2:10 ^{24:18:} Ngø 21:26+

^{24:21:} Ngø 23:6+ ^{24:23:} Ngø 27:3, 28:16

²⁴ Aigule pakān ilae mi kaimer mana, Peliks ziru waene Drusila timar. Drusila, ni Yuda nan. Tana Peliks iso la pa Paulus ma imar, to Paulus izzo sua pa zaala tabe tuurla ki Yesu Krisi i, mi ni ileŋlen. ²⁵ Beso Paulus kwoono iyabakes lae pa mbulu ndeeŋenjana, mi mbulu ki tagabiizi itundu, mi kadoono urnjana tabe ipet pa mbeŋ kaimer i, na sua ingal Peliks ma imoto. To iyembut sua. Iso: “Ambai. Irao ta ti. La munju. Mi ko anre lwoono toro sa, to anboobu mini.” ²⁶ Mi Peliks, ni iurur mataana pa Paulus. Pa iso ko ni ikam le pat sa. Tingi tabe iboboobi ma ilala kini be ziru tizzo sua.

²⁷ Ndaama ru ilae, tona Peliks isu mi Porsius Pestus ikam muriini. Mi Peliks, ni leleene be zin Yuda lelen pini. Tana izem Paulus ma imbotmbot lela ruumu sanaana, mi ni imap pa uraata.

25

Paulus imender su Pestus kereeene uunu

¹ Pestus imar ipet Sisarea be iteege uraata kini. Mi aigule tel ilae mana, izem Sisarea mi isala pa Yerusalem. ² Isala to, zin bibip kizin patoronjana kan ziŋan zin bibip pakān kizin Yuda tila kini mi tingal sua pa Paulus. ³ Tila to loŋa mi tikuru leleene bekena ilae kizin, mibe ikam Paulus ma isala pa Yerusalem. Pa timbuk Paulus ka kiizi kek be tipunke i su zaala lwoono. ⁴ Tamen Pestus iso pizin. Iso: “Paulus, ni imbotmbot ruumu sanaana leleene ta Sisarea a. Mi nio ingi be aŋsula i. ⁵ Sombe ni ikam ŋoobo mbulu sa, na zin bibip tiom pakān timar ma niamŋan amsula, tona tiso ka sua isu tingja.”

6 Pestus zinjan timbotmbot ma aigule ko laamuru sa ma ingi, mana isula Sisarea. Kozeere mini na, ila ma mbuleene su sua urpeñana muriini, mi iso be tikam Paulus ma imar. **7** Paulus imar ipet to, zin Yuda tau timbot Yerusalem mi timar i, tila ma tiliu i. Mi tigiibi sua boozo pini. Tiso ni ikam mbulu ta sananñana kat. Tamen sua kizin tana, ka pombolñana sa som.

8 To Paulus ipekel kaljan ma iso: “Nio ti aŋkam ɻoobo mbulu sa pa Yuda tutu kizin som, Urum Merere som, mi Kaisa som tomini.” **◊**

9 Mi Pestus, ni ikamam be Yuda lelen pini. Tana imaŋga to iwi ten lae pa Paulus. Iso: “Parei, ko irao se Yerusalem, mi mender su keren uunu ta tiŋga?”

10 Paulus iso: “Wai, mi lele tabe aŋla ma aŋkam sua isu pa i, ina ruumu ki Kaisa ta ingi aŋbotmbot pa i. Som nu re kembei nio aŋkam ɻoobo mbulu sa pizin Yuda? Lak, ina tina, nu itum ute kek. **11** Mi sombe aŋkam mbulu sa ta sananñana kat ma irao be aŋmeete pa i, na tipun yo lak. Irao aŋko pa kadoono tio na som. Tamen sombe zin Yuda ti, sua kizin ɻonoono som, na tomtom sa irao iur yo sorok la naman na som. Ambai. Nio aŋso aŋre Kaisa itunu mi ni itiiri sua tio.” **◊**

12 Pestus ileŋ Paulus iso ta kembei, to ila ma zinjan zin ɻgarjan kini pakan tizzo sua. Mana iso pa Paulus. Iso: “Nu sombe la mi re Kaisa tau. Tana ko la ma re i.”

Pestus isope king Agripa

◊ 25:8: Ngø 24:12, 28:17 **◊ 25:11:** Ngø 28:19

¹³ Timbot ma king Agripa ziru lunuri Benis timar tipet Sisarea be tilou Pestus. ¹⁴ Ziŋan timbot pa aigule pakan, tana Pestus izzo pa sua ta tikam pa Paulus na, ma king Agripa ilenŋleŋ. Iso: ‘Tomtom ta, tau Peliks iuri lela ruumu sanaana ma imbotmbot, mi ni imap pa uraata. ¹⁵ Mi indeeŋe ta nio aŋsala Yerusalem na, zin bibip kizin patoronŋana kan ziŋan zin mboronŋan kizin Yuda tingal sua pini, mi timaŋmaŋ yo be aŋjur kadoono pini. ¹⁶ Mi nio aŋpekel sua kizin ta kembei. Aŋso: ‘Keleŋ. Niam Rom koyam na, mbulu tiam ta kembei som. Sombe wal pakan tingal sua pa tomtom sa, na irao amuri sorok ila naman na som. Bela ni ziŋan tiso sua pa, mi itunu iso uunu kini muŋgu.’

¹⁷ “Tana nio aŋmiili ma aŋsula mini na, niamŋan mi amar. Be ampet Sisarea na, aŋnaunau som. Ambot ma aigule toro, to mbulen su sua urpeŋana muriini, mi aŋboobo Paulus ma ilela pataaŋa. ¹⁸ Beso ka koi bizin timaŋga be tingal sua pini na, aŋso ko tiso pa mbulu pakan ta sananŋjan ḥonoono. Som mi som. ¹⁹ Tiso kat sua sa som. Ziŋan Paulus tiparzorzooro pa urlaŋana kizin, mi tizzo pa tomtom ta, zaana Yesu. Zin na, tiso ni imeete kek. Mi Paulus izzo be ni imbot mata yaryaara men i. ²⁰ Tana aŋlen na, ḥgar tio sa ambai som. Irao be aŋkam kat ḥgar pa sua ti be aŋjurpe na som. Tana aŋwi i beso parei na, isala Yerusalem, tonabe imender mini pa sua tingi. ²¹ Tamen ni ipemet sua, mi kwoono imbol be Kaisa itunu itiiri sua kini. Tana aŋjur sua pizin menderŋjan be timboro i ma irao aŋjuri la ki Kaisa.”

²² To Agripa iso pa Pestus. Iso: “Mi nio ti lelen be ituŋ aŋleni tomimi.”

Tabe Pestus iso: “Ambai. Gaaga to leŋi.”

Tipamender Paulus su king Agripa kereeene uunu

²³ Aigule toro na, king Agripa ziru Benis timar ma ziŋan zin wal zanŋan ki kar tana mi zin bibip kizin malmal kan tilela ruumu leleene biibi ta zin bibip tiluplup zin pa i. Mi tikam mbulu boozo be tipakur Agripa ziru Benis. To Pestus iso, mi tikam Paulus ma imar ilela. ²⁴ Pestus imanga to iso: “O king Agripa mi niom tau kamar ma itiŋan tombot tingi, koozi kere mar pa tomtom tingis. Tomtom tingi, ta zin Yuda ta boozomen timaŋman yo pini isu Yerusalem mi isu tingi tomimi. Timap ma kalŋan sala ma tiscombe to ti, ni imbot pepe. Imeete ma ila ne.

²⁵

Mi nio na, aŋre kembei ni ikam mbulu sanannjana sa tabe imeete pa i som. Tamen ni itunu iscombe ila ki Kaisa be ni itiiri sua kini. Tanata aŋscombe aŋuri ma ila Rom.

²⁶ Tamen aŋdeeŋe sua ŋonoono sa pa tomtom ti bekena aŋbeede se ro ma ila ki Kaisa i na som. Tanata aŋkami ma imar imender su kereyom uunu bekena kitiri uunu kini. Pa aŋso nu, king Agripa, niomŋan zin wal tingi koso ka sua, tonabe aŋbeede uunu kini ise ro.

²⁷

Pa sombe sua izal som, mi tuur sorok tomtom sa ma ila ki Kaisa, ina mbulu kankaanaŋana. Bela tebeede kat uunu kini ise ro mi ni ipa raama, to ambai.”

26

*Paulus iso sua su king Agripa kereeene uunu
(Ngo 9:1-18, 22:3-16)*

^{25:23:} Lu 21:12+ ^{25:24:} Yo 19:5+

¹ Tana king Agripa iso pa Paulus. Iso: “Ingi be nu kadoono so sua ku.”

Tana Paulus iur namaana, mi imanja to iso uunu kini: ² “O king Agripa, koozi nio lelen ambai. Pa aŋmar ma aŋmender su nu itum kerem uunu be aŋpekel sua boozomen ta zin Yuda tingal pio na. ³ Pa mbulu tiam Yuda mi sua pakān ta amparzorzooro pa i, na nu ute lup kek. Tana aŋsombe aŋwi u ten. Ko irao be ŋgun talnom mi len mar pa kaljōn? Pa sua tio ko molonjana ri. Kokēna nim gesges ma ingi.

⁴ “Mbulu tio tau naŋganjōn mi imar indeeŋe koozi na, zin Yuda ta boozomen tiute lup kek. Mbulu tio ta aŋkam su ituŋ kar tio, mi kaimer aŋkam su Yerusalem na, ike pizin som. ⁵ Tana indeeŋe ta taŋga mi tamar i na, zin tiute yo lup kek. Mi sombe lelen pa, na irao tipombol sua tio ti. Indeeŋe ta nio naŋganjōn mi imar na, aŋgabgaaba zin wal tutu kan ta timbol kat pa tutu mi sunjana tiam i. Amlip pizin Yuda pakān. ⁶ Mi koozi na, tipamender yo su tingi paso, nio aŋjurur motoŋ pa koron ambaijana ta Anutu imbuk sua pa ila ki tumbuyam bizin tau. ⁷ Sua mbukjana tana, ta niam Yuda uunu laamuru mi ru amurur motoyam pa, mi amzuŋzuŋ Anutu pa ikot mbeŋ ma aigule be iur ŋonoono. O king, nio aŋjurur motoŋ pa koron ambaijana tana, tanata ikam ma zin Yuda tingal sua pio. ⁸ Lak, parei ta niom tina kere kembei Anutu ni irao be ipei zin meeterjan ma timanja mini som?

^{☆ 26:5:} Ngo 23:6; Pil 3:5 ^{☆ 26:6:} Ngo 23:6, 28:20; Ro 15:8; 2Kor 1:20

9 “Muŋgu, nio tomini aŋkamam kaisiigi be aŋpasaana Yesu ki Nasaret uruunu. Mi aŋdemeere aŋso ko mbulu ta aŋkamam, ina ambai. **✧ 10** Mbulu tana, aŋkam su Yerusalem muŋgu. Zin bibip kizin patoronjana kan ta tiyok pio, tanata aŋzebzeebe Anutu wal kini potomjan boozomen lela ruumu sanaana. Mi nio ti aŋyok be tipun zin ma timetmeete tomini. **11** Tana aŋwwa pa lupŋana murin ta boozomen, mi aŋkamam patanjana pizin wal tau tiurla ki Yesu i, mi aŋseseeze matan. Mi aŋmaŋmaj zin be tipasaana Yesu zaana. Aŋmalma pizin biibi kat. Tana aŋwwa pa karkari ta lele molo na tomini be aŋru zin.

12 “Uunu tina ta aigule ta, nio aŋpa ma aŋso aŋla ta kar Damaskus a. Uraata ta aŋso aŋkam su tana, nio zoŋ pa. Pa zin bibip kizin patoronjana kan tipombol sua ma tiyok pio tabe aŋla. **13** O king, nio aŋwwa pa zaala lwoono ma zoŋ mataana ikam kembei palakuutu. Mi molo som na, aŋre azuŋka ta imbot saamba mi ikelyaara su ma iliu yo raama waeŋ bizin ma kembei ta lele ikimit i. Mi mburaana biibi kat. Ilip pa zoŋ mataana. **14** Ikam ma niam iwal mi amtoptop su toono. To aŋleŋ sua ta iso la Iburu kalŋan ma isombe: ‘Saul, Saul, parei ta noknok motoŋ seezenjana? Zooronjana ta kamam, ina ipata pu. Pa ina kembei urur itum ila zaaba kwoono.’ **15** Tabe aŋwi: ‘Biibi, ina nu asin?’

“To Merere iso: ‘Mi ingi nio Yesu ta nu seseeze motoŋ na. **16** Burup ma maŋga mender. Ingi aŋpet ku be aŋjurū ma kam uraata pio. Koronj ta buri rre i, ramaki koroŋ pakon tabe aŋswe ma ku pa kaimer

✧ 26:9: Njo 8:3; 1Kor 15:9; Ga 1:13; 1Tim 1:13

i, nu ko so zin tomtom pa, bekena pombol sua tio. ¹⁷ Nio ko aŋkamke u pa wal ku, mi zin wal ta Yuda somŋjan i tommini. Mi iŋgi aŋgo u be la kizin tomtom mi pei ŋgar kizin ¹⁸ ma matan ikam pak. Nu be tooro zin ma tipizil ndemen pa zugut mi tipet mat, mi kam zin ma tizem Sadan mburaana, mi tiur lelen ila ki Anutu. Naso aŋreege sanaana kizin, mi timar tigaaba zin wal tau tiurla tio mi tiwe wal potomŋjan ta ki Anutu i.’ [◊]

¹⁹ “O king Agripa, re. Koron ta kar saamba iswe mar tio na, irao aŋzoro na som. ²⁰ Tana mataana mi aŋzzoyaryaara ka sua isu Damaskus. To isu Yerusalem, to isu lele ta boozomen ki Yudea. Mana ila kizin wal ta Yuda somŋjan i tommini. Nio aŋzzo pizin tomtom be tipizil ndemen pa mbulu kizin sananŋjana, mi tiur lelen ila ki Anutu, mi tikam kat mbulu. Naso tiswe kembei titooro kat lelen. [◊] ²¹ Ingi uunu tiŋgi ta zin Yuda tikiskis yo la Urum Merere kwoono, mi tiso tikam be tipun yo. ²² Tamen nio aŋre ulaanja biibi kat imarmar pa Anutu, ma irao indeeŋe koozi. Tanata aŋmendernder mbolŋjana, mi aŋpombolmbol sua ki Yesu ila zin wal ta boozomen matan. Zin zanŋjan, mi zin sorrokŋjan tommini. Mi sua ta aŋkamam i na, poponjana som. Ina aŋto men Mose mi Anutu kwoono bizin kalŋjan. Pa sua ta muŋgu tiso, ta ingi iur ŋonoono kek. [◊] ²³ Pa tiso Mesia, ni ko ire yoyouŋjana, mi iwe mataana pa maŋgaŋjana kizin wal meeteŋjan. Mi ni ko isoyaara sua tabe ikam zin Yuda mi zin wal ta Yuda somŋjan i ma timbot mat.”

[◊] **26:18:** Yo 8:12; Ngø 2:38; Ep 1:18, 5:8; Kol 1:13; 1Pe 2:9 [◊] **26:20:** Mt 3:8; Ngø 9:20+ [◊] **26:22:** Lu 24:27,44+; Yo 5:46; Ngø 10:43; Ro 3:21

◊

²⁴ Paulus iso sua kini ma indeenje tiŋgi, to Pestus imanja mi kalŋaana biibi ma iso: “Ai Paulus, nu kankaananjom kat. Kam ŋgar biibi mete ta ipatalli u na!” ◊

²⁵ To Paulus iso: “O biibi tio Pestus, nio ti kankaananjon som. Nio aŋzso sua ŋonoono men raama ŋgar tau. ²⁶ Tanata aŋmototo som, mi aŋzso katkat sua. Sua ti, king Agripa ni iute ma imap. Pa mbulu ta boozomen ti, sa ike som. ²⁷ Lak, king Agripa, nio aŋwi u. Nu urla Anutu kwoono bizin kalŋan, som som? E, nio aŋute. Nu urla.”

²⁸ Tabe king Agripa iso: “Wai Paulus, ingi so tooro yo karau men be aŋwe Krisi lene ta buri?”

²⁹ Paulus iso: “O, so buri, buri. Miso kaimer, kaimer. Mi nio aŋsuŋ Anutu pu mi zin wal ta tileŋlen sua i tomini be kuurla mi kewe kembei ta nio i. Mi tamen nio lelen be tipo nomoyom ma kumbuyom ma tiur yom lela ruumu sanaana kembei ta tikam pio na pepe.”

³⁰ To king zinjan gabana Pestus mi Benis mi zin tau timbotmbot na burup ma timanja. ³¹ Tiyooto ma tila na, tiparzzo pizin. Tiso: “To ti, ni ikam ŋoobo mbulu sa tabe ilela ruumu sanaana, som imeete pa i na som.” ◊

³² To Agripa isu na iso pa Pestus. Iso: “Tomtom ti, ni iso ila ki Kaisa ma ni itiiri sua kini. Pepe so tezemi, mi iyooto ma ila ne.” ◊

◊ **26:23:** 1Kor 15:20,23; Kol 1:18 ◊ **26:24:** Yo 10:20; 1Kor 2:14; 2Kor 5:13 ◊ **26:31:** Lu 23:14+; Ngø 23:9, 25:25 ◊ **26:32:** Ngø 25:11

27

Paulus ikam woongo be ila pa Rom

¹ Zin timbuk sua be niam amkwai ma amla Itali. Tana tikam Paulus zinjan wal pakan ta imbot lela ruumu sanaana na, ma tiur zin la Julius namaana. Julius, ni biibi kizin malmal kan. Imborro zin malmal kan tomto lamata ki Kaisa itunu tau. ² Amla ma woongo ta ki kar Adramitium imar. Mi ingi iso imiili mini ma ila pa kar pakan ki Asia. Tana amse mi le isala ma amla. Mi tomtom ta ki kar Tesalonika ta imbot la lele pakaana ki Masedonia na, igaaba yam ma niamnjan amla. Zaana Aristakus.

³ Aigule toro na, amlela kar Sidon. Mi Julius leleene ambai pa Paulus, tana izemi ma ila kizin guraaba kini bekena tire i pa kopoono ma koron.

◊

⁴ To amzem Sidon mi ampet mini na, amko pa mutu Saiprus leleene ta miiri ilonloondo pa som i. Pa amseebe miiri biibi tau. ⁵ Amko ma ampa ndapet men, mi amla Silisia ma Pampilia. To amyembut ma amlae na, amlela kar Mira ta imbot lele pakaana ki Lisia a. ⁶ Amlela tina, mi biibi kizin malmal kan ire woongo kizin Aleksandria ta isombe ila Itali. To iso piam ma njes lae woongo tina.

⁷ Woonjo iko rijarija. Tabo amko amko ma molo mana, amso amlela Nidus. Som mi, miiri biibi kat ma amselaala na amrao som. Tana amko pa toono uunu ma amla, to ambeleu pa mutu Krit zuruunu ta iyaara ma ipera. Tipaata be Salmone. To mutu tana ipakaala miiri. ⁸ Amkosal toono, mi amkowo rijarija, mi amla amla ma sor lela

◊ **27:3:** Ngo 24:23, 28:16

lele ta tipaata be ‘Maata Ambaiñana’ na. Imbot kolouñana pa kar Lasea.

⁹ Indeeñe tana, ambel koñana kek. Mi inji be lele isaana ma irao kwaiñana mini som. Pa aigule biibi ki Sanaana Urpenjana ila ne kek. * Tana Paulus imanja mi isope zin. Iso: ¹⁰ “Keleñ. Nio añre tai inji be isaana i. Sombe tepet mini, inako tendeeñe patañana biibi. Kokena woongo mi mburu kitila ne, mi iti itundu tomini.” ¹¹ Tamen biibi kizin malmal kan, ni iurla sua ki Paulus som. Mi ikanan la ki ni ta itekteege peeze ki woongo i mi woongo katuunu. ¹² Timbot ma som mi miiri swoono ipet. Tabé lele ta woongo ipot pa i, ambai som. To iwal biibi lelen be tila pa maata toro ta imbot kar Peniks a. Pa lele tina na, miiri pe som. Irao timbot pa ma miiri isu. Maata tina, ina imbot ta mutu Krit a. Imbot la ki pakaana ta zoñ isula na.

Miiri biibi ma lele isaana

¹³ Miiri riñariña ta ipa ki meleeba mi ise. Tabé zin woongo kan tindemeere ma tiso ko ambai pizin. Tana tiyaaru pat ise, to amko ma amsal men pa mutu Krit. ¹⁴ Molo som na, miiri biibi imanja. Ipa ki ndalea mi ipet ma indeeñe yam. ¹⁵ Miiri imar ma amtoombo be amkunyaara duubu. Tamen som. To amsur men. ¹⁶ Amla ma amko pa mutu musaana ta zaana Kauda na ndemeene, to ipakaala miiri. Tana amso amyaaru woongo musaari ta timbit la woongo mbuleene i ma ise. Mi miiri mburaana men. Tabé ambel uraata pa woongo musaari tana. ¹⁷ To amyaaru ma ise, mi zin pakan tipo woongo biibi pa re pakan

* ^{27:9:} Aigule tana, ina sunjana biibi kizin Yuda. Iwedet pa Septemba.

bekena tipombol. Mi timoto: Kokena duubu ipiri woongo ma isala magat biibi ta igarau Aprika na. Tabé tipun le, mi woongo itunu rukruk ma ilala. ¹⁸ Lele isaana kat ma tau ruŋguyam isaana lup. Tabé kozeere to tipiri mburu pakan ila ne. ¹⁹ Aigule iwe tel pa na, tikam mburu woongo kana pakan, mi tipiri sula len tai. ²⁰ Mi lele na, isaana kat. Aigule boozo, zoŋ iyaara risa som. Mi pitik ta kembena. Sa imbot mat som. Tabé ikam ma amso ko irao ambot na som. Amla leyam.

²¹ Zin tomtom tikan kini som, mi timbot sorok men pa mazwaana molo kek. Tana Paulus imaŋga na iso pizin. Iso: “Kozobe niom kakan mar tio ma tezem Krit pepe, so iti irao tendeeŋe pataŋjana tingi som, mi mburu kitit sa irao ila ne som. ²² Mi tonggo. Nio aŋso aŋpombol yom ta kembei. Komoto pepe. Pa iti ti, tasa ko irao ila ne na som. Woongo men ta ko ila ne. ²³ Pa mbenji, Anutu tio ta aŋbesmbeeze pini i, iŋgo aŋela kini ta ma imar imbot su ta zilŋoŋ uunu mi iso pio. ²⁴ Iso: ‘Paulus, moto pepe. Nu kola la ma pet ki Kaisa. Pa Anutu leleene iur ta kembei. Mi Anutu, ni murjaiŋjana katuunu. Tana ni ko mataana pa wal boozomen ta niomŋjan kamar i ma irao tasa ila lene som.’” ²⁵ To Paulus iseengen sua kini mini ma iso: “Tana nio aŋso piom: Komoto pepe. Pa nio aŋurla ki Anutu. Koron̄ ta ni iso yo pa, inako iur ḷonoono. ²⁶ Tamen iti ti kola tala ma tosoolo sala mutu sa.”

Woongo isaana

²⁷ Amzurzur ma aigule laamuru mi paŋ imap, to amla tai pakaana ta tipaata be Adria na. Indeeŋe

❖ ^{27:23:} Ng 23:11; Ro 1:9

mbenj lukutuunu na, zin woonjo kan tiso ko amgarau toono kek. ²⁸ Beso tикин yok na, tire kembei mozo biibi imbot. Timbot rimen mi tикин mini, to tire ise. ²⁹ Tabe timoto ma tiso ko woonjoila ma ituti sala patmbu sa ma iŋgi. Tona tila woonjo mbuleene, mi tipusuk pat bibip paŋ ta re ikan ma tuŋ i, ma tisula tai bekena tibiigi woonjo. Mi tizunzuŋ be loŋa mi berek. ³⁰ Mi zin tau tikamam uraata pa woonjo i, na tila ta woonjo zuruunu, to tiputke woonjo musaari mi tipeleŋ ma isula be tiko ma tila len. Pa matan iŋgal zitun men. Tana tipakaam zin tau tise woonjo na, mi tiso tila be tipusuk pat pakan isula ki munja bekena tibiigi woonjo. ³¹ Tamen Paulus imanya to iso pizin malmal kan ziŋan biibi kizin. Iso: “Kere zin wal ta tikamam uraata pa woonjo ti. Sombe tizem woonjo mi tila len, tona niom ko irao kombot ambai som.” ³² Tabe zin malmal kan timanya na tiyembut wooro pa woonjo musaari, mi itop ma ila ne.

³³ Berek zen mi Paulus iso pizin ta boozomen be tikan kini. Iso: “Ou, niom ti kakan koyom kini. Pa iti toporou sala pataŋana ti ma kombotmbot ki kopoyom men ma iŋgi aigule iwe laamuru mi paŋ i. ³⁴ Tana aŋscombe kakan koyom kini sa ta buri be ipombol yom. Pa iti ta boozomen ko tombot ambai. Tomtom tiom sa ko irao uteene ruunu sa ipas ma ila lene na som.” ³⁵ Iso pizin makŋ to, ikam narabu mi isun pa Anutu ila iwali biibi matan. To ite kana ma ikan. ³⁶ Tanata ipombol ŋgar kizin pa, to lelen ambai mi timap ma tikan

◊ 27:34: Lu 12:7 ◊ 27:35: Mt 15:36; 1Tim 4:4+

kini. ³⁷ Niam tomto laamuru tomto tel lamoro mata mi ta (276), ta amse woongo i. ³⁸ Tikan irao zitun lelen ma kopon bokbok, to tila ma tipiri mburu pakan ila ne tai, bekena woongo ipot ma ise ḥana.

³⁹ Berek su na, matan lae toono uunu. Tamen tikilaala lele som. Mi tire lele lumbuunuñana tau, to matan ito ma ila na, tire la pa maanja. Tana tiso tikam woongo ma tilela. ⁴⁰ Timanja na tiyembut re pa zin pat ta tibiigi woongo pa i ma titoptop sula len. Mi tiyembutmbut lae pa re ta timbit peeze pa i ma putput. To tiyaaru le ma isala. Pa tiso tilela pa toono uunu. ⁴¹ Tamen woongo iko ma ila, mi woongo ndomoono isoolo sala magat. Mi mbuleene na iwwa. Tabe duubu ipun ipun ma imapaala la ki mbuleene. [◊]

⁴² To zin malmal kan timanja na, tiso tipun zin tomtom ta ruumu sanaana kan i. Kokena tiyaago ma tila, to tiko ma tila len. ⁴³ Mi biibi kizin malmal kan na, leleene be tipun Paulus ma imeete pepe. Tana ipeteke zin ma tikam mbulu tina som. Mi iso pizin be zin tau tiute yaagonjana na, loja tilu zin sula mi tiyaago ma tila toono uunu. ⁴⁴ Mi wal biibi na, zin be tire len ke pakampakan tau duubu ikiili pa woongo i, tona tizze mi tiyaago raama ma tilela toono uunu. Amkam ta kembei, tabe niam ta boozomen mi amla amsala toono ma ambot ambai.

28

Amla amse mutu Malta

[◊] **27:41:** 2Kor 11:25

¹ Amlela toono uunu, tona amlenj kembei mutu tingi zaana Malta. ² Zin tomtom tau timbot mutu tingi, kampeñjana kizin ilip pa wal pakan. Timar mi tire yam, to tindou you ma ilo yam. Pa yan tomini ma lele ilomo. ³ Paulus ila iyo ke ma iliigi, mi ikam ma imar, mi iur sala you mataana be ikut. Molo som na, mooto sananjana pus ma ipet pa ke liiginjana, mi ila ma injakiskis lae pa Paulus namaana. ⁴ Zin mutu tana tire mooto imbotmbot la Paulus namaana, to tiparso pizin ma tiso: “Wai, to ti ko ipun tomtom sa ma imeete som? Nonoono, miiri ma duubu na, ni iko pa. Mi merere kiti ta ipokotkot mbulu i na, * irao ileeli na som.” ⁵ Tamen Paulus itirke mooto tana isala le you ma you ikani, mi kosa sa ipet pini som. ⁶ Ikam ma zin tomtom tiurur matan pini. Pa tiso ko izarzar ma inđgi, som itop su ma imeete. Tamen kosa sa ipet pini som. To tisu na titooro ḥgar kizin ma tiso: “Wai, to tingi ko merere sa.”^{*}

⁷ Biibi ki mutu tana, ni zaana Publius. Mi lele kini igarau. Imar ma ire yam, to ikam yam ma amla ambot ruumu kini pa aigule tel. ⁸ Publius tamaana, ni ibayyou ma kopo suruunu ramaki sinj. Tabé ikenne men ta muriini. Tana Paulus ila to ilela ma ire i. Mi imaŋga to iur namaana isala ḥwaana, mi isuŋ pa Merere, to niini ndabok. ⁹ Zin mutu kan tire mbulu tana, to tila tiyo zin meteŋjan ta boozomen ma timar. Mi Paulus isuŋ pizin ma nin ndabok lup mi tilala. ¹⁰ Tabé koron

* ^{28:4:} Wal taingi, zin Kristen som. Merere ta tiso pa na, ina Merere Anutu som. Ina zin zitun merere kizin. ^{28:5:} Mk 16:18; Lu 10:19 ^{28:6:} Ngo 14:11 ^{28:8:} Mk 16:18; Ngo 3:2+; Ngo 9:34, 14:8+; Yems 5:14+

ta boozomen tau tipakur yam pa men. Beso amparaŋraŋ koron tiam be ampet na, zin timar ma tiuulu yam pa koron boozomen ta leleyam pa i.

Amla ampet Rom

¹¹ Indeeŋe ta miiri biibi mi imar na, woongo ta kizin Aleksandria imbot su mutu tana. Woongo ndomoono na, merere boogo ru kunun imbot la. Zan Kasto mi Poluks. Tana niam ambot pa puulu tel ma miiri imap, mana kaimer to, amkam woongo tana ma amla. ¹² Amla amla ma amlela Sirakus, to ambot pa aigule tel. ¹³ To amzem kar tina, mi amko mini ma amla amlela Regium. Amkeene ma aigule toro na, miiri ipa ki meleebe mi ise. Aigule ru ta amkowo amkowo ma amla ampet kar Puteoli. ¹⁴ Amlela tina, to amdeejē tonjmatizin pakan ta ki Krisi i. To tikam yam ma amla, mi niamŋjan ambot pa aigule lamata mi ru. Mana amanja mini pa pai be amla Rom.

¹⁵ Mi waeyam bizin ta timbot Rom a tileŋ uruyam kek. Tana tomtom kizin pakan tizem kar, mi tipa ma timar tau nol muriini ki kar Apius na. Mi pakan timar pa kar toro ta ruumu tel kizin leembe timbotmbot pa na, mi tizza yam su tana. Amar mi Paulus ire zin, to ipakur Merere pa kampeŋjana kini. Pa kembei mbulu tana ipomboli. ¹⁶ Amla ampet kar biibi Rom na, tiyok pa Paulus be itutamen ila imbot ndel. Ziru menderjana tamen be mataana pini. [¤]

Paulus ikam uruunu ambaiŋjana isu kar biibi Rom

[¤] **28:16:** Ngo 24:23, 27:3

17 Aigule tel ilae mana, Paulus iso la pizin bibip kizin Yuda be timar. Timar ma tilup zin, to ni iso pizin. Iso: “O niom tonjmatiziŋ tio, kelenj. Nio ti, anzooro zin wal kitia pa kosa sa som, mi anzooro mbulu sa ta ki tumbundu bizin na som. Tamen titeege yo sorok isu Yerusalem, mi tiur yo la zin Rom naman.”¹⁸ Mi zin Rom titiiri yo ma som, to tisombe tizem yo ma anja leŋ. Pa tire yo na, kembei anjkam ḥoobo mbulu sa tabe anjmeete pa i som.”¹⁹

19 Tamen zin Yuda tinoknok sua ḥgaljana pio, tabe len zaala sa som. To anjso: ‘Kena nio anjso anja anjre Kaisa itunu be itiiri sua tio.’ Mi nio ituŋ na, lelenj be anjal sua sa pa wal tio som. **20** Ingi uunu tingi ta anjboobo yom ma kamar, bekena anjre yom mi anjso sua ma kelenj. Pa koronj ta iti Israel boozomen turur matanda pa i, ta nio anjurla tomimi. Nio, tipo nomoj mi tiur yo lela ruumu sanaana pa uunu ta tingi.”²⁰

21 To zin tiso: “Ambai. Mi zin Yudea kan tibeede sua sotaaranjana sa pu ma imar piām som. Mi tomtom sa imbot Yudea mi imar be injal sua pu i som. **22** Mi ingi itum mar na ambai. Pa amso amleŋ kat sua ku. Pa niam amute men ta kembei: Lele ta munjaana men kan tomtom bizin tiwirri sua sanannjana pa lupnjana tiom ta tingi.”²¹

23 To tiur len aigule toro tabe ziŋan tilup zin mini. Aigule tana, zoŋ ise na, tomtom boozomen timeke ma timar, to tila ruumu tau Paulus imbotmbot pa i. Mi ni ipaute zin pa sua, mi ilala leleene pa ma tileŋleŋ ma ila mbeŋ. Izzo zin pa

¹⁸ **28:17:** Ngo 21:33 ¹⁹ **28:18:** Ngo 26:31+ ²⁰ **28:20:** Ngo 2:31+, 26:6+; Ro 15:8; 2Tim 2:8+ ²¹ **28:22:** Ngo 24:5; 1Pe 2:12, 4:14

peeze ki Anutu, mi izzo zin pa tutu tau imar pa Mose mi Anutu kwoono bizin na. Iso ikam be ipatoonjo Yesu pizin, mibe ikam zin ma tiurla.[☆]

²⁴ Tomtom pakān tileñ sua kini ma iñgal zin, to tiurla. Mi pakān na, tiurla som. ²⁵ Zitun timaŋga na tiparzorzooro pa sua ma burupburup be tiyoto. To sua kaimer kana ta Paulus ipemet pizin mi timureege i, na iso ta kembei. Iso: “O, sua ta Bubuŋana Potomŋana ipazal Anutu kwoono Yesaya pa mi iso pa tumbundu bizin, ta iñgi indeñe kat yom. Pa iso ta kembei. Iso:

²⁶ La kizin wal tiŋgi mi so zin. So:

Niom ti ko kuurur talŋoyom ma keleŋlen sua. Mi ko kakam ŋgar pa ka uunu som.

Ko kerre ki motoyom. Tamen ŋgar tiom ko ipet som.

²⁷ Pa wal ti, ŋgar kizin imbol kat.

Zitun tizeeze talŋan mi tipumun matan.

Pa lelen be tikilaala som,
mi lelen be matan ire mi talŋan ileñ som.

Pepe so ŋgar kizin ipet,
mi titooro lelen,
mi timar tio be anjurpe zin.”[☆]

²⁸ “Tana nio lelen be niom kuute kat ta kembei: Zaala tau Anutu ikamkewe zin tomtom pa i, na uruuunu ila pizin wal ta Yuda somŋjan i kek. Mi zin ko tileñ la.”[☆]

[²⁹ Paulus iso makiŋ, mi zin Yuda tiyotyooto na, tiparzorzooro pa sua mi tilala.]

³⁰ Mi ndaama ru kat, ta Paulus imbotmbot rumu tau itunu iñgiimi be imbotmbot pa, mi irre

[☆] **28:23:** Lu 24:27+ [☆] **28:27:** Yesa 6:9+; Mt 13:13+; Ro 11:18

[☆] **28:28:** Mbo 67:2; Lu 3:6; Njo 13:46+; Ro 11:11

Uraata Kizin Ngonjana 28:31

cxxxii

Uraata Kizin Ngonjana 28:31

wal boozomen ta timarmar kini na. ³¹ Ni imototo som. Izzokatkat sua pa Anutu peeze kini, mi ikamam sua pizin tomtom pa Merere Yesu Krisi. Mi tomtom sa ipeteke i som.[◊]

[◊] **28:31:** Ep 6:19

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 21 Feb 2024 from source files dated 31 Aug 2023

a815c47a-4c36-5240-a396-70cbd5e9b593